



THE LIBRARY OF THE
UNIVERSITY OF
NORTH CAROLINA



ENDOWED BY THE
DIALECTIC AND PHILANTHROPIC
SOCIETIES

PQ4716
.M87
P6
1814
v.6

This book is due at the WALTER R. DAVIS LIBRARY on the last date stamped under "Date Due." If not on hold it may be renewed by bringing it to the library.

[illegible]



Digitized by the Internet Archive
in 2020 with funding from
University of North Carolina at Chapel Hill

P O E S I E

SICILIANE

DELL' ABATE

G I O V A N N I M E L I

Dot. in Medicina , e Pubblico

Professore di Chimica

Nella Reg. Università degli Studj di Palermo
e Socio di diverse Accademie.

EDIZIONE II.

*Riveduta dall'Autore , accresciuta di novelle
composizioni non pria stampate , ed arricchita di note per gl' Italiani*

T O M O VI.



I N P A L E R M O

1814.

Per Interollo.

PG 4716
M82
F6
1814
v. 6

*Aut prodesse volunt, aut delectare
Poetae;*

*Aut simul, et jucunda, et idonea
dicere vitae.*

Hor. de art. poet.

D. CHISCIOTTI,
E
SANCIU PANZA
POEMA
EROI-COMICU
Parti Secunna .

CANTU SETTIMU



A R G U M E N T U

*Dintra la gula di la gran balena
 Don Chisciotti s' azzanna e testa, e spata,
 Sanciu lu cridi mortu; e cu gran pena
 S' imbarca; e junci a 'na spiaggia abitata;
 Lu pasturi si spusa; e nova scena
 L' accidenti ci appresta assai chiù grata;
 Sanciu profitta d' ogni circustanza;
 Ed è apprisu pr' un omu d' impurtanza;*

*Si azzanna, si conquassa. Junci a 'na,
 arriva ad una. Ci, gli.*

I

L' unna era in calma; e l' ali soi lu ventu;
 Moviri nun ardia, quasi ammirannu
 L' audaci, e imparaggiabili ardimentu
 Di l' emulu invittissimu d' Orlanu;
 Chi, preparatu già a lu gran cimentu,
 Vinia supra la varca, minacciannu
 In modu tali, da fari trimari
 Li chiù robusti scogghi di lu mari.

2

Comu infasta cometa lampiava
 D' una pallida luci la sua spata,
 Lu celu a la sua vista s' annigghiava;
 E l' aria cumparia trista, e turbata;
 (Iddu almenu accussì s' immagginava)
 Cu la sinistra poi tinia 'mpugnata
 La stanga, o sia lu rimu; appuntu chiddu;
 Chi sèrviri duviacci pri puntiddu.

Unna, *onda*. Lampiava, *lampeggiava*.
 Annigghiava, *annebbiava*. Iddu, *egli*. Chid-
 du, *quello*. Duviacci, *doveagli*. Puntiddu.
pontello.

3

Cussì è fama, ch' in Nubbia, o tra l'Eggittu,
 Ddà di lu Nilu a la fecunda ripa,
 Un lignu a li dui estremi acutu, e drittu
 La timiraria genti impugna, e stipa;
 Veni lu cuncutrigghiu, ed è trafittu,
 Poicchì dintra la gula si cci 'ntipa
 Lu vrazzu cu dda sticca rivutata,
 Chi ci teni la vucca scancarata.

4

Tali lu nostru Eroi, cu gran distrizza
 Sànta; e nell' attu stissu pri traversu
 Lu menzu rimu 'ntra la grutta appizza,
 Senza lu quali si chiancia pri persu:
 Poi, tuttu accisu di fururi, e stizza;
 Gira la spata pri drittu, e riversu;
 'Mpignatu di tagghiaru a tutta lena
 Li visceri, e lu cori a la balena.

Ddà, colà. Stipa, stringe. Cuncutrigghiu, coccodrillo. Si cci 'ntipa, gli si intrude. Lu vrazzu cu dda ec. il braccio con quella stecca rivoltata. Vucca scancarata, bocca sgangherata. Sànta, salta. Appizza, affigge. Chiancia, piangeva.

Accussì, quannu dintra a 'na citati
 Trasi d'assaltu lu nimicu campu,
 Scurrimu comu tigrì li suldati,
 Purtannu in manu lu tronu, e lu lampu;
 Cadinu li gran turri sdirrupati;
 Nè li chiesi sù chiù riparu, e scampu;
 Ddà spira un vecchiu, ccà 'na picciuttedda
 Và strascinannu a terra li vudedda.

Sarria statu l'Eroi suldatu, e tigrì,
 Dintra dda gula, si nun era grutta;
 Ma li petri a sotari erannu pigri,
 E appena alcuna è scardiata, e rutta
 Ntra ddi crafocchi tortuusi, e nigri
 Ficca la spata, e a furia ci l'ammutta:
 Ma pirchè trova rocchi, e ciachi veri,
 Ci arrisanta la spata, e và 'nnarreri.

Trasi, *entra*. Tronu, *tuono*. Sù, *sono*.
 Ddà, *colà*. Ccà 'na picciuttedda, *què una*
donzelletta. Vudedda, *budella* Dda, *quella*.
 Sotari, *saltare* Scardiata, *scheggiata*. 'Ntra
 ddi crafocchi, *in quei buchi*. Ci l'ammutta, *ve la spinge*. Ciachi, *pietre dure*.
 Ci arrisanta, *gli rimbalza*. 'Nnarreri, *in-*
dietro.

SETTIMO

7

'E già torta, azzannata, e senza punta,
 Ed è arrivitticatu lu so tagghiu;
 Nè ntra la grutta ancora si ci cunta
 Nuddu novu pirtusu, o novu 'ntagghiu;
 La menti di l'Eroi quasi era junta
 A ravvidirsi di l'enorini sbagghiu,
 Quannu s'adduna: chi distanti un spangu,
 C'era pri terra un violu di sangu.

8

Si ni applaudi, ni godi, e ni fa festa,
 E contra li soi dubii decidi:
 Chi chidda sia 'na bestia manifesta,
 Giacchè lu sangu so ni faccia fidi.
 Minnali di chi godi? la tua testa
 Manna tuttu stu sangu, e 'un si ni avvidi;
 Li soi proprii pazzii la testa scutta,
 C'un mercu chi si fici ntra la grutta.

Azzannata, *ottusa*. Arrivitticatu ec. *pie-*
gato il suo taglio. Nuddu pirtusu, *nessuno*
peruggio. Junta, *arrivata*. Adduna, *ar-*
vede. Chidda 'na, *quella una*. Sangu so,
sangue suo. Minnali, *sciocco*. Mercu, *in ar-*
chio, sfreggio, quì ferita.

Nun 'ntisi a sangu candu lu doluri;
 E nu lu senti ancora, pirchè dura
 Lu primu motu in iddu, e lu fururi;
 Ma cu lu sangu perdi la calura,
 Già manca ntra lu vrazzu lu viguri,
 E la luci di l'occhi si ci oscura;
 Già vacilla, già cadi, e lentu lentu
 Duna sticcati inutili, e a paventu.

Eccu chi vintu già da la stracchizza
 Unita a lu gran sangu, ch'avìa persu,
 Si ridussi a 'na tali dibbalizza,
 Chi cadiu tramurtutu a lu riversu.
 Sanciu intantu cu summa placidizza
 Cogghi pateddi, in strani dubbii immersu,
 E dici: sia balena? è sempri beni,
 Quann'idda n'alimenta, e ni susteni.

Nun 'ntisi, *non sentì*. Càndu, *caldo*.
 In iddu, *in lui*. Ntra lu vrazzu, *nel brac-*
cio. Si cci, *gli si*. Sangu, *sangue*. Cadiu,
cadde. Cogghi pateddi, *coglie ostriche*. Id-
 da, *essa*.

SETTIMO

II

Quannu è chistu ci l'accordu a lu patruni,
 Ch'anchi l'Europa, l'Africa, e lu munnu
 Sianu tutti mostri, e bistiuni
 Ntra l'acqua, chi ci gira sempri 'ntunnu;
 Quannu nun fannu mali a li pirsuni,
 Quannu sù sodi, e 'un si nni vannu a funnu,
 Quannu ni sumministranu alimenti,
 Ch'importa si sù mostri, o continenti?

12

Cussì dici a se stissu; e affaccia poi
 Supra lu scogghiu...oimè! quali sorpresa!
 Vidi la varca senza di l'Eroi,
 Libera 'mmenzu l'unni, e chiù suspisa;
 L'oricchi affila, e stanca l'occhi soi,
 Pri sentiri, o vidiri; nè la 'ntisa,
 Nè la sua vista ci offrinu autru oggettu,
 Chi un gran silenziu, e un mari chiaru, e
 (nettu.

Chistu, *questo*. Ntunnu, *attorno*. Sù
 sono. Unni, *onde*. Suspisa, *a galle*. Senti-
 ri, *udire*. 'Ntisa, *udito*. Adir'altro.

Si duna un pugu 'nfacci: ah vinni l'ura
 Dissi, muriu, muriu cù 'n' appi uguali!
 Ci l'avìa 'nduvinatu sta vintura;
 Muriu l'Eroi, e morsi tali quali!
 Nun ni pò fari chiù matri natura;
 Mort' iddu, si pirdiu l'originali,
 Lu vern Eroi di stori, e di romanzi;
 Ntra lu sciuri muriu di li so' avanzi.

Cussì parra: e pirchè lu vulia beni,
 Ci pagava di lagrimi un tribut;
 Poi versu lu pasturi si ni veni,
 Circannu d' iddu cunsigghiu, ed ajutu;
 Lu quali spettaturi di sti sceni,
 Sintia, guardava a tutti, e stava muti,
 Pirchè era amaraggiatu immenzu a tanti
 Oggetti tutti novi, e stravaganti.

Muriu, morì. 'N' appi, non ebbe. Mor-
 si, morì. Pò, può. Iddu, lui. Pirdiu, per-
 dè. Ntra lu sciuri, nel fiore. So suoi. Par-
 ra, parla. Ci, gli. D' iddu, da lui. Am-
 maraggiatu, smarezzato.

SETTIMA

15

Ma Sanciu si cci accosta, e lu frastorna,
 Dicennu àju mancatu, perdonati,
 Pri li tanti mmarazzi ntra li corna;
 M' àju scurdatu, a vostra Maistati;
 Per autru, vni sapiti, ntra sti jorna
 Quantu scanti, e disgrazii ci sù statì;
 Finalmenti ristavi spatrunatu,
 Poviru, visitusu, e distirratu.

16

Bona-memoria di lu miu patruni
 M' avia promissu un Isula in vivenza;
 Perciò prima di mòriri a natuni,
 Pinsau di disculparsi la cuscenza;
 M' à lassatu stu scogghiu, e stu ruccuni,
 Chi d' un Isula fà la quint' essenza;
 La quali tantu comodù concedi,
 Ca si mi curcu, affaccianu li pedi.

Si cci, gli si. 'Aju, ho. 'Mmarazzi ntra
ec. sollecitudine nella mente. Autru, altro.
'Ntra sti jorna, in questi giorni. Scañti,
terrori. Ci sù, vi sono. Spatrunatu, senza
padrone. Visitusu, in lutto. Distirratu, re-
legato, esiliato. In vivenza, mentre era tra'
vivi. Lassatu stu, lasciato questo. Ca si mi
curcu, che se mi corico.

Cu' sà quantu ci sù, chi comu mia,
 Squagghianu comu cira, addisiannu
 Chiddu, chi poi c'è pesti, ed agunìa
 Da l'istanti madesimu chi l'annu!
 Cussì lu bonu Sanciu riflittia;
 A lu cumpagnu poi vinni cuntannu
 Parti di la sua storia; e chiddu poi
 A Sanciu raccontan li casi soi.

Sanciu alluechiu, e in sèntiri dda storia,
 Dissi: bisogna chi ntra l'occhi proprii
 Lu patruni ci avia, bona memoria,
 Dui perfetti, e sollempi microscopii,
 Ci parevanu tempì di la gloria
 Li casalini tutti sporchi, e improprii;
 Li pastoredi Re, l'umbri Giganti,
 Scogni baleni, e scecchi Negromanti.

Cu sà: *chi sà*. Ci sù, *vi sono*. Mia,
me. Squagghianu, *si liquefanno*. Chiddu,
quello. Alluechiu, *sbalordì*. Dda, *quella*.
 Ntra l', *negli*. Ci, *gli*. Casalini, *casolari*.
 Scecchi, *asini*.

SETTIMO

19

Dissi lu pastureddu : ora pinsamu

Un pocu a casi nostri; nun vurria,

Chi ni scurassi ccà, mentri parramu;

Risposi Sanciu : accussì pari a mia,

Ma la varca 'un è arrassu, specularu

Un modu di tirarla chiù a sta via;

Ed occu l' unu, e l' autru s' applicaru,

A circari lu modu; e lu truvàru.

20

Di diversi taccagghi gruppa gruppa

Cuncirtaru 'na corda; li cui punti

Una sta 'in manu, e all' autra si ci aggruppa

Una petra ben grossa, e insemi janti,

Di la varca la scagghianu a la puppa;

Chi a ddu pisu si ferma; e in tutti cunti

Già si senti custritta ad obbediri

A la forza di l' autri, e a lu vuliri.

Scurassi ccà, *pernotasse quì. Mia, me.*
 'Un è arrassu, *non è lontano. Autru, altro.*
 S' applicaru, *applicaronsi. Truvaru, trovarono.*
 Taccagghi, *legaccio. Gruppa, nodi. Pun-*
ti, estremità. Autra, altra. Si cci, gli si.
 Janti, *a forze unite. Ddu, quel.*

Accustata la varca a ddi ruccuna,
 Stavanu l' unu, e l' autru titubanti,
 A darisi in balia di la furtuna;
 Poi vistu, chi lu mari era custanti,
 E l' unna versu terra si abbanduna,
 Tutti dui risoluti, vennu avanti;
 Ci trasèru ntra un sàutu, e Sanciu 'ntona;
 Lu celu amicu, ni la manna bona.

Ma comu fari, acciò la varca scurra,
 Quannu nun ànnu rimi, e mancu vila?
 Sanciu pinsannu un pocu: si succurra,
 Dissi, cu sti mei càusi di tila;
 'Aju ancora un jippani senza 'nfurra,
 Ma timu, ca lu ventu si cci infila;
 E di tràsiri, e nèsciri è patruni,
 Pirchè è chinu di vadi, e di sfarduni.

Unna, onda. Ci trasèru 'ntra un sàutu, vi entrarono in un salto. Mancu vila, nemmeno vela. Càusi, calzoni. 'Aju, ho. Jippani, giubbone. 'Nfurra, foderà. Si cci infila, gli si caccia dentro. Tràsiri, e nèsciri, entrare, ed uscire. Chinu ec, pieno di buchi e sdruciate.

SETTI MU

23

Da lu so latu lu pastari ancora
 C'impiegau lu cappottu, e la casacca;
 Li quali tutti poi s'espottu fora;
 E l'unu e l'altu 'nzèmmula s'attacca;
 Fannu 'na tenna, chi capaci fora
 Da mettersi pri vila a 'na pulacca;
 Multu chiù chi scannia la causa bianca,
 Comu si fussi 'na banneria franca.

24

Un pezzu d'asta forma lu trinchettu;
 L'arvulu di maistra però manca;
 A st'importanti imprisa veni elettu
 Sanciu, chi stenni già la manu manca;
 Teni alzata la vila in situ rettu,
 Cu l'altu cala la cammisa all'anca;
 Ch'impiegati li cãusi pri banneri,
 Ci 'mpuppava lu ventu pri darrerri.
tom. vi.

So, suo. 'Nzèmmula, insieme. Scannia,
 prop luccica; quì salta agli occhi. Arvu-
 lu, albero. Manca, sinistra. Cu l'altu,
 coll'altu. Cãusi, calzoni. Ci 'mpuppava,
 gli spirava in poppa. Pri darrerri, per dietro,

Purchì arrivassi sanu, e salvu 'un cura,
 Ch'avissi rifriddatusi li chiappi;
 Lu so campagnu vista sta figura,
 Nan pò impediri, chi lu risu 'ua scappi;
 Eratantu cu diversa positura
 Teni spalmati ancora li soi drappi,
 Pri cogghiri lu ventu, e farli unciari:
 E putiri la varca camminari.

La quali, ancorchè lenta, puru à fattu
 Lu so caminu cu lu ventu friscu;
 Già distanti si trovanu gran trattu
 Da lu scogghiu, lasciatusi di friscu;
 Sanciu già si sinteva un pocu attrattu,
 Tantu in iddu avi opratu l'arrifriscu;
 E o sia lu motu, o sia lu vrazzu all'aria,
 'E amaraggiatu, e la testa ci sbaria.

'Un, non. So, suo. Cogghiri, cogliere. Unciari, gonfiare. In iddu, in lui. Arrifrisca, rinfrescamento. Vrazzu, braccio. Ammareggiatu, mareggiato. Ci sbaria, non gli regge.

S E T T I M U

27

L'arvulu di maistra già vacilla,
 E lu trinchettu minaccia ruina;
 'Mmatula grida lu pasturi, e strilla,
 Sanciu 'un senti chiù liggi, e disciplina;
 Jetta un suspiru, chi ntra l'aria trilla:
 Tutta la ventri già si ci arrimina,
 Poi cadi, e in cadir'iddu, eccu ridutta
 La varca nuda, e disarmata tutta.

28

Cussì succedi, quannu un Picciutteddu
 Fabbrica cu li carti, o li tarocchi
 Un sparnatu, e magnificu casteddu
 Cu l'archi laterali, e cu li rocchi,
 Ch' in mittiricci l'ultimu cappeddu,
 O ci trema la manu, o chi lu tocchi
 Lu sulu sciatu, cadi in un momentu
 L'opra chi ci custau si lungu stentu.

Arvulu, *albero*. 'Mmatula, *invano*. Jet-
 ta, *getta*. Ntra, *nell'*. Si ci arrimina, *gli si*
sconvolge. Picciutteddu, *ragazzo*. Tarocchi,
sorta di carte di giuoco. Mittiricci, *metter-*
gli. Sciatu, *fiato*. Custau, *costò*.

Tali a funnu caderu e vili, e antinni,
 Cioè jippuni, e causi di tila;
 Lu vrazzu nò, chi Sanciu si lu tinni
 Per usu propriu; ma lasciau la vila:
 Accussì duci duci si nni sciani
 'Nfunnu di la varcuza, e si ci 'nfila,
 Pirchè ci pari lu celu un cintimulu;
 E la testa ci gira, comu animulu.

Stari nun vonnu chiù ntra lu so locu
 Li visceri, e si affrettanu a scappari;
 E stizzati rigettanu ogni pocu
 Tuttu chiddu, chi ponnu rigettari;
 Comu quannu s' appiccica lu focu
 Dintra 'na casa grauni a tri sulari,
 Chi pri li porti, e pri li cuvirtizzi
 Nescinu a furia robbi abbruscatizzi.

Caderu e vili, caddero e vele. Jippuni, e cànsi, giubbone, e calzonì. Lu vrazzu, il braccio. Duci duci, dolcemente. Varcuza, burchetta. Si cc' 'nfila, vi si introduce. Cintimulu, mulino. Ci, gli. Animulu, arcologu. Vonnu chiù ntra lu so, vogliono più nel suo. Chiddu, chi ponnu, ciò che possono. Appiccica, appicca. Sulari, solaj. Cuvirtizzi, tetti coperti, o scoperti di tegole. Nèscinu, si caccian fuori. Abbruscatizzi, inar-siccate.

33

Lu pasturi fratantu v`a salvannu
 Da lu naufragiu causi, e jippuni;
 Poi li v`a d`a se sulu situannu,
 Parti a la puppa, parti a lu timuni;
 Parti a li lati li veni adattannu
 Cu nassi, chi truvau misi a 'na gnuni;
 Usa l'industria sua particolari,
 Chi supra Sancieru 'un ci p`ò chiù cuntari.

34

Eccu junta la varca, unni arrivaru
 L'amata spiaggia a vidiri d'impessu;
 Si ci presenta avanti l'occhi un scaru,
 Protettu da un gran vausu, chi c'è appessu;
 'Na turri è supra, di cui quannu è chiaru
 Lu mari, mustra in funnu lu riflessu;
 E sedi mpizzu di ddi rocchi duri
 Qualchi pacinziusu piscaturi.

Càusi, e jippuni, calzoni, e giubbone.
 'Na gnuni, un cantone. 'Un ci p`ò, non v
 può. Junta, arrivata. Unni ec. dovè arri-
 varono V`ausu, balza. Mpizzu di ddi, in
 punta di quelle.

'Ncostu la turri è un chianu, unni ci pasci
 Un asinu a li pedi 'mpasturatu;
 Cordi di spartu stisi fasci fasci
 Penninu a mari, e ddà c'è arrimurchiatu
 Un lauteddu cu li vili vasci,
 E un marinaru menzu sgammittatu
 Metti un pedi ntra un scogghiu, e l'autru a
 'E veni a terra cu li rimi ncoddu. (moddu.

Si vidianu li casi in chià distanza
 'Ngastati ntra li rocchi, e tra li grutti
 Cu li pezzi di mura a la mancanza,
 E a lu riparu di li vausi rutti;
 Lu mari nata dintra cu baldanza,
 Nè mancu lassiria li casi asciutti,
 S'un ci facissi muru, e bastioni
 L'arca, e la rina misa a munsidduni.

'Ncostu...chianu, unni ci. *vicino...pianu-
 ra, dove vi.* 'Mpasturatu, *impastojato.* Spar-
 tu stisi, *ginestre di Spagna distese.* Lau-
 teddu...vasci, *leuto calate.* Sgammittatu, *sgam-
 busciato.* Autru ec. *altro all'acqua.* 'Ncod-
 du. *al collo.* 'Ngastati, *incastrati.* Vausi,
balze. Manca lassiria, *neppure lascerebbe.*
 Bastioni, *baluardi.* Munsidduni, *gran muc-
 chj.*

SETTIMO

35

Multi schifazzi, e varchi di piscari
 Stavannu all'acqua, o a siccu ritirati;
 Autri li vili mettinu a calari,
 Pri cuncirtarli a tetti, ed a pinnati;
 Ccà sgammittati multi marinari
 Ammuttanu la varca; autri calati
 Sarcinu riti; autru li stenni, e curca
 Supra li rimi cuncirtati a furca.

36

Cussi tuttu ddu trafficu, ddi genti,
 Ddi grutti, ddi capanni, e cosi tali
 Fannu vidiri a tutti chiaramenti,
 Chi chiddu è un rozzu, e simplici casali.
 Lu nostru pastureddu allegramenti
 Trasi dintra lu scaru tali quali;
 E la sua nova navigazioni
 Tira di tutti l'ammirazioni.

Schifazzi, *piccoli bastimenti di trasporto*. Autri, *altri*. Pinnati, *tettoje*. Ccà sgammittati, *quì sgambusciati*. Ammuttanu na, *spingono una*. Sarcinu, *rimendano*. Stenni, *distende*. Curca, *corica*. Idu-ddi, *quel-quel-*
le. Chiddu, *quello*. Trasi, *entra*.

Si sparsi la notizia in un istanti,
 Essennu lu casali assai restrittu:
 Ch' ena varcuzza disarmata, erranti,
 Purtava un omu pallidu. ed afflittu;
 Cursiru quasi tutti l abitanti,
 E a cui nun fu presenti, ci fu dittu;
 Comu succedi in picciuli paisi,
 Chi d' un piliddu si nni parra un misi.

C' era tra l' abitanti di stu locu,
 Unica figghia d' un teneru patri,
 'Na Giuvina, a cui mortu era di pocu
 Lu maritu, e la sua diletta matri;
 Stu piscaturi multi voti jocu
 Fù di lu mari; poi da l' unni latri
 Vinni agghiottutu; chi la cruda Parca
 Ci rivutau c' un turbini la varca.

Varcuzza, barchetta. Ci, gli. Piliddu, dim. di pelo. Si nni parra, se ne parla. Stu, cotesto. Na, una. Di pocu, non era molto tempo. Voti ec. voltegiuoco. Unni latri, onde ladre. Agghiottutu, inghiottito. Ci rivutau, gli rivoltò.

SETTIMO

39

Un so cumpagnu, scappatu a natuni,
 Purtatu avia sta nova aspra, e funesta,
 Chi s'era sparsa in tutti li pirsuni;
 Sulu a la mogghi di sapirla resta;
 Quali da lu silenziu comuni
 Ni tira un tristu auguriu, e si stà mesta;
 Ma passati chiù jorna in pena, e stentu,
 Crisci la dogghia, e chiù nùn trova abbentu.

40

Ora sintennu appena 'na parola
 Di sta varcuzza, e st'omu, ch'è arrivatu,
 Lu cori ntra lu pettu ci arrivòla,
 Cridennulu, chi sia lu spusu amatu;
 Nun curri no, precipita, anzi vola;
 (Ed o sia, chi ci avissi assimigghiatu,
 O lu disiu in chiddu ci lu pinci)
 Si cci jetta a lu coddu, e si lu strinci.

So, suo, Natuni, *nucto*. Chiù-jorna,
più giorni. Abb-ntu, *pace*. 'Na, *una*. Sta,
questa. Arrivola, *ribalza*. Ci, *gli*. Chiddu
 ci lu pinci, *in quello a lai lo pinge*. Si cci
 jetta ec. *si getta al collo, e se lo stringe*.

Lu pasturi, l'astanti, e Sanciu stissu
 Alluccheru a sta scena inaspittata;
 Lu patri la guardava attentu, e fissu,
 Timennu chi sia pazza: o stralunata;
 Ma quann'idda s'avvidi ch' 'un è chissu,
 Resta comu 'na marmura 'gnilata;
 Detti 'nnarreri, e l'occhi soi confusi
 Di lu so sbagghiu ficiru li scusi.

Sanciu, pirchè era un omu di cuscenza,
 Vidennu ddà li fiumini arrivati,
 Pr'onestà, pri crianza, e pri decenza
 Li causi si ficcau, benchi vagnati;
 Poi scinni a terra, e fa 'na riverenza
 A tutti ddi persuni radunati;
 E cu bon garbu, e cu maniera grata
 Fici poi 'na bellissima parrata.

Alluccheru, sbalo dicono. Idda, essa.
 'Un è chissu, non è quegli. Na...gnilata,
 una gelata. Detti 'nnarreri, diede in die-
 tro. So sbagghiu, suo abbaglio. Ddà, colà.
 Causi, calzoni. Ficcau, restò. Ddi, quelle.
 Parrata, discorso.

SETTIMO

43

Pruvannu cu ragiuni assai putenti,
 Chi la malizia in nui fa li peccati;
 E chi quannu si sbagghia pr' accidenti,
 Senza concursu di la voluntati,
 Passannu pr' azioni indifferenti
 L'abbrazzi, li carizzi, e li vasati;
 E ci cita lu muttu, ch' assicura:
 Zita vasata nun perdi vintura..

44

Pertantu all'occhiu puru, ed espurgatu
 Ristava in idda intattu lu so onuri,
 Pirchè è chiaru lu sbagghiu, ed è pruvatu;
 E lu cunfirma l'onestu russuri,
 Doppu di chistu poi s'è dilungatu
 A pruvari: chi sutta dui figuri
 Poveri, smannatizzi, e spiddizzati
 Si putia dari onuri, ed onestati.

L'abbrazzi, *gli abbracciamenti*. Vasati,
baci. Zita vasata, *donzella da marito bacia-*
ta. In idda, *in essa*. So, *suo*. Sbagghiu,
abbaglio. Cheddu, *ciò*. Smannatizzi, e spid-
dizzati. *erranti, e stracciati*.

E chistu lu pruvava, esaminannu
 Li varii capricci di la sorti;
 E ci citau l'esempiu memorannu
 Di lu gran Belisariu invittu, e forti,
 Chi si ridussi cecu, mendicannu
 Mnenzu li strati, e darrereri li porti
 E ci citàu Dionisiu, chi regnanti
 Prima fu vistu, e doppu fù pedanti

Cussì Sanciù a ddi genti ci pruvava
 Cu li fatti, l'esempii, e li ragioni,
 Chi la fortuna spissu sbariava,
 E chi la munnu lu riggia a tantuni;
 Ma di tutti sti fatti, chi citava,
 Dava sempri lu lausu a lu patrùni:
 L'attrattu, dici, è di la sua putia;
 Autru nun c'è di miu, chi la mastria.

Darrereri li porti, dietro le porte. Vistu, veduto. i di, quelle. Sbariava, errava. Sti, questi. Lausu, iniputamento, loue. Attrattu, materiale putia, bottega. Autru ec. altro non v'è ael mio.

SETTIMO

47

Anzi contra di l'usu, e costumizza
 Di li frusteri, e li viaggiaturi,
 Chi si dannu pri genti d'importanza,
 Dissi: Eu fu servu, e chista fu patruni;
 L'unicu beni, ch' in terra m'avanza
 E un pezzu di bon-cori, un veru quari;
 E chisti suli, a miu pariri, sennu
 La prima nobiltati di lu mannu.

48

E' veru, ca sù zoppu, e senza nasu,
 Poveru, servu, e tutta spiddizzatu;
 Ma ci fu Esopu ntra lu stissa casu,
 Schiavu pizzenti, e forsi chiù sminnatu;
 Cu tutta chissu ognunu è persuasu,
 Ch'un filosofu eguali nun c'è statu;
 L'autri sù tutti chiàcchiari, e palori;
 Chistu aletta, ,struisci, e và a lu cori.

Eu fu', io fui. Chistu, costui. Chisti,
 questi. Sennu, sono. Mannu, mondo. Ca
 sù, che sono Spiddizzatu, stracchiato. Ntra
 lu, nel. Sminnatu, guasto. disformato Chis-
 su, ciò. Autri sù, altri sono. Chistu, costui.

Ddi filosofi , comu li cicali,
 A cui la sola chiàcchiara ci basta,
 'Mparavi a spisi proprii, ca sù armali;
 E chisti ntra lu munnu sù la catasta.
 Filosofu è , cui soffri e beni , e mali;
 Cunsigghia, e metti li soi manu in pasta;
 Umili, gratu, e da lu cantu sò
 Utili all' autri, almenu quanto pò.

Chisti , e mult' autri cosi di rimarcu
 Perorau Sanciu Panza , e avirria dittu
 Un pocu chiù , s' un fussi smuntu , e zarcu,
 E cidenti di fami , e di pitittu.
 Tutti li genti cu li gigghia ad arcu
 Stetturu un pezzu a canteaplarlu fittu;
 Poi guardàru pri sentinni lu saggju,
 Chiddu , ch' era lu gnari a lu villaggin.

Ldi, *que'* Chisti ntra lu ec. costoro nel
 mondo sono un gran numero. Cui, *chi*. So,
 suo. All' autri, *agli* altri. Chisti, *coteste*.
 Zarca, *palido*. Pitittu, *appetito*. Chiddu,
coiui.

SETTIMO

51

Sia statu lu so meritù, o la sorti,
 Sanciu incantau lu gnuri a dda parrata;
 Lu quali dissi: bravu, in vuci forti;
 E lu dignàu d'una benigna occhiata;
 L'autri, sintennu ad iddu, cu trasporti
 Lu tràtttanu d'amicu, e cammarata;
 Cui lu saluta, cui l'abbrazza, e vasa;
 E cui s'affudda per avirlu in casa.

52

Chiù d'ogni autru, pr'avirlu, faccia stanza
 Lu Patri di la vidua, dicennu.
 Chi stanti la funesta circostanza
 Di lu mortu, chi stavanu chiancennu,
 Cu lu garbu di chistu avia spiranza,
 Chi lu duluri jissi rimittennu.
 Ogn'unu stimau giusta sta ragiuni.
 E si dicisi pri voti comuni.

*Lu gnuri, què s'intende colui, a cui
 gli abitanti dei piccoli villaggi sogliono de-
 ferire. A dda parrata, a quel discorso. Di-
 gnau, degnò. L'autri, gli altri. Ad iddu,
 lui. Cui l'abbrazza, e vasa, chi l'abbraccia,
 e bacia. Affudda, affolla. Chiù autru, prè-
 altro. Chiancennu, piangendo. Chistu, co-
 stui. Jissi, andasse.*

Pertantu Sanciu cu lu so pasturi
 S'incaminanu versu la capanna,
 Duvi lu vecchin cu sinceru amuri.
 L'accolsi, e li trattau di meli, e manna;
 Già manca ntra li facci lu palluri,
 Chi lu bonu alimentu ni lu manna,
 E Sanciu, ancorchè zoppu, e mostruusu,
 Addiventa chiù allegra, e spiritusu.

Ma lu pasturi a cui rideva in frunti
 Lu vagu aprili di li soi vird'anni,
 Senti li novi forzi, e insemi junti
 Li novi sciammi, chi pri l'occhi spanni;
 La vidua intantu trova in multi punti
 Già minurata la sua pena granni;
 Si chiddu si riscalda, chista adduma:
 Viduva è mecciu astutatu chi fama.

So, suo. Trattau di meli, e manna,
ideot. trattò lautamente Ntra la facci, ne
volì. Junti, unite. Sciammi, fiamme. Chid-
du, quello. Chista adduma, questa brucia.
 Meccia astutatu, *incignolo smorzato.*

55

Ma l'invidia, chi in tali circostanzi
 Soli pigghiarì l' abiti, e lu velu,
 (Non già poi li discreti customanzi)
 Di l'innucenti, e virtuusu celu,
 Rispigghian li vicini, e fici istanzi,
 (Ma sempri a nomu, e parti di lu celu)
 Pri frasturnari sta nova amicizia,
 Comu oggettù di scannalu, e malizia.

56

Eccu accumenza un murmuru segretu,
 Comu lu vinticeddu ntra li fraschi;
 Poi crisci, si fa granni, ed indiscretu,
 Comu ventu, chi apporta li burraschi;
 Già lu senti lu patri, e già inquietu
 Prova a lu cori aspri amarizzi, e baschi;
 E torna in casa torbidu, e abbattutu,
 Da diversi pinseri cummattutu.

tom. vi.

Murmuru, *mormorio*. Vinticeddu tra li
 fraschi, *venticello nelle fratte*. Baschi,
estruzioni.

La figghia, Sanciu Panza, e lu pasturi.
 Di la mestizia sua sentinu affannu;
 E tutti mossi da sinceru amuri,
 Cercanu menzi a jirlu ralligrannu;
 Ma comu mitigari lu dulari,
 Quannu appuntu la càusa nu la sannu?
 Iddu penza, poi s'alza, ed in distanza
 Si ritira in segretu a Sanciu Panza.

Ed ad iddu cuntau l'amari guai,
 Dicennu; a gran ragioni oggi mi lagnu;
 'Aju na sula figghia, e l'amu assai,
 Pr'amuri so scurdavi ogni guadagnu;
 Avia campi, avia vacchi, e li lassai,
 Pirchè si scelsi pri spusu, e cumpagnu
 Un giuvinottu ad idda multu caru,
 Ma pri sua gran disgrazia mariparu;

A jirlu ralligrannu, *per consolarlo*. Càusa, *cagione*. Iddu, *egli*. Ad iddu cuntau, *a lui raccontò*. 'Aju 'na, *ho una*. So, *suo*. Lassai, *lasciai*.

SETTIMA

59

Doppu di la sua perdita ristannu
 Afflitti, e scunsulati tutti dui,
 Critti scioccu, chi fui! chi tantu affannu
 Putivu in parti mitigari vui;
 Ma trov' ora chiù granni, oimè! lu dannu,
 Di quantu la mia prima pena fui;
 Chi cu avirvi accugghiutu 'ntra stu locu,
 Jeu stissu in casa mia purtai lu focu.

60

E accussì sicutau, sempri chiancennu,
 A diri tattu chiddu, ch'avia 'ntisu;
 Sanciu si dispiaciù, ben comuscennu,
 Quant' eranu sti lagrimi di pisu;
 Poi dissi; o bon' amicu, eu già comprennu,
 In chi angustia pri nui tu ti sì misu;
 Forsi è impostura, e forsi la distingui;
 Ma poi cui frena tanti mali lingui?

Critti, credei. Putivu, potevate. Fui, fù. Accugghiutu ntra stu locu, accolto in questo luogo. Sicutau, proseguì. Chiancennu, piangendo. Chiddu, quello. Ntisu, ascoltato. Dispiaciù, dispiacque. Eu, io. Sì misu, sei messo. Cui, chi.

Jeu lu cunfessu , chi un fattu di chissi
 (Parrannu già pri linia di Munnu)
 'E megghiu , chi sia veru , e un si sapissi ,
 Chi fà isu , dirlu veru chiattu , e tunau ,
 Non ostanti , chi voi , chi ti dicissi ?
 Jeu di sti cosi nun mi nni cunfonnu ;
 E multu menu quannu sacciu , e sentu ,
 Chi pri la chiaga s'attrova l'unguentu .

Si s'amanu da veru st'infelici ,
 Si ti piaci lu giuvini , e ti è accettu ,
 Spusannuli , sarrevanu felici ,
 E cripiria l'invidia di dispettu ;
 Per autru stu partitu nun ti sdici ,
 'E comu tia pasturi , à un cori rettu ,
 E turnannu a li vacchi , e a li jinizzi ,
 Sarrà lu to vastuni a li vicchizzi .

Chissi , colesi . Parrannu ec. *dal tetto in giù* . Un , non . Fausu . falso . Chiattu ec. *chiaramente* . Voi , vuoi . Sacciu . so . Chiaga piaga . St' , questi . Sarrevanu , *sarebbero* . Cripiria , *creperebbe* . Autru , altro . Sdici , *disconciene* . Comu tia , *come sei tu* . Jinizzi vitelle . To , tuo .

SETTIMU

63

Chisti ragiuni, ed autri chiù efficaci,
 Ditti da Sanciu cu cori sinceru,
 Appocu appocu la calma, e la paci
 A lu bon vecchiu ci restituern;
 Imenenu già prepara la sua faci;
 Ed iddu stissu, fattu missaggeru,
 Và da l'amanti, e ddà travau l'Amuri
 Impazienti, chi cuntava l'uri.

64

Cussì si celebran sollemnementi
 Lu sponsaliziu di st'innamurati;
 Concurseru l'amici, e li parenti,
 Li vicini, e tant' autri cummitati;
 Ma Sanciu Panza vosi espressamenti,
 Ch'a lu z taggiu fassiru chiamati
 Tutti li mali-lingui invidiosi,
 E li ringrazia a nomu di li spusi.

Chisti, *queste*. Ci restituern, *restituirongli*. Iddu, *esso* Truvau, *trovò*. Uri, *ore*
 Vosi, *volte*. A lu zitaggiu, *allo sponsalizio*.

E tra lu pranzu c' un gottu a li manu
 Un brincisi intunau, dicennu, e viva
 Cui fici a sti dai spusi lu mizzanu
 Cu l' invidia, e la sua lingua cattiva;
 Senz iddi s' avirria spirati invanu
 Una sorti accussì leta, e giuliva;
 Brucia lu focu, ed è perniciusa;
 Ma l' omu saggiu sapi farinn' usu.

Tutti applauderu a Sanciu, replicannu:
 E viva, e viva; li nimici ancora
 (Non ostanti chi stavanu crepannu)
 Mustraru gioja di la vucca 'nfora,
 Ed a diri si javanu sforzannu:
 Viva li spusi, chi l' invidia mora.
 Cussì da tutti si fa festa, e gala,
 Si mancia, vivi, abballa, ridi, e sciala.

Gottu, *bicchiere*. Cui, *chi*. Sti, *cotesti*.
 Iddi, *essi*. Sapi, *sa*. Applauderu, *applaudi-*
rono. Mustraru, *affettarono*. Vucca 'nfora,
bocca al di fuori. Javanu, *andavano*. Mo-
 ra, *muoja*. Vivi, *beve*. Sciala, *solazza*.

SETTIMA

67

Anzi è fama, chi Sanciù allegru, e vivu
 Abballau 'na capona; pirchi penza
 Di filosofu aviriuni lu civu,
 E no la gravità di l'apparenza;
 Tra se dicia: per ora mi ricivu
 Stu bonu, chi la sorti mi dispenza;
 Lu spiritù accussì pigghia viguri,
 E reggi megghiu a li disavventuri.

68

Stanchi poi di ballari, fannu posa;
 E pri rumpiri un pocu, e variari,
 Invitanu a cantari qualchi cosa
 Un giuvinottu, chi vinia ad arari;
 Chistu era amanti di 'na certa Rosa,
 Chi lu faceva sempri dispirari;
 Si la guarda sott'occhin, ed accumincia
 Cu l'occhi accisi, o la birritta sguincia.

*'Na, una. Capona, sorta di ballo, che
 usa la plebe. Civu, midollo. Megghiu, me-
 glio. Chistu, costui. Sguincia, a schiancio.*

69

Stava grossu, e pisava tanti rotula;
 Ora sù siccu, e capu ntra 'na scatula;
 La carni supra l'ossa mi la cotula,
 L'amuri, chi jèn portu a 'na curatula;
 La latra mariola si nni scotula,
 Ed eu, l'amaru mia, m'ammazzu 'mmatula;
 Esquagghiu, e scunchiu, e lu pedi s'agghiom-
 (mara,
 Quannu caminu appressu di la vommaru.

70

La curatula bedda pri cui smaniu,
 Chidda, ch'avi di mia lu predominiu,
 Punci comu 'na macchia di piraniu,
 Ed apporta la frevi, e lu sdilliniu;
 Un veruni mi ficcàu dintra lu cranu,
 Pri cui mi criju juntu all'esterminiu;
 Ma oimè! ch'è dura peju di lu ravulu;
 Ed eu n'abbampu, comu cusunuvulu!

Capu ntra 'na. *entro tutto intero in una*. La carni ec. *mi fa cader d'addosso la carne*. Curatula, *castalda*. Si nni scotula, *se ne lava le mani*. Mia, *me*. Mmatula, *indarno*. Squagghiu, *squaglio*. Scunchiu, *scemo*. Intisichisco. Agghiommaru. *aggommitola*. Vommaru, *romero*. Chidda, *cotei*. Mia, *me*. Na, *una*. Piraniu, *perugine*. Frevi, *febbre*. Sdilliniu, *frenesia*. Criju juntu, *credo giunto*. Peju, *peggio*. Ravulu, *rovere*. Cusunuvulu, *sorta di raggia accendibile*.

S E T T I M U

71

Avi li labbra russi, comu frauli;
 L'occhi mudesti, la facci piacevuli;
 C'avi a lu pettu dui trunza di cauli;
 E li manuzzi fini, comu nevuli;
 Li capiddi a culuri di li ciauli,
 Chi penninu a li lati, comu preuli;
 E insumma è tanta bedda e tanta 'nnuccara,
 Chi a lu sulu pinsaricci m'inzuccara.

72

La festa è na musia propria propria;
 Quannu si vesti pigghia un gran risautu;
 Di zagareddi n'avi 'na gran copia;
 La scarpa linna cu lu lignedd'antu;
 Zoccu si metti metti, si ci appropria;
 Poi la vucidda 'ntona, com' un flautu;
 E camina 'nnurmera cu tant'aria,
 Chi di li cori fa 'na luminaria.

Trunza, *torsi*. Nevuli, *cialde*. Preuli,
pergole. Pinsaricci, *pensare a lei*. 'Nnucca-
 ra, *vezz. di graziosa*. 'Na musia, *un in-*
canto. Risautu, *risalto*. Zagareddi, *nastri*.
 Linna ec. *attillata col calcagnino alto*. Zoc-
 cu, *ciò che*. Vucidda, *dim. di voce*. 'Nnur-
 mera, *vezzosa*. Luminaria, *incendio*.

Cù senza d'accattaricci ova càndi,
 Ci jivi un jornu carricu di caccami,
 E dissi gioja mia, para li faudi;
 Sù lu scavozzu tò; veni, ed attaccami;
 Chi chiaga fannu st'occhi toi rifaudi;
 Si nu lu s'i, pigghia un cuteddu, e spaccami;
 Apri stu cori, eh'eu ti nni ringraziu;
 Quann'è pri manu toi, eu moru saziu.

Ssu to fadali è 'na carta di scriviri;
 E lu jippuni fa li petri smoviri,
 Oh chi m'avissi in grazia a riciviri;
 Oh ti putissi, bedda mia, cummoviri;
 Ma nun diri: di st'acqua 'un vogghiu viviri;
 Pirchè àju vistu a menza stati chioviri;
 Ed eu nun sugnu lu pintu avirseriu;
 E chiù tinti di mia ci nn'è un straveriu.

Cu ec. sotto pretesto, di comprar da lei. Càndi, freschi. Para ec. allarga il grembiale. Sù ec. sono il tuo schiavolino. Rifàudi, furbetti. Eu moru, io muojo. Ssu ec. coteo tuo grembiale. Viviri, bere. 'Aju, ho. Chiò in, proiere. Sugnu ec. sono il ritratto del demonio. Tinti ec. brutti di me ne sono in quantità.

SETTIMO

75

Sì li mei càusi sù frinnuli frinnuli

Fu, ch' acchianavi a un arvulu di mennuli;

Li portu a la citati, e di poi vinnuli,

Pri fariti a l'oricchi li doi pennuli;

Ma tu mi duni in cànciu amari pinnuli;

Mi tagghi in pezzi, coma petrafennuli;

Nè giuvanu cu tia sospira, e trivuli;

Ch'a lu versu, chi vija, 'un si cuciyuli.

76

'Aju a fari pri t'a qualche spropositu;

Cussì mi dici lu minu ciricocculu;

Nè parru a casu, nè fora propositu;

Ca ti pemi lu nasu pr' un biddocculu;

Scummettu un occhiu, e ccà ti lu depositu,

S' 'un mi lu 'mpastu sutta, com' un gnocculu;

Com' ora agguantu, nun sbattu nè pipitu;

Ma si tu nun ripari, mi pricipitu.

Càusi ec. *calzoni cascanti a brani*. Acchianavi, *salì*. Pènnuli, *pennaglie*. Petrafènnuli, *confortini duri*. Cu tia, *con te*. Trivulu, *lamenti*. Vija, *vedo*. 'Un sì ec. *non sei flessibile*. Ciricòcculu, *testa*. Parru, *parlo*. Ca, *che*. Biddocculu, *belletto*. Gnocculu, *gnocco*. Agguantu, *soffro*, tiro avanti *dis-simulando*, nè apro *bocca*.

Ddocu arrivatu la birritta 'ncarca,
 E si la cala pri si na ntra l'occhin;
 La picciuttedda si fa russa, e zarca,
 E a la vicina tocca lu divocchin,
 Chi compresi lu data, ed a la varca
 Ci sbatau lu timuni; da un crafocchin
 Nesci un gran ciascu, e poi gridau giuliva
 Nun è tempu di coluri, si viva.

Vistu lu so triunfu l'Accidenti,
 Benchì si trovi fatigatu, e straccu,
 S'asciuca li suduri; e prestamenti
 A lu celu passau quasi ntra un sbraccu;
 E porta la notizia risulenti,
 A lu diletto cammarata Baccu,
 Dicennu: pri lu to raccumannatu
 Già si sirvutu, l'àju situatu.

Fini di lu Cantu Settimu.

Ddocu, *quà*. 'N arca, *preme*. Ntra l',
nell'. Picciuttedda, *gioranetti*. Zarca, *pal-*
lida. Data, *segno*. A la v rca ec. *idiot. va-*
le mutò discorso. Crafocchin, *buco*. Nesci,
esce. Ciascu, *fiasco*. Viva, *bera*. Vistu lu
 so, *reduto il suo*. Passau, *passò*. Ntra un
 Sbraccu, *in un passo steso*. To, tuo. Sì, sei.
 'Aju, *ho*.

CANTU OTTAVU



ARGUMENTU

*Di la Necessità figghiu di Giovanni
 Vennu l'industria, e l'arti tra li genti
 Sanciu ntra lu zitaggiu duna provi
 D'un bon cumpagnu, e d'un omu prudenti;
 Supra l'invittu Don Chiscotti chiovi
 'Na timpesta di petri impertinenti;
 Sanciu s'arma d'Eroi; e tuttu boria
 Si prepara a cuntari 'na gran storia.*

*Vennu, vengono. 'Ntra lu zitaggiu, nello
 sponsalizio. Chiovi, piove. 'Na, una...*

Si meravigghirannu forsi tanti,
 Chi legginnu st'istoria memorabili,
 Comu Sancieru da simplici ignoranti,
 Privu di lomi, ruvida, ed inabili,
 Diventi, senza ajutu di pedanti,
 Un omu, quasi quasi rispettabili;
 E senza libri, e senza lezioni
 Opri da saggiu, e dica cosi boni.

Ma vogghiu, chi sacciati, o mei lettori:
 Chi Giovi da Giununi appi dai figghi;
 Una grassotta, e frisca, comu un sciuri,
 D'aspettu allegru, e di carni virmigghi;
 L'atra brutta, scarnata, e a lu culuri
 La sula morti c'è, chi ci samigghi;
 La prima soru è la Prosperitati,
 E' la secunna la Necessitati.

Sta, questa. Sacciati, sappiate. Appi, ebbe. Scinn, fiore. Aultra, altra. Soru, sorella.

OTTAVU

3

La matri, quantu alliscia, ed accarizza
 La prima, tantu l'otra odia, e disprezza;
 Tutta la doti sua, la sua ricchezza
 La prodiga pri l'unica, ch'apprezza;
 L'otra di beni 'un ni liccau 'na stizza;
 Ma campa di l'avanzi, e di la fezza,
 Chi ci jetta la soru cu disprezzu,
 Sirvuta, e straprigata un bonu pezzu.

4

Giovi, ch'è patri, ed ama a tutti dui,
 Senz'essiri cu nudda parziali,
 Pinsau dari a l'afflitta un supracchiui,
 Pri cunfortu, e sollevu di li mali;
 Stu compensu, sapiti, cosa fui?
 'Na lenti fina, un portentusu occhiali,
 Pri menzu di li quali l'intellettu
 Vidi li cosi 'ntra lu propriu aspettu.

'Un nni liccau, *non ne leccò*. Campa,
vive Fezza, jeccia. Ci jetta, *le getta*. Cu
nudda, con alcuna. Suprachiui, *sopra più*.
 Fai, *fù*. Ntra lu, *nel*.

Senza st' occhiali, senza sta gran lenti,
 Chi Giovi detti a la Necessitati,
 S' affatigann invan li potenti
 Pr esseri di li oggetti penetrati;
 Liggirann li libri chiù eccellenti,
 Avraun mastri dotti, e letterati,
 Cu tattu chistu, e 'nnautru tantu ancora
 Vidinu sulu di la scorcia 'nfora.

Ma la necessità scopri a l'intunnu
 Tutti l'occulti machini, e li roti;
 Conusei supra tuttu, quali sunnu
 Li cori umani cu li proprii moti;
 Li penetra, e scannagghia sinu a funnu;
 D'anni cu la sua industria alcuni voti
 Cava tali vantaggi a picca a picca,
 Ch oscura, e duna liggi a la chiù ricca.

Petti. diede Chistu, questo. 'Nautru, un' altro. Scorcia nfora, scorza al di fuori. A l'intunnu, attorno attorno. Sunnu, sono. Scannagghia etc. scandaglia sino a fondo. D'anni, da aore. Voti, volte. A picca, a poco.

OTTAVU

7

M'a stu puntu però junci di raru;
 Giacchè Giovi ci stà sempri avvertenti;
 Giovi, ch'è giustu, voli, ed avi a caru,
 Chi fassiru a vicenna dependenti;
 Una presta li menzi, e lu dinaru;
 L'autra metti l'industria, e li strumenti;
 Giovi talmenti sti dñi soru impiega,
 Ch'anchi opposti di geniu, fannu lega.

8

L'una è matri d'oziu, e di l'amuri;
 Cuva l'ambizioni, arma la guerra;
 Qualchi vota è benefica, e in cert'uri
 Si fà tiranna, incrudelisci, e sferra;
 L'autra à inventatu li manifatturi,
 Cu l'arti, e la cultura di la terra;
 Cunteni in società la genti unita,
 E c'appresta li commodi a la vita.

tom. vi.

Junci, *arriva*. Soru, *sorelle*. Vota, *vol-
 ta*. Uri, *ore*. Sferra, *eccede*.

La prima à fattu li Sardanapali,
 Li Cresi, l' Eliogabili, e li Midi,
 Li Crassi, li Luculli, ed autri tali,
 Chi di lassu, e superbia fannu fidi;
 L' altra li gran Taleti, e l' immortali
 Pitagori, e un Democritu, chi ridi,
 Un Socrati, un' Esopu; ed ora accanza
 Forfi locu tra chisti un Sanciu Panza,

Aveva avutu tanti lezioni
 Sanciu 'mmenzu li rocchi, e li vadduni
 Di stravaganzi uniti a cosi boni,
 Chi 'mbrugghiannu ci jia lu so patruni;
 Giacchè si sà abbastanza, e si supponi,
 Chi l' Eroi avia 'ntesta un zibaldani
 Di materii sconnessi, e disparati,
 Seuz' ordini, nè metodu accuzzati.

Locu, luogo. Tra chisti, tra costoro.
 Vadduni, borri. 'Mbrugghiannu ci jia, infino-
 occhiando andavagli. So, suo. Jia, andava.

11

Sanciu, ch'avia l'occhiali suprafinu,
 Jia cu l'esperienza cunfruntanu
 Ddi cosi, chi suleva di cuntinu
 Pri la via lu patruni iri cuntanu;
 E chiddi, ch'nn riggianu a lu burinu,
 A pocu a pocu li vinia scartannu;
 E si teneva chiddi sulamenti,
 Di cui n'avia li provi chiù evidenti,

12

Cussi l'aria assorbisci supra mari,
 Supra li sciuni, e supra li pantani,
 L'effluvii parti duci, e parti amari,
 Ch'unisci, accogghi, e porta auti, e luntani;
 Duvì jènnuli sempri a depurari
 Spargi poi pri li munti, e pri li chiani
 Era li stagioni proprii, ed adattati
 Sciumari d'acqui duci, e inargintati,

Ddi cosi, *quelle cose*. Chiddi, *quelle*.
 Sciuni, *fiumi*. Duci, *dolci*. Accogghi, *ac-*
coglie. Auti, *alti*. Jènnuli, *andandoli*.
 Chiani, *pianure*? Sciumari, *fiumane*.

13

Dunqui Sanciù, si à locu tra li saggi,
 Lu divi a la penusa sua carvana,
 A li disgraziati soi viaggi,
 A 'na testa sconnessa, e ad una sana;
 Dunqui li guai, l'affanni, e li disaggi
 (Misera, aimè, condizioni umana!)
 Sù la strata chiù brevi a la saggizza?
 Verità, chi nni copri d'amarizza.

14

La buffetta, la catrida, l'oturi,
 Sù li strati chiù commodi, e chiù curtì,
 Pri brillari, e pri fari li dutturi
 Tra li gran cumpagnii, teatri, e curtì,
 Pri sturdiri li granni, e farsi onuri,
 Ed essiri pasciuti a sfogghi, e turti;
 Ma sti dotti sù poi intorna a costumi
 Pianeti, chi s'imprestannu lu lumi.

Sù, sono. La buffetta, il tavolino. Chiù
 curtì, più brevi. Sfogghi, e turti, sfoglia-
 te, e torte.

OTTAVU

15

O com'anatri, ed ochi chi sù vaghi
 Di triscari e di starisi attuffati
 Tra sciumi, e margi, tra fantani, e laghi,
 Ma ni nèscinu asciutti, e scutulati;
 Ogn'una di iddi pari, chi s'appagghi
 D'aviri l'acqua supra, ed a li lati,
 E ci vâ incontru sempri ardita, e linna,
 Sicura d'un vagnarisi 'na pinna.

16

Chisti sunnu li veri sentimenti
 Di Sanciu Panza, da cui l'àju apprisu,
 Ed a cui deferisciu grandementi.
 Ma m'addugnu, ch'assai mi sugnu estisu;
 Dumannu scusa a cui m'ascuta, e senti;
 E ripigghiu lu filu già suspisu,
 Cu riturnari allegru a lu zitaggin,
 Duvì è cuncursu tuttu lu villaggin.

Nescinu, escono. Scutulati, con aver scassa l'acqua dalle penne. D'iddi, di loro. Linna, linda. Vagnarisi 'na pinna, bagnarsi una penna. Chisti sunnu, questi sono. 'Aju, ho. Addugnu, avendo. Sugnu, sono. Ascuta, ascolta. Zitaggin, maritaggio.

La festa si 'un fu splendida, e baggiana, .
 Fu però tutta briu , tutta alligria;
 Cui sona flantu , cui citarra chiana ,
 Cui ridi, cui gattigghia, cui pazzia;
 Sanciu , chi si trovava in bona gana ,
 Dicea specii, sotava, e poi vivia;
 Li fimmini in vidirlu accussì umanu ,
 L'acclamanu battennucci li manu .

E' dicevanu : ah dunca nun è veru ,
 Chi l'omu saggiu è un ursu , sforasia ,
 Chi cu li donni sempri sta severu ,
 E chi sfui lu piaciri, e l'alligria ?
 Eccu ccà lu modellu chiù sinceru :
 Omu di briu , di bona cumpagnia ,
 Dici la viritati, e nun dispiaci ,
 Cumpatisci, cunsola , e metti paci .

'Un, non. Baggiana, superba. Chiana, piana. Cu gattigghia, chi solletica. Gana, umore. Sotava, saltava. Vivìa, bevera. Umanu, socierole. Dunca, dunque. Sforasia, sia lungi da noi. Fui lu, sfugge il. Ccà, què.

OTTAVU

19

Pressu a pocu li stissi sentimenti

Jianu girannu in vucca a li mariti,
 Trattannulu di saggiu, e di prudenti,
 Nonostante li sauti, e li murrìti;
 Chi quannu sunnu in briu tutti li genti,
 Comu succedi a parti unni c'è ziti,
 Chidd'omu, chi sta seriu, e 'ncatugnusu,
 O è malignu, o superbu, o invidiusu.

20

Lu vicchiareddu è fora di li panni,

Chi vidi tantu briu ntra la sua casa;
 S' accosta a Sanciu, e cu 'na festa granni
 Si l' accarizza, si l' abbrazza, e vasa;
 Duna manu a 'na vutti di dec' anni,
 E passa vinu a tutti a larga spasa;
 Lu sangu vugghi, la testa quadia;
 E ridi, e sauta, e brilla l' allegria.

Jianu, andavano. Vucca, bocca. Sàuti, salti. Murrìti, ruzzi. Sunnu, sono. Unni c' è ziti, dove vi sono spori. Chiddi, quelli. 'Ncatugnusi, d'umor tetro. Fora ec fuor di se stesso per lo piacere, 'Ntra la, nella. Vasa, bacia. 'Na vutti, una botte. A larga ec. in abbondanza. Lu ec, il sangue bolle. Quadia, si siscalda. Sauta, salta.

Mentri in casa li ziti fannu festa,
 Fora c'è un vugghiulizzu, un parapigghia;
 Ch'a tutti quanti c'intrunau la testa,
 Ed attintaru pri la maravigghia;
 Ma sintennu chi crisci la timpesta,
 Lu fistinu s'intorbida, e scumpigghia;
 Tutti nisceru fora ntra la strata,
 Unni chiuvia 'ua gran pitruliata.

Eranu circa sissanta picciotti,
 Armati, cui di petri, e cui di trunza
 Incalzannu l'invittu Don Chisciotti,
 Longu, ed asciuttu, senza carni, e 'nzunza;
 Chi cu la sferra sua tirava botti
 Ed iddu sulu 'mmenzu a tanti arrunza;
 A signu chi fa vista d' 'un curari
 Li petri, chi lu vennu ad urvicari.

Vugghiulizzu, *bisbiglio*. Attintaru, *teser l'orecchie*. Nisceru *ec. uscirono fuori nella*. Unni chiuvia *ec. dove pioveva una gran lapidazione*. Picciotti, *ragazzi*. Trunza, *torsi*. Senza 'nzunza, *quì vale magro*. Sferra, *spaduccia*. Iddu, *egli*. Arrunza, *resiste alla meglio, che può*. Un, *non*. Lu vennu ad urvicari, *vengono a seppellirlo*.

OTTAVU

23

Ccà l'istoricu è un pocu trascuratu,
 Pirchi 'un dichiara beni lu motivu,
 Di comu fu stu focu appicciatu,
 Ed iu di testa propria nu' lu scrivu:
 Probabili, chi alennu triziatu
 Forsi l'avissi, pirchi vidia vivu
 Un scheretru cu lancia, ed elmu, e spata,
 Ed iddu nun suffriu la triziata.

24

Li picciotti sù simili a li canì,
 Chi quannu sunnu multi, e sunnu uniti,
 Si v'abbajana, o fannu cosi strani,
 Bisogna fari vista, ca 'un sintiti;
 Ma sinnò pri li strati, e pri li chiani
 Nun vi lassanu mai di dari liti;
 E multu peju siti assassinati,
 Facennu gestu cu vastuni, e spati.

Ccà, quì. Stu focu ec. *questo fuoco appiccato. Trizziatu, messo in berlina. Triziata, burla. Picciotti sù, ragazzi sono. Sunnu, sono. Così strani, soverchierie. Vista ca 'un, finzion, che non. Chiani, pianure. Lassanu, lasciano. Peju siti, peggio siete. Vastuni, bastoni.*

Ma a l'Eroi, chi 'un supporta musca a nasu,
 Ed è avvezzu a li liti, e li contrasti,
 Pari chi già si ci presenti un casu,
 D'acchisciri la gloria a li soi fasti,
 Multu chiù, ch'è convintu, e persuasu:
 Chi quantu chiù l'ostaculi sù vasti,
 Tantu chiù (com à lettu in middi oturi)
 Crisci a l'Eroi la forza, e lu valuri.

Ma ogni oturi, a cui dà tanta cridenza,
 Dici la virità, comu un lunariu,
 Chistu si vidi cu l'esperienza,
 Chi a costi soi ci prova lu cuntrariu:
 Ogni pitrata è un testu, una sentenza,
 Pri farlu ravvidiri di lu sbariu;
 Ma cu tutti li merchi, e li firiti
 Iddu però facia cosi inauditi.

*Si cci, gli si. Sù vasti, sono difficili a
 superarsi. Chistu, questo. Pitrata, sassata.
 Sbariu, abbaglio. Merchi, sfreggi. Iddu,
 egli.*

OTTAVU

27

Paria un tauru sarvaggiu 'ntra un sticcatu,
 Chi manna pri li naschi fumu, e focu,
 Da un populu infinitu circondatu,
 Chi lu vâ stimulannu ad ogni pocu;
 Unu c'abbija un panaru sfummatu;
 'Nautru ci lassa un pupu a lu so locu;
 E in tantu, mentri curri, e mentri torna:
 Ribumbanu li petri 'ntra li corna.

28

Non cstanti l'esercitu 'nnimicu
 S'era riduttu, sempri rinculannu,
 Simu a li casi, davi di l'amicu
 Stava Sanciu li nozzi ralligrannu;
 E multi pri livarisi d'intricu,
 Anchi dintra si jèvanu amnucciannu;
 Pirch'aveva un'aspettu, un'ira tali,
 Chi pareva 'na furia infirnali.

Tauru, toro. 'Ntra un, in uno. Naschi, naricci. Ci abbija, gli scaglia Panaru, pannello. 'Nautru ci lassa, un altro gli lascia Pupu, fantoccio. 'Ntra li, nelle Si jevanu amnucciannu, andavano a nascondersi. 'Na, una.

Affaccia Sanciu, e cu stupuri immenzu
 Vidi, e conosci l'anticu patruni:
 'E vivu! dissi, o su strammu di senzù!
 Chi scappau da li regni di Plutuni?
 Dunca è veru, ch'aperti, e rutti 'mmenzu,
 'O annigati, o tagghiati c'un asciuni,
 L'Eroi di li poeti, e romanzeri
 Trizianu la morti, e vennu arreri!

Poi vutatu cu chiddi, ch'avi attornu,
 Dici. signuri mei, di chista imprisa,
 Lassati a mia la cura: ch'ora tornu,
 E v'aggiustu ogn'impignu, ogni cuntisa:
 Accussì dittu, scurri ddu cuntornu;
 E in pocu tempu, cu multa surpresa
 Di tutti chiddi, si vitti turnatu
 Di lu modu seguenti concirtatu.

Sù strammu di senzù, sono *stravolto di mente*. Dunca, *dunque*. Asciuni, *acc. di ascia*. Trizianu, *burlano*. Arreri, *un'altra volta*. Vutatu cu chiddi, *rivolto a coloro*. Chi-sta, *questa*. Lassati a mia, *lasciate a me*. Ddu, *quel*. Vitti, *vide*.

31

S'avia adattatu 'ntesta pri visera
 'Na ventri di cucuzza sbacantata;
 Supra di l' elmu avia pri pinnacchiera
 'Na cuda di cavaddu 'mpidugghiata;
 Poi ntra lu pettu pri curazza c'era
 'Na cutina di squaltru disiccata;
 E ntra li spaddi avia di pilu 'mmiscu
 Una peddi di crastu varvariscu.

32

Pri sentu un gran cuverchiu ruginusu
 A lu sinistru vrazzu avia ficcatu;
 Cu la destra 'mpugnava vigurusu
 Una mazza di mastro calafatu:
 Cu st'aspettu bizzarru, e capricciusu
 Sanciu cumparsi tuttu affacinnatu,
 Gridannu: largu, largu, ola, birbanti,
 Faciti chiazza a un Cavaleri Erranti.

Cucuzza ec. zucca vuota. 'Mpidugghia-
 ta, impigliata. Ntra lu, nel. 'Na cutina di
 squaltru, pelle di squadro pesce. Mmiscu,
 mischio. Peddi di crastu vavariscu, pelle di ca-
 strone barbaresco. Sentu, scudo. Cuverchiu,
 coperchio. Vrazzu, braccio. Faciti chiazza,
 date luogo.

La meravigghia insemi, e lu ridiculu,
 Chi Sanciu ci 'mmiscan ntra st' azioni,
 Fannu, ch' ogn' unu resti in perpendiculu,
 Senza chi faccia 'na mutazioni;
 Siccomu avirria cursu poi periculu
 Qualunqui avissi avutu ambizioni,
 D' essirsi avvicinatu unni l' Eroi,
 Chi pri l' ira 'un vidia di l' occhi soi.

Ma quannu si conosci, e s' assecunna
 La vera passioni dominanti,
 Un picciriddu di la pappa, e nunna
 Porta pri li mustazzi au gran giganti;
 E lu grann' omu di menti profunna,
 E l' accortu politicu farfanti,
 (Si a lu deboli so dati l' attaccu)
 Diventanu pigghiata di tabbaccu.

Ci 'mmiscan ntra st' , vi mescolò in questa. In perpendiculu, sospesa. Fazza 'na faccia una Avirria, avrebbe. Unni, dove. Un, non. Un picciriddu di la pappa, e nunna, un bambino lattante, che comincia a balbettare. Pigghiata, presa.

OTTAVU

35

Sanciu, chi conuscia perfettamente
 Di lu patruni l'indeli, e si temi,
 Si parti ad incontrarlu arditamenti,
 Non ostanti chi chiddu s'nanìa, e fremit;
 E arriyatu ci dici: o cummattenti,
 Li toi prodigii sunnu stati estremi,
 Ed eu chi vegnu da la silva Ardenna,
 Nun vitti cosa mai cussì stupenna.

36

E sì, comu apparisci da l'aspettu,
 Tu sì curtisi, quantu valurusu,
 Ti pregu ad impiegari a megghiu oggettù
 Lu vrazzu to putenti, e generusu;
 Tu salu forsi da lu celu elettu
 Sarai contra un incantu portentusu,
 Pri cui 'na donna la chiù bella, e onesta
 Pri magica putenza oggi è 'na pesta.

Chiddu, *quello*. Ci, *gli*. Sunnu, *sono*.
 Vegnu, *vengo*. Vitti, *vidi*. Sì, *sei*. Meg-
 ghia, *migliore*. Lu to vrazzu, *il tuo braccio*.
 'Na pesta, *una peste*.

Comu supra lu focu, chi sfaidda,
 A pignata, chi vugghi, e carcaria,
 Si ci jittati un pocu d'acqua fridda,
 Si quietata, e nun avi chiù valia:
 Cussì a ddi primi accenti s'arrifridda
 L'ira, ch'in pettu a Don Chisciotti ardia,
 A signu, chi sarvàtasi la spata
 Accogghi a Sanciù cu manera grata.

Dicennu: Cavalieri assai curtisi,
 Sacci, chi lu miu vrazzu, e lu miu pettu
 Nun a' scanzatu mai li grann'imprisi;
 Multu chiù pri lu sessu, ch'eu rispettu;
 Portami unni tu voi, ma fa palisi
 Prima cui sì; poi dimmi a quali oggettu
 (S'è licitu sapirlu) voi purtari
 St'armatura, e st'insigni singolari.

Sfaidda, *sfailla*. Vugghi, e carcaria,
bolle, e gorgoglia. Si ci jittati, *se vi ver-*
sate dentro. Valia, *forza*, *vigore*. Dd', *quei*.
 Arrifridda, *raffredda*. Sarvatasi, *foderata-*
si. Sacci, *sappj*. Vrazzù, *braccio*. Scanza-

OTTAVO

39

A sta proposta s'arraspa la testa
 Sanciu, menzu 'mbrugghiatu; e poi rispunnì;
 Cavaleri la tua dumanna è onesta;
 E a la tua gintilizza corrispunni;
 E' giustu, ch' eu ti fazza manifesta
 La mia condizioni, e ti assecunni;
 Sacci, ch' eu sù chiamatu in lingua muzza
 Lu Cavaleri di menza cucuzza

40

Comu! ti maravigghi, e ti rannicchi!
 Ma tu divi sapiri o campiuni:
 Chi in Roma da li ciciri, e li linticchi
 Li Lentuli nascèru, e Ciciruni;
 L'antichi mei tinianu in orti, è nicchi
 Cucuzzi, e foru ditti: cucuzzuni;
 Doppu accurzàru, o divintaru muzzi,
 E foru ditti: simplici cucuzzi.

tom. vi.

Sta, *questa*. Arraspa, *gratta*. 'Mbrugghiatu; *imbrogliato*. Eu ti fazza. *io ti faccia*. Eu sù, *io sono*. Cucuzza, *zucca*. Ciciri, e linticchi, *ceci, e lenti*. Nascèru, *nacquero*. Foru, *furono*. Cucuzzuni, *zucconi*. Accurzàru, *abbreviarono*. Divintàru, *divennero*.

41

Ma comu chi c'è 'na distanza immenza
 Da l'antichi Romani sinu ad ora,
 A pocu a pocu è divintata menza
 L'antica mia cucuzza primalora:
 Ma, ripigghia l'Eroi, cu tua licenza,
 Nun sò si chista poi bastanti fora,
 Misa in testa per elmu, a riparari
 Li spati, chi ci vennu a contrastari.

42

A sta difficultati Sanciu sputa;
 Torna a sputari, e pigghia tempu, e lena;
 Menzu 'mbrugghiatu tussi, e poi stranuta,
 Poi si ciuscia lu nasa, e si serena;
 E dici: è già da tutti conosciuta
 Di li Titani la superba scena,
 E di l'immensa audacia li provi,
 Quannu ficiru guerra a lu gran Giovi.

Cucuzza primalora, zucca primajuola.
 Ripigghia, ripiglia. Chista, questa. Misa,
 messa. Vennu, vengono. Stranuta, sternuta.
 Ciuscia, soffia.

OTTAVU

43

E li tri munti Olimpu, Peleu, ed Ossa
 Carricannuli 'ncoddu, li pusaru
 L'unu supra di l'autru, ed auta, e grossa
 Sinu a lu celu 'na muntagna alzaru;
 A la quali ci dettiru 'na scossa,
 Pri cui tutti li Dei si scuncirtaru
 A signu, chi timennu un gravi dannu,
 Misiru tutti a fuiri trimannu

44

Cui d'una parti, e cui di nautra sfera
 Pri timuri di l'orridi giganti;
 Già trabballa lu celu a tanta guerra;
 Ed è già ruttu in tanti parti, e tanti;
 Alcuni di li Dei vinniru 'nterra,
 Trasformati in armali stravaganti;
 Ed autri s'ammucciaru 'mmenzu all'orti
 Dintra di l'agghi, e li citrola torti.

Pusàru, *posarono*. Autru, *altro*, Auta
alta. Ci dèttiru 'na, *dierongli una*. Misiru
 a fuiri, *si messero a fuggire*. Cui di nau-
 tra sfera, *chi d'un altra scappa*, S' am-
 mucciaru, *si nascosero*. Agghi, *agli*.

*

Ma supra tutti poi la Dia Giununi,
 Mentri cerca ntra l'orti un' ammucciaggghia,
 Di tràsiri pinzau ntra un lumiuni;
 Ma li denti ci liganu, ed ammagghia,
 Si cci presenta appressu un gran muluni,
 Si lu gira di dintra, ma poi stagghia,
 Trova, ch' eccettu d' una galliria,
 Nuddu ripostu, e cammarinu avia.

Finalmenti truvau di grossa panza
 'Na cucuzza spagnola longa, e torta;
 Si l' elessi pri sua sicura stanza;
 E ddà dintra s' agguccia; e si conforta;
 Ci forma poi cu garbu, ed eleganza
 Dui càmmari, 'na sala, e un antiporta;
 E pri 'un timiri assaltu di 'nninici,
 La scorcìa impenetrabili ci fici.

Ntra l', negli. Un' ammucciaggghia, un nascondiglio. Tràsiri pinzau, entrare pensò. Ci liganu, le allegano. Ammagghia, s' arresta. Si cci, le sì. Muluni, cocomero mellone. Stagghia, si ferma. Nuddu ripostu, nessuno ripostiglio. Panza, pancia. 'Na cucuzza, una zucca. Ddà, colà. S' agguccia, s' avvolge in coperture per riscaldarsi. Càmmari, camere. Pri 'un, per non. Scorcìa, scorza.

OTTAVO

47

E di sta scorcìa appuntu è la visera,
 Di cui mi vidi la testa cuverta;
 Lu miu gran cippu di la parintera
 Lu riciviù ntra 'na campagna aperta
 Da la stissa Giununi, a cui grat'era;
 Ed iddu poi facèvacci un'offerta
 Ogn'annu di cucuzzi; unni taluni
 Chiamàru la mia razza; cucuzzuni.

48

Don Chisciotti alluccutu, e stupefattu
 Di tanti belli cosi, ch'avìa 'ntisu,
 Risposi: Cavaleri, tu m'ai fattu
 Risposi quasi attonitu, e surprisu;
 Ma pirduna, s'eu sugnu troppu esattu,
 Anzi molestu; dimmi, pìrchì ài misu
 Stu deformi pinnacchiu? e dammi rastu,
 D'unni ti vinni ssa peddi di crastu?

Cippu, ceppo. Riciviù ntra 'na, ricevette in una. Iddu facèvasi, egli faceale. Cucuzzi, zucche. Unni, per ciò. Alluccutu, meravigliato. Ntisu, udito. Eu sugnu, io sono. Misu, messo. Rastu, sentore. D'unni, da dove. Ssa peddi di crastu, cotesta pelle di castrone.

Prima traballa ; ma poi risolutu

Sanciu ripigghia : comu ? nun conusci
 Lu vellu chi Giasuni audaci , e astutu
 Da Colcu ripurtau cu l'autri trusci ?
 Lu trovi multu vecchiu , e sculurutu ,
 Lu tempu renni tutti cosi musci ;
 E qualchi pilu , chi ristau indoratu ,
 'A vinutu l'avaru , e l'à spilatu .

Chistu , cu st'otra mazza , ch'aju in manu ,
 (Ch'è chidda , cu cui in Argu fabbricaru
 La prima navi) sutta d'un pantanu
 Da la stissa Medea si conservaru ;
 La quali un incantisimu assai stranu
 Supra ci fici ; e chiddi , chi tentaru
 La sorti ntra sti lochi inabitati ,
 Traseru interi , e nisceru crastati .

Ripigghia , *ripiglia* . Cu l'autri trusci ,
cogli altri fardelli . Spilatu , *pelato* . Chistu
 cu st'otra . *questo con quest' altra* . 'Aju ,
ho . Chidda , *quella* . Chiddi , *coloro* . Ntra sti
 lochi , *in cotesti luoghi* . Traseru , *entrarono* .
 Nisceru , *uscirono* .

OTTAVU

51

Sarria lungu a cuntariti lu comu
 Eu ni niscivi, e superai l' incantu;
 Ma passamu chiù tostu all' autru tomu,
 Jamu a la cnda, chi ti ntressa tantu
 Doppu chi si diffusi lu min nomu,
 E di st' imprisa si spargiu lu vantu,
 Lu Suldanu di Persia 'na nuttata
 Mi fici Generali di l' armata.

52

Doppu d' aviri vintu li nimici,
 Riturnai gloriusu, e triunfanti;
 Iddu pri sta vittoria mi fici
 Bassà di centu cudi, ed autri tanti;
 Di cui ni fici parti a li me' amici;
 Autri li persi ntra li voschi erranti;
 Una ni resta, ma chist' una vali
 Quantu tutti li cudi di l' armali.

Cuntariti, raccontarti. Eu ni niscivi,
 io ne uscii. Jamu, andiamo. Spargiu spar-
 se. 'Na nuttata, una notte. Iddu. egli. Au-
 tri, altri. Me', miei. Persi ntra li voschi,
 perdei ne' boschi. Chist', questa.

Lu Cavaleri di la Mancia attentu
 Senti sti gran prodigii, e l'ammira;
 Guarda, e riguarda l'armi ogni momentu;
 E ora ccà, ora ddà lu coddu stira;
 Aspittannusi poi nautru portentu,
 L'occhi a lu scutu, e a la corazza gira;
 Giudicu, dici, chisti sianu digni
 Stari cumpagni all'autri tantu insigni.

Sanciu sciuscita a sti dubbii tantu 'ncutti;
 Poi si trasporta, e dici, sacci dunca,
 Stu scutu fu di Palladi, e li brutti
 Serpenti aveva, cu la testa trunca.
 Dicevanu li Dei; tu ni arributti
 Cu sti toi mostri; vâ ntra 'na spilunca;
 Chi garbu è chissu! oh bella purcaria!
 Nun vulemu ccà in celu sta sfrinzia.

Ccà-ddà lu coddu stira, quà-là il collo allunga, Nautru, un altro. Chisti, costesti. Sciuscita, soffia; qui esprime l'imbarazzo, in cui si trova. 'Ncutti, spessi. Sacci dunca, sappj adunque. Cu sti toi, con costesti tuoi. Chissu, cotesto. Ccà, qui. Sta sfrinzia, questa deformità.

OTTAVU

55

Idda si facia oricchi di mircanti;
 Ma poi surtiu, chi qualchi prinulidda
 Fici la meravigghia, e pri li scanti
 Qualch'antra n'abbartiu; d'ira sfaidda
 Lu Patri Giovi a tanti danni, e tanti;
 Minacciau confinarla ntra 'na stidda,
 Si da lu scutu immediatamente
 Nun livava la testa, e li sirpenti.

56

Cussì si fici; e fù Giovi obbedutu,
 Chi la testa di ddà si scodda, e fui;
 Ma Palladi vidennu, chi lu scutu
 Senza la testa nun valeva chiui,
 Lu jittau dispirata; ed è vinutu
 A cadiri pri sorti 'ntesta a nui;
 'E certu, chi mi l'apri, e la sminuzza,
 Si nun mi trovu la menza cucuzza.

Idda, *essa*. Surtiu, *avvenne*. Prinulidda, *vezz. di pregna*. Scanti, *terrori*. Autra ec. *altra ne aborì*. Sfaidda, *arde*. Ntra 'na stidda, *in una stella*. Di ddà, *di là*. Scodda e fui, *scolla, e fugge*. Chiui più, *Jittau, gettò*. Cucuzza, *zucca*.

E infini sta corazza tutti sannu,
 Ch'è peddi impenetrabili, e 'nfatata;
 Scurciata da una natica d'Orlannu,
 Chi capitali pri manu d'una Fata
 Nun ti dicu lu comu, nè lu quannu,
 Pirchi a dirliu ci voli 'na nuttata;
 M'a vista di sta peddi aspra, e rascusa
 Si Angelica l'odiau, digna è di scusa.

Don Chisciotti era attonitu, e ascutava
 Cu invidia generusa tanti fasti;
 Guardava l'armi, e poi li riguardava;
 Ci pari, chi 'un ci sia occhiu, chi basti;
 In segretu a se stissu rampugnava:
 Infelici! st'imprisi accussì vasti
 Quannu si sintirannu, oimè! di tia?
 E intantu suspirava, ed arrussia.

Peddi, *pelle*. 'Nfatata, *incantata*. Scurciata, *scorticata*. Ci voli ec. *vi vuole una intera notte*. Odiau, *odiò*. Ascutava, *ascoltava*. Ci, *gli*. Di tia, *di te*. Arrussia, *vergognavasi*.

OTTAVU

59

Poi dici risolutu : orsù guerreru ,
 Portami tu a li palmi, ed a l'onuri;
 Pirch'eu sta vota immortali speru
 Lu miu nomu cu' celebri avventuri;
 Portami unni lu magu; e dimmi interu
 Lu fattu di la donna, e li sciaguri;
 Poi spiegami li liggi di l'incantu,
 Pich'eu di superarlù oggi mi vantu.

60

Risposi Sanciù; 'un tanta furia; è giustu,
 Chi prima ti riposi, e pigghi sciatu;
 Venitinni a li casi unni cu gustu
 Sarrai da tutti quanti rispettatu:
 Cussì lu prega, e abbrazza ntra lu bustu;
 Lu porta ntra li casi, unni arristatu
 C'era lu supra-tavola; e l'induci
 A manciarisi un pani, e quattru nuci.

*En sta vota, io questa volta. Unni lu.
 dal. Un, non. Pigghi sciatu, prendi fiato.
 Venitinni, vieni pure con me. Unni, dove,
 Abbrazza ntra lu, abbraccia nel.*

Tutti li genti poi di lu casali,
 Prevenuti di Sancier, eranu allatu
 Misi a l'impedi, scherati in dui ali,
 Facennu omaggin a st'omu sparaggiatu;
 Finita poi la mensa sua frugali,
 Stira la gamma, ed un vrazzu appujatu
 Tra seggia, e varvarotta, dici: in puntu.
 Cavalieri cumincia lu raccontu.

Sancier, sidutu a frunti, si composi,
 La visera, e la facci si cupria;
 La mazza ntra la tavula deposi,
 E lu scutu appizzau ntra 'na statia;
 Sputau tri voti, ed in diversi posi,
 Sciussciatusi ddu nasu, chi 'un avia,
 'Ntimau cu l'atti lu silenziau. Intantu
 Mi riposu, e vi aspettu all'altu cantu.

Fini di lu Cantu Ottavu

St'quest'. Sparaggiatu, *che non ha pari,*
eccellente. Vrazzu appujatu, *braccio appog-*
giato. Varvarotta, *mento.* Ntra la, *sopra*
la. Appizzau ntra 'na statia, *affise ad una*
stadera Sputau tri voti, *sputò tre volte.*
 Sciussciatusi ddu, *soffiatosi quel.* 'Un, *non.*
 'Ntimau, *impose.* Autru, *altro.*

CANTU NONU



ARGUMENTU

*Sanciu da Eroï all' autru Eroï racconta
 L' astuzii d' un lasciou Negromanti;
 Chi tinni di diavuli 'na giunta,
 Pr' ingannari li donni chiù custanti;
 Ch' incantau Dulcinia; chi poi pri giunta
 La fici vecchia stolita, e trimanti;
 La visita l' Eroï cu cori castu;
 Di poi s' affida a 'na testa di crastu.*

*Autru, altro. Junta, giunta. Na, una.
 Crastu, castrone.*

1

Donni, mi nni dispiaci, ed iu sò quantu!
 Ma l'obbligu d'istoricu m'imponi,
 D'essiri esattu; oimè! chi ntra stu cantu
 Timu, chi Sanciu scappi, e vi la soni;
 Autru fari 'un pozz'iu da lu miu cantu,
 Chi protestari, chi vui siti boni,
 Saggi, ed onesti, e di poi multu chiui
 Chiddi, ch'aju presenti...jamu a nui.

2

Tacianu tutti attenti, allura quannu
 Sanciu intunau nell'enfasi chiù granni;
 A chi mi sforzi a ghiri rinuvannu,
 O Cavaleri, li mei crudi affanni,
 La dulurusa istoria raccontannu
 Di la perdita mia, di li mei danni?
 Puru pri lu disiu di sudisfarti,
 Li mei guai cuntirò di parti in parti.

'Ntra stu, *in questo*. Vi la soni, *vi soni le predelle*. Pozz', *posso*. Siti, *siete*. Chiddi, *ch'aju, quelle che ho*. Jamu, *andiamo*. Ghiri, *andare*. Puru, *pure*.

NONU

3

E prima ti dirrò d'un magu astutu
 Li stratagemmi, e li lascivi incanti,
 E li mutati formi, unu'è vinutu
 A fari tanti latrucinii, e tanti;
 Poi (casu orrendu, e mai 'ntisu, o vidutu!)
 D'una soru, dirrò, vaga, e galanti,
 Chi pri l'onesta sua saggia condotta
 Fù trasmutata in una vecchia brutta,

4

Pirchè semu ridutti, amari nui!
 In certi tempi accussì scostumati,
 Chi la virtù, e l'onuri tutti dai
 Si posponnu a li favi calati;
 Nè ni putèmu, oimè! priggiari chiui,
 D'essiri boni genti, ed onorati;
 Pirchè st'espressioni in oggi vali
 Lu stissu, chi chiamarinni minnali.

Incanti, *incantesimi*. Unu' per cui. Latrucinii, *ladronecci*. Soru, *sorella*. Semu, *siamo*. Amari, *afflitti*. Calati, *abbrustolati*. Putèmu, *possiamo*. St' questa. Chiamarinni, *chiamarci*. Minnali, *babbuassi*.

5

Ma tu curtisi, e saggiu Cavaleri,
 Ch' ài datu provi d'onestà, e valuri,
 Si la mia causa è giusta, e sù sinceri
 L'acerbi peni mei, li mei dulari,
 Prumetti d'impiegari tutti interi
 La forza, e lu coraggiu in miu favori.
 (Don Chisciotti promisi, e lu jurau,
 E lu gran Sanciu Panza ripigghiau:)

6

A li pedi di un munti supra un lagu
 Dintra di 'na caverna avi lu giuccu
 Un immenzu ociddazzu ornatu, e vagu,
 Chi sbulazza tra l'umbri comu un cuccu;
 Chistu è un sollenni, e portentusu magu,
 Chi chiamari si fa Mustamacuccu;
 Fù conceputu dintra 'na vaddata
 Da un Satiru lascivu, e d'una fata.

Sù, sono. Jurau, giurò. Giuccu, covacciolo, pollajo. Ociddazzu, uccellaccio. Cuccu, gufo. Chistu, questo.

NONO

7

Ereditau, nascennu, da lu patri
 Lu focu ardenti, e la lussuria immenza;
 Nutritu, ed educatu da la matri
 N'apprisi tutti l'arti, e la scienza;
 Crisciu lu capu-birbu di li latrì;
 Ma supra tuttu poi senza licenza
 Di patri, e matri, di frati, e mariti,
 Rubbava li picciotti sapuriti.

8

Ora ci li strappava a forza aperta,
 Mutatu in ociddazzu di rapina;
 Ora canciatu in musca, ed in lucerta,
 A porti chiusi trasi, e fa ruina;
 E quannu li parenti misi all'erta,
 Stannu in guardia di un purci chi camina,
 Iddu li muta in pezzi di ricotta,
 E resta sulu poi cu la picciotta.

tom. vi.

Crisciu, *crebbe*. Latrì, *ladri*. Frati,
fratelli. Picciotti sapuriti, *ragazze belle*.
 Trasi, *entra*. Misi, *messi*. Iddu, *esso*. Pic-
 ciotta, *ragazza*.

9

Ma un vecchiu , un latru , 'un mostu , un negro-
 Putia spirari mai , chi da li beddi (manti
 Fussi trattatu d' amicu , e d amanti ?
 Anzi in locu di manzi picareddi
 Trova tigrì di rabbia fumanti ,
 Chi cu l' ugha ci tiranu a la peddi ;
 Si torcinu , e cu tutti li minacci ,
 Di raru ci surtiu , guardarli in facci .

10

Vidennu dunca : chi la vijulenza ,
 La forza , li minacci , lu turruri
 Nudda amicizia , e nudda conuscenza
 'Annu pututu fari cu l' amuri ;
 E chi senza l' amuri , e cumpiacenza
 Nun c' e piaciri mai , chi avi sapuri ,
 Penza pri via d' incanti , ed autri 'mbrogghi
 Soggiogari l' amuri a li soi vogghi .

Beddi , *belle* , Manzi picureddi , *manzue-
 te pecorelle* . Ci , *gli* . Peddi , *pelle* . Surtiu ,
sortì . Nudda , *nessuna* . Incanti , *incantesimi* .
 Autri 'mbrogghi , *altri imbrogli* . Soi vog-
 ghi , *sue voglie* .

NONU

11

A stu fini intimau giunta solleuni,
 Chiamannu li diavuli chiù dotti;
 Chi a li paroli magici, e tremenni
 Ogn'unu cursi, comu megghiu potti;
 Iddu la virga supra tutti stenni,
 E poi cumincia: oh figghi di la notti,
 Chi mantiniti lu munnu in scampigghiu,
 'Aja bisogno d'un vostru cunsigghiu.

12

Già lu sapiti, ca jeu sugnu liccu;
 E chi ci tiru a la carni munnana;
 E chi tant'è lu forti, chi m'addiccu,
 Chiù nun c'è cosa poi, chi m'alluntana;
 E chi di ccà, e di ddà fazzu lu sbriccu,
 Comu si fussi 'na musca tavana;
 Ma nudda, oimè! cu mia ci voli patti;
 E trovu tanti tigri, e tanti gatti.

Stu, questo. 'Ntimau, intimò. Megghiu potti, al meglio potè Iddu, egli. Figghi, figli. Scumpigghiu, scompiglio. 'Aja, ho. Ca jeu sugnu liccu, che io sono ghiotto. Addiccu, avevo. Di ccà ec. di quà, faccio il vagabondo. Musca tavana, tafana. Nudda ec. nessuna con me vuole stare a patti.

V'aju fattu chiamari a stu congressu,
 Pirchè vogghiu da vui truvatu un menzu;
 Pr' essiri ben vulutu da lu sessu,
 Pri cui mi sentu l'anima propenzu;
 Vogghiu chi m' offerisca amuri stessu
 Li frutti di un reciprocu consenzu;
 Pri pruvare lu vera, e dilicatu
 Gustu esquisitu di l'amanti amatu.

E si mai c'è tra vui, cui teni a menti
 Di Aduni li biddizzi immenzi, e rari,
 Mi nni fazza un ritrattu ccà presenti,
 Pirch' eu mi vogghiu in iddu trasfurmari;
 Jeu vogghiu chi pri mia tutti li genti
 Avissiru pr'amuri a smaniarì;
 Ch'ogni donna s'inciammi a la mia vista;
 Nè ci sia bedda chiù, chi mi resista.

Aju, *ho*. Vogghiu, *voglio*. Mi nni fazza, *me ne faccio*. Ccà, *quì*. Eu ec. *io mi voglio in esso lui*.

NONU

15

Dissi, e un oscuru ciarmulinu s'intisi
 Ntra tutta dd'accademia curnuta;
 Comu quannu li vespi sù surprisi
 Dintra la tana da una serpi astuta;
 Ma supra tuttu spiccanu li risi
 D'un farfareddu di tagghia minuta,
 Chiamatu Catapocchiu all'altu munnu,
 Chi sona in nostra lingua; Pisca-a-funnu.

16

Era chistu chiù vecchiu d'una cucca;
 Ma chiù assai d'una lesina sottili;
 Trasi dintra li cori, e si ci aggiucca,
 Spiannu li malizii fimminili,
 E li genii unni chiù la donna abbucca;
 Chistu dunque parrannu a lu so stili,
 Dissi: o magu t'inganni, si tu pensi,
 Chi la biddizza fa conquisti immensi.

Ciarmulinu ec. *mormorio si udì*. Ntra...
 ddu, *in quel*. Sù, *sono*. Farfareddu, *diavolo*. Autru, *altro*. Chistu, *costui*. Cucca, *civetta*. Trasi, *penetra*. Si cci aggiucca, *vi si appollaja*. Unni, *dove*.

Jeu', chi sù antienliddu, ti cunfessu,
 Ch'a lu munnu àju assai vidutu, e 'ntisu;
 Tanti brutti di l'anu, e l'altu sessu
 Sù stati accetti cu festa, e cu risu;
 Siccomu poi pri l'ordini sconnessu
 Multi beddi, e pri meriti, e pri visu,
 Fannu sempri badagghi; e li mischini
 Sù canciati pri scorci di luppini.

Lu bellu è riserbatu pri li Dei;
 D'iddi sulu è distintu, ed è vulutu;
 Pirch' annu in menti li sublimi ideì;
 E pir chistu fu Aduni ben vidutu;
 Ma li donni murtali all'atti mei
 Nun annu autru principiu comosciutu
 Chi lu capriccu; quali è cecu in tutti,
 Nè discerni li beddi, nè li brutti.

Jeu ec. io che son vecchio. 'Aju, ho.
 'Ntisu, udito Fannu badagghi, metaf. mi-
 gono di desiderio. Sù ec. metaf. sono pospo-
 sti ai più demeritati. D'iddi, di loro. Pir
 chistu, per questo. 'Autru, altro.

NONU

19

Dissi : e l' autri applauderu a lu so diri ;
 Cui calannu la cuda , e cui li corna ;
 Ma lu magu gridau : vogghiu sapiri ,
 Si stu capricciu è fissu , o parti , e torna ,
 Ed unni 'nfini vannu a conferiri
 Li capricci di donna bella , e adorna ?
 Dì tu diavulazzu jimmurutu ,
 Nesci in menzu , o ti sonu lu tabbutu .

20

A sti palori s'aggiusta , e s'addobba
 Lu spiritu , e poi 'nmenzu si cafudda ,
 Dicennu : benchì dintra la mia gobba
 C'aju cinquanta lemni di midudda ,
 Puru nun è bastanti tanta robba ,
 A scannagghiari li cori a cipudda
 Di li fimmini ; e 'nmenzu a tanti fogghi :
 Dimmi , la verità comu si cogghi ?

Applaudèrū , applaudirono . Unni , dove .
 Jimmurutu , gobbo . Nesci , esci . Sonu lu tab-
 butu , ti batto la gobba . Si cafudda , si intro-
 mette . Lemni di midudda , catini di cervel-
 lo . Puru , pure . Fogghi , foglie . Cogghi ,
 coglie .

Del restu pri la lunga esperienza
 Dicu : chi li capricci sù infiniti ;
 Sù varii sempri , e in nostra confidenza ;
 Chiù strammi di stu jimmu , chi viditi ;
 Di Pasifi nun parru la decenza
 Da nui si salva chiù , chi nun criditi
 Mancu di Semiramìdi Rigina ,
 Nè di Flora , di Fulvia , e Messalina .

Ma dicu in generali , ca sù tanti
 Li soi crapicci ; e sù cussì diversi ;
 Ch'eu nun mi fidu di tirari avanti ;
 Nè mancu di citari capiversi ;
 Parri lu meu cullega , ch'è galanti ,
 Lu gran Ciciamiciàcia ; tu cunversi
 Cu brillanti , e bizzarri ; addunca dicci ,
 Quali sù di li donni li capricci ?

Sù , sono . Strammi di stu jimmu , *stravolti di questa gobba* . Mancu , *nemmeno* .
 Ca sù , *che sono* . Soi , loro . Addunca dicci ,
adunque di a noi .

NONU

23

Ciciamiciàcia è un terminu infernali,
 Chi voli diri, amanti di li donni;
 Chistu tineva sempri un'arsenali
 Di cunticeddi, favulicchi, e sonni;
 La materia di scufi, di gali,
 Pittinaturi a kappa, o ad ypsilonni.
 'Nzumma l'usi galanti, e li gran modi
 Iddu li spira, si nn'applaudi, e godi.

24

Usava in facci lu bianchettu; e avia
 Una gamma pustizza, ma pulita;
 Aveva un'occhiu a sguinciu, ma vidia
 Pri menzu d'una lenti favorita;
 Nun avia denti, ma si li faccia
 D'avoliu, e li 'ncruccava cu la sita;
 Era tignusu; e finta, e 'mpruvigghiata
 Tinia 'na bella zàzzara 'ngrifata.

Chistu, *costui*. Cunticeddi ec. *conticini*, *favollette*, e *sogni*. Si nni, *se ne*. A sguinciu, *torto*. 'Ncruccava, *uncinava*, *attaccava*. 'Mpruvigghiata, *impolverata*. 'Na, *una*,

Annacannusi tuttu nisciu in menzu,
 Como strummula, ch' à lu pizzu tortu,
 Poi si cuncerta languidu, e melenzu,
 Odorannu un' essenza pri confortu;
 Fici 'na rivirenza, e dissi: eu penzu,
 Chi pri una donna si vistiti un mortu
 Di sfrazzi, e gali, chista in un istanti
 Farrà pr' iddu la pazza, e spasimanti.

Quannu di poi c' intoppa un smorfiusu,
 Chi s' annaca, e chi v' à tutta affittatu,
 Chi si munci, e chi fa lu spasimusu,
 Chi si ci metti 'ncostu appittimatu,
 'E un mobili per iddi prizziusu,
 Lu guardanu cu l' arma, e cu lu sciatu...
 Ma Carrittigghiu, o sia tra nui, Smargiazzu,
 'Nterrumpi: cui s' alliscia, è putrunazzu.

*Annacannusi, dimenandori. Nisciu, uscì.
 Strummula, trottola. Pizzu, chiodo su cui
 s' aggira. Sfrazzi, sfarzi. Chista, questa.
 Pr' iddu, per esso morto. C' intoppa, le ca-
 pita. Smorfiusu, lezioso. Annaca, dimena.
 Munci, si restringe tra le spalle. Si cci, le
 si. 'Ncostu ec. da vicino attentamente ap-
 plicato. Per' iddi, per esso loro. Lu guarda-
 nu ec. ideot. se lo custodiscono gelosamente.
 Cui ec. chi si liscia è poltronaccio.*

NONU

27

Chiddu, ch' in locu d' essiri virili,
 Curri appressu li smorfii, e li gali,
 Si cunta da lu sessu fimminili
 Pri nautra donna all' autri donni eguali,
 Lu trattamu a tutt' usi, e l' ànnu a vili;
 Pirchè l' omu lu vonnu marziali;
 In effettu cu cui sempri li carti
 'Mbrugghiava la Dia Veneri? cu Marti.

28

Ti basta, a fari cu li donni scasciu,
 Un uniformi, e 'na spatazza allatu,
 Ch' ogni turri diventa un muru vasciu,
 Appena chi l' assaltu ci sia datu;
 Erculi, chi faccia d' ogn' erba fasciu,
 Vacabbunnu, e smargiazzu sparaggiatu,
 Vistia ruvida peddi, ed appi amanti
 Onfali, Joli, e di poi tanti, e tanti.

Chiddu, *colui*. 'Nautra, *un'altra*. Li
 carti ec. *ideot. solazzavasi in amore*. Sca-
 sciu, *prop. romore, quì fortuna*. 'Naspatazza,
una spadaccia. Vasciu, *basso*. Smargiazzu
 ec. *smargiasso, che non ha pari*, Peddi,
pelle. Appi, *ebbe*.

Autri tempi, autri stili (declamannu
 Dissi Tizzoni cu gran fummu, e boria)
 La donna in oggi v`a sempri spusannu
 L' ofanitati cu la vana gloria;
 Un vecchiu, un bruttu, un barbaru, un tirannu,
 S' avi gran circostanzi, avr`a vittoria;
 Tantu `e veru, chi da iddi s' abbannia,
 Chiddu `e lu beddu, chi fa bedda a mia.

Vurpigghiuni diavulu spatatu
 In malizia, in astuzia, in frodi, e ingegnu,
 Ch' avia scrittu un lunghissimu trattatu
 In scannagghiari lu femineu regnu,
 Pri cui tra l' accademia ripurtatu
 N' avia lu premiu, dissi cu contegnu:
 Avugghiati di diri, `e tempu persu,
 La donna nun `a drittu, n`e riversu.

Autri, altri. Ofanitati, ostentazione,
 jattanza. Da iddi, da esse. S' abbannia, si
 pubblica. Chiddu, quello. Beddu, bello. Mia,
 me. Spatatu, chiamiamo colui che non può
 per la sua bravura più duellare. Ntra l',
 nell'. Avugghiati, ingegnatevi quanto po-
 tete. Persu, perduto.

NONU

31

'E gran temerità, curnuti Eroï,
 Lu riduciri in classi, ed in sistemi
 Li capricci dunnischi; nè tu poi,
 Magu, aviri da nui sti provi estremi;
 L'impossibili cerchi; si tu voi,
 Cuntirò di l'oceanu, quannu fremi,
 Li stizzi d'acqua, ma a la tua dimanna
 La potenza diabolica s'azzanna.

32

Fila-mecci pedanti senza paru,
 Ripigghia, e dici: oh beni! oh bravu! oh viva!
 Aviti ben parratu, e avirria a caru,
 Chi stu vostru discursu oggi si scriva;
 Jeu saccin di quann' era anchi scularu,
 Chi pri donna si senti cosa viva;
 In summa dicu: chi la donna è un enti,
 Ch' esisti; e vi lu provu cu argumenti,

Riduciri, *ridurre*. Poi, *puoi*. Voi, *vuoi*.
 Cuntirò, *numererò*. Stizzi, *stille*. S'azzanna, *si ottunde*, *metaf.* viene spuntata. Stu
 questo. Jeu sacciu, *io sò*.

Chi costa di materia, e di forma,
 Ch'è stata ntra l'archetipi pinseri...
 Ma lu magu gridau, chi vaja a dorma,
 E si chinda la vucca stu sumeri,
 Si fa lu mastru, si ci dia la 'nnorma;
 Iddu chi cridi, chi per anni interi
 Vogghia sentirlu diri, e disputari
 Di cosi, chi nun àju, chi ni fari?

Basta basta, per ora jitivinni,
 Resti lu Catapocchiu mariolu;
 S'una donna mi piaci, tu ci sciinni
 Dintra lu cori, e ci lu metti a solu;
 A st oggettù ti scelsi, e ti trattinni;
 Pirchè sì scaltru, e ci spari a lu volu;
 Sì suttili, e trasennu pri li pori,
 Vidi zoccu ànnu in menti, e ntra lu cori.

'Ntra l, *negli*. Vaja a dorma, *vada a dormire*. Vucca, *bocca*. Stu sumeri, *questo somaro*. Si cci, *se gli*. Nnorma, *prop. tenue paga, che si dà al maestro di scuola ogni settimana; quì alleg. vale busse*. Vogghia, *voglia*. Aju ec. *ho che farne*. Jitiviani, *andatevene*. Ci lu metti a solu, *met. glielo spiani*. Sì, *sei*. Trasennu, *penetrand*. Zocc', *ciò che*. 'Ntra lu, *nel*.

35

Scopri qual'è l'oggettu, chi ad amari
 O la natura, o lu capricciu impeгна
 Rivelami qual'iu divu pigghiari
 Forma, ch'esprima l'idolu, chi regna,
 Cioè l'oggettu, a cui divi abbuccari
 La donna la chiù saggia, chi si tegna;
 Chiddu pri cui la sorti è già decisa,
 Nè ci resta chiù arbitriu di difisa.

36

Accussi stabilisci, e scurri attornu
 Cu lu spiritu so familiari,
 Girannu ogni paisi, ogni contornu,
 Trasfurnatu in oceddu singolari.
 Li chiù beddi picciotti, chi lu jornu
 Cu lu so raggiu veni a illuminari,
 Scopri, ed è tanta la putenza, ch'avi,
 Chi scopri chiddi chiusi sutta chiavi.

Chiddu, *quella*. Ci, *le*. So, *suo*. Oced-
 du, *uccello*. Beddi picciotti, *belle ragazze*.
 Lu jornu, *il giorno*, Chiddi, *quelle*.

Manna lu spirdu, e ntra li cori spia
 L'arcana irresistibili tendenza,
 Scopri cui n'è l'oggettu; e pri magia
 N'imita li maneri, e la prisenza;
 Vidi in iddu lu beni, chi disia
 Ogni donna ingannata, e ci dispenza.
 Li carizzi chiù teneri, ed ardenti,
 Li chiù cari favuri, e complimenti.

La virginedda, e la chiù casta donna,
 Ch'è stata specchiu d'onestà, e custanza,
 Chi sempri risistiu, comu culonna,
 All'oru, a li biddizzi, all'eleganza,
 Si vidi, quannu menu si lu sonna,
 Tutta la sua virtù misa in valanza,
 Pirchè lu cori a scumpigghiu ci metti
 L'oggettu di li soi segreti affetti,

Spirdu, *spirito maligno*. In iddu, *in esso*. Risistiu, *resistè*. Si lu sonna, *sel sogna*. Misa, *messa*. A scumpigghiu ci, *in iscompiglio le*.

39

Vidi in iddu la tenera sua vampa
 La ziticedda spusata di friscu;
 Ci curri a brazza aperti, adduma, avvampa,
 E cadi da se stissa ntra lu viscu;
 In iddu la matrona àvi la stampa
 Di ddu bizzarru giuvini fuddiscu,
 Chi ci scappau chiù voti; ora chi veni
 Cunsidirati, comu si lu teni.

40

'E cosa da notari, chi ntra tanti
 Cori dunnischi unni squatrau l'affetti,
 Rari voti successi chi pri amanti
 Ci trovau lu maritu ntra li petti:
 Rari voti trovau l'omu custanti;
 Ma li bizzarri, e li chiù strani oggetti;
 Anzi a lu spissu si vidi riduttu,
 Vulennu cunpiacirli, a farsi bruttu.

tom. vi.

Ziticedda spusata, *sposina maritata*. A
 brazza, *a braccia*. Adduma, *si accende*. Ntra
 lu viscu, *nel vischio*. Ddu, *quel*, Fuddiscu,
pazzesco. Chiù voti, *più volte*. Unni, *nei*
quali.

Ora si trova canciatu in Colossu;
 Ora in un mascaruni di taverna;
 Ora spurpatu, e siccu, comu un ossu,
 Cu pettu a botta, e stomacu a lanterna;
 Ora cu gran mustazzu, e nasu grossu;
 Ora la forma di un rumitu esterna,
 E 'ntra li tanti formi, ch' à mutatu,
 Di raru un bell'aspettu c' à tuccatu.

Multa menu c'è occursu, di duviri
 Imitari costumi, e modi onesti;
 Nè savilizza, nè virtù, o sapiri,
 Ma modi strani, e caricati gesti;
 Cussì carreanu appressu a li piaciri
 L'infami magu, pri cità, e foresti,
 Un guornu pri disgrazia fici posu
 Ad un casteddu meu, dittu Tobbosu.

Pettu a botta, *tronfo*, *pettoruto*. Cu 'na
 varva, *con una barba*. Ntra li, *nelle*. Stra-
 ni *stravaganti*.

NONU

43

Unni c'era 'na soru mia diletta,
 Ch'era chiamata Donna Dulcinìa,
 La prima criatura chiù perfetta,
 Donna nun era no, ma vera Dia;
 Li Grazii si l'avevanu già eletta
 Pri la sua vaga, e bedda Citèria;
 E di gigghi, e di rosi, assemi junti,
 La facci ci adurnavanu, e la frunti.

44

Si l'aspettu, e li modi eranu beddi,
 Lu cori certu nun cideva ad iddi;
 Era pietusa cu li pùvireddi;
 E l'onuri purtavalu a li stiddi;
 L'Eroi di quasi tutti li casteddi
 Si struggevanu in cinniri, e in faiddi,
 Tutti pri lu so amuri; ma custanti
 Idda resta fidili a lu so amanti.

Unni, *dove*. 'Na soru, *una sorella*. Junti, *uniti*. Ci, *le*. Beddi, *belli*. Ad iddi, *ad essi*. Stiddi, *stelle*. Cinniri, *cenere*. Faiddi, *faville*. So, *suo*. Idda, *ella*. So, *suo*.

Era l'amanti so l'eccelsu, invittu,
 L'insigni Don Chisciotti di la Mancìa,
 Lu megghiu Eroi, chi raggi a lu pitittu;
 Lu megghiu Eroi, chi strinci spata, e lancia;
 Chiddu chi supra tutti à fattu, e dittu
 Così, chi si la storia nu' li cancia,
 Quannu li cuntirà pri meravigghia
 Inarchirannu l'omini li gigghia.

Amava in chistu Eroi lu gran valuri;
 Ma supra tuttu l'animu modestu,
 Ch'ardia senza conuscirla; e l'amuri
 Era veru plutonicu, ed onestu;
 Godi, chi un tali amanti a lu so onuri
 Nun putia mai rinesciri funestu;
 E affirma chi cu tali innamorati
 Fari vutu si pò di castitati.

Pitittu, *fame*. Chiddu, *quello*. Chistu, *cotesto*. Rinesciri, *riuscire*. Vutu si pò, *voto si può*.

NONU

47

Lu magu intantu, ch'era ddà arrivatu,
 Vidennu li biddizzi onesti, e santi,
 Ristau vintu iddu stissu, ed ammagatu,
 E divintau lu chiù perdutu amanti;
 Già c'aveva l'internu esaminatu
 Pri virtù di lu spirdu insinuanti;
 Unni tra li silenzi di la notti
 In forma ci appariu di Don Chisciotti.

48

La forma sì, ma li costumi saggi
 O chi nun potti, o ch'imitari 'un vosi;
 Cussì da li rispetti, e da l'omaggi
 Passa a l'insulti, e la sua menti esposi;
 Sdignata Dulcinia da tali oltraggi
 Lu scacciau bruscamenti, e poi c'imposi,
 Chi nun ci cumparissi chiù davanti,
 Giacch'idda s'arrussia d'un tali amanti.

Ddà, colà. Iddu, egli. Ammagatu, incantato. Spirdu, spirito maligno. Unni, perciò. Ci appariu, le apparve. Potti, potè. Uu vosi, non volle. Idda s'arrussia, ella vergognarsi.

Torna, e ritorna a tentari la sorti

Lu magnu, ma truvau na vera rocca,
 Un scogghiu, ed un macignu accussì forti,
 Chi prima di piegarisi, si stocca;
 Lassa li preghi, e ad aspri vuci, e forti
 Ora fremiti, e amminazza, ora tarocca,
 Tantu, chi all'ira, e a lu smaniari
 Pareva un crudu, e timpistusu mari.

Pirduti finalmente li spiranzi

Di putirla adiscari a li soi vogghi,
 Nò, dissi, nun jirrai d'ora 'nnavanzi
 Superbi di truzzari cu li scogghi;
 Assemi cu li mei li toi spiranzi
 Irrannu a terra, e uniti a li mei dogghi,
 Sarrann'anchi li toi accussì dittu,
 Fà in terra cu la virga un certu scrittu,

'Na, una Lassa, lascia. Amminazza,
 minaccia. Vogghi, voglie. Jirrai, anderai.
 Truzzari, urtare. Dogghi, doglie.

NONU

51

Sputau tri voti in celu murmurannu
 Orridi noti in barbaru linguaggiu;
 L'Ursa maggiuri s'arristau trimannu,
 E di la Luna impallidiu lu raggiu;
 A l'antica sua fonti riturnannu
 Suspisiru li sciumi lu viaggiu;
 Friscaru li serpenti orrenni, e strani;
 Urlaru lupi, ed abbajaru cani.

52

Spruzzau di Dulcinia la bella frunti
 Cu l'acqua di lu Stiggi, ed Acheronti;
 Ed eccu (o casu orrennu) eccu già junti
 Li gigghia; e supra poi di rughi un ponti;
 Darrerì di li spaddi affaccia un munti;
 La vucca si fa varca di Caronti;
 Lu varvarottu addivintau carozzu;
 E in pettu c'è passatu lu chianozzu.

Sputàu, *sputò tre volte*. Friscaru, *fischiarono*. Urlaru, *urlarono*. Abbajàru, *abbajarono*. Junti, *unite*. Darrerì, *dietro*. Vucca, *bocca*. Varca, *barca*. Varvarottu, *barbarotto*. Carozzu, *mento*. Chianoz zu *pialla*.

L'occhi, oimè! l'occhi beddi, e graziosi,
 Unni Amuri la ciacula addumava,
 Addivintaru pallidi, e micciosi,
 E ogn' unu ntra la frunti si c incava;
 Lu nasu cu la funcia si ci cusi;
 La peddi è a conza di peddi di scava;
 Parti è arrappata, e parti è scacchi scacchi;
 L' oricchia penni comu a cani bracchi.

Arrunchiau pri mitati la statura,
 E turciu, comu l arcu di la morti;
 La testa pari ciaca liscia, e dura,
 Unn'erva nun ci n'è di nudda sorti,
 Tali la chiù gentili criatura
 Pri magica virtù putenti, e forti
 Fu trasmutata(ahi pena!) in un istanti
 In vecchia locca, brutta, e stravaganti.

Unni, dove. Addumava, accendeva. Ad-
 divintaru, divennero. Micciosi, mocciosi.
 Ntra la, nella. Funcia, labri fatti a fun-
 go. Arrappata, increspata. Arrunchiau, rag-
 gricchiò. Turciu, torse, Ciaca, pietra. Unn'
 erva, dove erba. Nudda, nessuna.

NONU

55.

L'aju purtatu attornu pri la Spagna,
 Pri la Lecca, e la Mecca a viaggiari,
 Pri l'Italia, la Francia, e l'Alemagna,
 Un Eroi Paladinu pri truvàri,
 Chi cu lu so valuri, e virtù magna
 Pozza st'orrennu incantu superari;
 Ma l'Eroi di sti tempi, o caru amicu,
 Si sarvanu la panza pri li ficu.

56.

Si pruvau non ostanti cu stu magu
 Lu celebri Don Scumpiu Pimpannacchiu;
 Era vinutu da l'Indu, e lu Tagu,
 E da li gran paludi di Cumacchiu;
 Ma poi pricipitatu ntra lu lagu,
 Morsi annigatu comu un varvalacchiu,
 C'avia dittu un oraculu induvinu:
 Fuii l'acqua, e unirsi a lu vinu.

'Aju, ho. Pri la Lecca, e la Mecca, *ideot.*
per tutto il mondo. So, suo. Pozza st', *pos-*
sa questo. Sti, questi, Sarvanu, *conservano.*
 Ntra lu, *nel.* Morsi, *morì.* Varvalacchiu,
babbuasso. Fuii, *fuggire.*

L' invittu Sbruffa-simula poi vinni
 Da di contrati unni lu Mauru Atlanti
 Servi a lu celu pri puntiddu, e scinni
 A bagnarsi tra l' unni anti, e mugghianti;
 Juratu avia purtari quattru pioni
 Di l' ali di lu magnu a la sua amanti,
 Ma lu mischinu ci appizzau lu coriu,
 Chi la magnu ni fici un crivu d' oriu.

Poi vinni di statura gigantisca
 Supra d' un elefanti machinasu
 Alla-catalla di razza murisca,
 Chi cu un coriu di drago aspru, e scagghiusu
 Si difinnia lu pettu, e la vintrisca;
 Vistu lu magnu, chi un novu pirtusu
 Farci a la peddi indarnu si lusinga,
 Lu cogghi unni si melti la siringa.

Da ddi, da quelle. Unni, dove. Puntiddu, sostegno. Unni anti, onde alte. Juratu, giurato. Finni, pen e. Ci appizzau lu coriu, ideot. vi perdette il cuojo vale morire. Crivu d' oriu, crivello d' orgio. Coriu, cuojo. Scagghiusu, pieno di scaglie. Difinnia, difendeva. Pirtusu, pertugio buco. Farci, fargli. peddi, pelle. Cogghi unni, coglie dove.

NONU

59

Appressu chisti Scurmu di Damascu

Vinni spirannu sdegnu, ira, e ferocia;

Porta pr' insigna un gran cavallu brascu;

Poi vinni Brocca di la Cappadocia,

Struncuni, ch' in Sicilia fa lu vascu,

Cu sti dui gran guerreri anchi s' associa;

Ma lu magu, scurciati sani sani,

Li misi a resta comu li giurani.

60

Rancugghiu, ch' era un omu di tri parmi,

Ma però tuttu spezii, e tuttu pipi,

Chi cu la testa spaccava li marmi,

E cu lu nasu spirtusava stipi,

Vinni cuvertu di brucherì, ed armi

Sin da li regni di lu Missipipi;

Ma lu magu ci dona un sgranfugnuni

Lu vota dintra fora, e fa un guantuni.

Chisti, costoro. Brascu, sorte di cavolo.
Vascu, tagliacantoni. Scurciatu, scorticato.
Spirtusava, peruggiava. Ci, gli. Sgranfug-
nuni, graffitura. Vota, volta. 'Nguan-
tuni, manicotto.

Veni poi Sarancuni Paladinn.

Omni di gran valuri, pirchè natu
 Cu menzu cudigghiuni ntra lu schinu;
 Ma lu magu c' un cauciu smiseratu
 Lu caccia in aria; e un algebrista finu,
 Chi l'impulsa, e la forza à calculatu,
 Prova: chi chistu a cadiri dimura
 Milli, e cent'anni, undici misi, e un'ura.

Lu gran Caddozzu di la Transilvania

Cu tri figghi bastardi, e dui legitimi
 Espugnata la Puggia, e poi Catania,
 Cu tutti quantu li cità maritimi,
 Ci vinni contra cu fururi, e smania;
 Ma a lu momentu esclama: succurritimi!
 Lu magu l'impidugghia, e fa prigiuni
 Dintra 'na tila di un tarantuluni.

Cudigghiuni, *codazza*. Ntra lu schinu,
nella schiena. Cauciu, *calcio*. Chistu, *costui*.
 Impidugghia, *impiglia*. Na, *una*. Tarantu-
 luni, *accr. di tarantola*.

NONU

63

Sbarratozzi, chi scinni in retta linia
 Da li Nini, chi foru in Babbilonia,
 Tagghia cu gran valuri la filinia,
 Ma fu c' un sciusciu cacciatu in Lapponia,
 Duvi chianci la sua cruda ignominia
 Sempri ngriddutu, e chinu di cimonìa;
 La matri in tempu, chi lu concepiu,
 Avia avutu di jazzì un grau disiu.

64

'Nzumma cui pò cuntari quanti Eroi
 Sù stati da lu magu, o morti, o prisi?
 Cui sà l'inganni, e strataggemmi soi,
 Usati a l'annucciuni, ed in palisi?
 Parti l'accozza 'nterra comu voi;
 Parti 'mpalati, e parti poi sù 'mpisi,
 E qualchi vota l'arrusti, e l'ingrancia,
 E comu beccafichi si li mancia.

Foru, *furono*. Filìnia, *tela di ragno*.
 Ciùsciu, *soffio*. Chianci, *piange*. 'Ngriddu-
 tu, *intirizito*. Chinu, *pieno*. Concepiu, *ge-
 nerò*. Jazzì, *giacci*. Sù, *sono*. Annucciuni
inscostamente. Voi, *bovi*. 'Mpisi, *impicca-
 ci*. Vota, *volta*. Ingrancia, *frigge in modo
 che prendono il colore dell'oro*.

Anch'iu pruvai la sorti. ò anch'iu tentatu
 Di muriri a lu lettu di la gloria;
 Di corpu a corpu mi ci sù pruvatu,
 E mi portu pri signi, e pri memoria
 Un'anca zoppa, e lu nasu tagghiatu;
 Finuta è già la dularna istoria;
 Conchiuda: cui l'à dittu, e fatta diri,
 Di mala morti nun pozza muriri.

Ccà Sanciu, datu fini a lu raccontu,
 Cadiri si lasciau supra li manu
 La testa quasi debali, e compuntu
 Da lu dulari lu chiù acerbu, e stranu.
 Don Chiscioti pri fina a certu puntu
 Avia 'ntisù cu l'aria da sovranu,
 Ma in citarisi appena Dulcinia,
 S'alza cu furia, e l'occhi sbarrachia.

Pozza, possa. Cu l'à dittu, le femine
 del volgo, per ischerzo con questi termini
 chiudono la narrazione delle loro novelle.
 Ccà, què. 'Ntisu, ascoltato. Sbarrachia, sbar-
 ra.

NONU

67

Poi timennu interrumpiri lu filu
 Di la storia, chi sta'asi cuntannu'
 Torna a si'iri, e mostra un summu sfilu
 Di sentiri stu casu memorannu;
 Quannu s'arriva ad iddu, e senti a pilu
 Descrittu lu so geniu cu l'ingannu
 Di lu magu, chi spargi la zizzania,
 Di crepacori, e di dispettu smania.

68

Puru si frena, e vinci; ed a gran stentu
 Fa vijulenza a lu so giustu sdegna;
 Timi cù qualchi gestu, o qualchi accentu,
 Di smentiri lu so gravi contegnu;
 Ma quannu vinni poi lu finimentu,
 S'alza severu; e a lu celesti regnu
 Tacitu, e mutù, e pr'un gran pezzu fissi
 Tinni l'occhi vagnati, e di poi dissi:

Cuntannu, *raccontando*. Sfilu, *brama*
 Iddu, *lui*. Puru, *pure*. Finimentu, *fine*.

Ammirannu stupisciu, o summu Giovi,
 L' arcani di la tua gran pruvidenza!
 Comu disponi saggiamenti, e movi
 Di li cosi di ccà la serii immenza!
 Pri quantu strani casi fai, ch'eu trovi
 Lu filu a la matassa, in tanta urgenza!
 E comu pri tua fudda di accidenti
 Mi vulisti a stu puntu ccà presenti!

Riflittennu li cosi ad una ad una,
 Trovu sempri materia di stupiri:
 M' imbarcu, e m' abbandunu a la fortuna...
 Lu sciumi scurri a tuttu so putiri...
 La negghia...l' avventuri...li vadduna...
 Ripassu tra la menti cu piaciri;
 Mi trovu a mari 'ncostu a 'na balena,
 E mi ci ficcu in gula a tutta lena.

Di ccà, di questo mondo. Fudda, folla,
 quantità A stu, in questo. Ccà, quì, in
 questo luogo. Sciumi, fiume. Negghia, neb-
 bia Vadduna, vallate. 'Ncostu, da vicino.
 'Na, una.

NONU

71

Ddà cummattu, ddà caju; ed una varca,
 Di cui li marinara, scutulannu
 Stavanu l' ervi di la riti, e l'arca,
 A ddu locu si veni ramurchianuu;
 Vidinu stisu cu la facci zarca
 Lu miu corpu; lu vannu esaminannu;
 Ci trovanu di vita qualch' indiziu,
 E cercanu chiamarla ad eserciziu.

72

M' imbarcanu; ed appena vegnu a terra,
 Chi 'na truppa insolenti di picciotti
 Cu trunza, e petri m' arma 'na gran guerra;
 Jeu mi difisi comu megghiu potti,
 A signu chi già scappa ogn' unu, e sferra;
 Ed eu sempri incalzannu. e dannu botti,
 Mi trovu, seguitannuli, ccàuntu...
 Providu Giovi! comu vinni appuntu!

tom. vi.

Ddà caju, colà cado. Scutulannu, scuotendo. Ervi, erbe. Ddu, quel. Zarca, pallida. Picciotti, ragazzi. Cu trunza, con torzi. 'Na, una. Megghiu potti, meglio potè. Ccàuntu, què arrivato.

Jeu m'inchinu , adurannu rispettu
 Li granni imperscrutabili to' arcani,
 Chi ti degni impiegari a un nobil' usu,
 Ed in tanta importanza li mei mani.
 Tu intantu, o cavaleri generusu,
 Ch'ài fattu, e vistu cosi orrenni, e strani
 Guidami a Dulcinia; fa ch'eu sia pagu,
 Smintennu l'imposturi di lu magu.

Flemma , ripìgghia Sanciu , àjati flemma;
 Nun vi criditi chi sta Dulcinia
 Sia la chiù bedda , e prezziusa gemma;
 Sacciati ch'è la vera fitinzia;
 Ultra ch'è vecchia , ci mutau videmma
 Lu magu tutta la fisionomia;
 Dunca lassati stari , pirchiuntu,
 Rinighiriti poi l'ura , e lu puntu.

To', tuoi. Sta , questa. Sacciati, sap-
 piate. Fitinzia, porcheria. Ci matau ec. le
 trasformò pure. Dunca ec. dunque desistete
 Juntu ec. ideot. in vederla, ve ne pentire-
 te al certo.

NONU

75

Jiu! esclama l'Eroi, chi dici mai?
 Cu sti senzi li visceri mi tagghi;
 Comu a li jorna prosperi l'amai,
 Accussì l'amirò ntra li travagghi;
 Voggh'essiri anchi a parti di li guai,
 Cui voli beni, 'un senti fetu d'agghi.
 Orsù, interrompi Sanciu, jamuninni;
 Veni a guardarla, veni pregatinni.

76

Di lu casali in funnu era una grutta,
 Ch'avia 'na gaja allatu di zabari;
 'Na rota di mulinu stava sutta
 Pri na tavula rustica a manciari;
 Era di dintra affumicata tutta
 D'un furnu, e di dui rozzi cufulari;
 E all'alitu fumanti d'un tizzuni
 Stava 'na vecchia misa ntra 'na gnuni.

Tagghi, tagli. Jorna, giorni. Ntra li ne'. Cui ec. chi ama, tutto soffre. Jamuninni, andiamo. Pregatinni, godila pure, quanto vuoi. 'Na, una. Gaja, siepe. Zabbari, aloè americane. Cufulari, focolari. Misa ntra 'na gnuni, messa in un cantone.

*

Li chiù antichi di tuttu ddu casali
 Tutti ci fannu fidi, chi d allura,
 Chi un distinguianu l'acqua da lu sali,
 La sannu vecchia, e ntra dda positura;
 Tantu chi a li scueti, e a li chiù mali
 Li parenti pri faricci paura,
 Zittu, dicianu, ammucciati ccà sutta,
 Ah ca veni la vecchia di la grutta.

Nun occurri circari chiù difetti,
 Nè bruttizzi, nè guai, nè infirmitati,
 Nè rughi, e jimmi, e carozzi perfetti,
 Unni c'è chiù d un seculu d'etati;
 A chisti pri cucucciu si ci metti
 La straminizza. li verri, e vuciati;
 Pìrchì era stata ntra li jorna viridi
 Na donna, ch'avìa in corpu centu spirdi.

Ddu, quello. Un, non. 'Ntra dda, in quella. Scueti, inquieti. Faricci, far loro. Ammucciati ccà, nasconditi quì. Ca, che. Jimmi, gobbe. Carozzi, menti in fuori. Unni, dove. Chisti, costoro. Cucucciu, colmatura. Si cci, vi si. Straminizza ec. stravaganza, trasporti d'ira, schiammazzi. 'Ntra li jorna, ne' giorni. Spirdi; spiriti.

NONU

79

A Sanciù parsi chista un midagghiuni,
 Dignu di l'antiquarii chiù dotti;
 S'incamina pertantu a lu gruttuni
 Allatu di l'invittu Don Chisciotti;
 E arrivatu ci dici: O campiuni,
 Vidi lu negromanti, quantu potti!
 Vidi, si 'ntra st' orruri, e sta bruttizza
 Poi ritruvari rastu di biddizza.

80

In vidirla l'Eroi, trasiculatu
 Pri lu stupuri, sbarrachia li gigghia;
 Oh putenza, gridau; d'avversu fatu!
 Oh stranu canciamentu! Oh meravigghia!
 O pupidda d'amuri, e in quali statu
 Ti trovu! Oimè, lu cori s'assuttigghia!
 Quali riu velu li biddizzi appanna?
 Ma l'occhiu d'un' amanti nun s'inganna.

Parsi chista ec. *parve cotesta un medaglione*. Ci; gli. Potti; *potè*. 'Ntra st'; *in questo*. Poi; *puoi*. Rastu; *vestigio*. Sbarrachia; *sbarra*; *spalanca*. Pupidda; *pupilla*. Assuttigghia; *assottiglia*. Biddizzi; *bellezze*.

Nuvula nun pò mai, pri quantu denza,
 Pri quantu oscura, e torbida chi sia,
 Quannu ci stà lu Suli di presenza,
 Privarci affattu di la sua chiararia;
 Quali artificiu mai, quali potenza
 Occulta purrà teniri una Dia?
 Siti vui, vi conusciu, occhi amurusi,
 Benchì appariti pallidi, e micciusi.

Siti vui, vi conusciu, o labbri amati,
 Benchì vi vija pennuli, e caduti;
 O denti, benchi occùlti, ed ammucciati,
 Vi scopri l'occhju miu perni minati;
 Frunti, e masciddi nivuri, e arrappati,
 Leggiu in vui li gran cifri conusciuti;
 Ddi cifri cari a mia chiù di tesori,
 Chi Amuri ci sculpiu ntra lu miu cori.

Pò, può. Ci, vî. Chiararia, chiarore. Pur-
 rà, potrà. Siti vui, siete voi. Conusciu, co-
 nosco. Appariti, comparite. Micciusi, cispi-
 cosî. Vija pennuli, reda penzili. Ammuccia-
 ti, nascosti. Masciddi, gote, guancie. Nivu-
 ri, neri. Arrappati, increspâti. Leggiu, leg-
 go. Sculpiu ntra lu, scolpi nel.

NONU

82

Soffri intantu, mia cara, ch'un tributu
 Di lagrimi eu paghi a ssi biddizzi;
 Biddizzi sfortunati, eu vi salutu,
 Gioi un tempu a stu cori, oggi amarizzi;
 Intantu cu l'ossequiu dovutu
 Si ci jetta a li pedi, e fa spirtizzi;
 Ma la vecchia virruta, e impertinenti,
 Cu un cauciu ci rumpiu chiù di dui denti.

84

A tortu, dissi, oimè! la pena eu pagu
 Di lu delittu d'autru; ah vita mia,
 Guardami beni, ch'eu nun sù lu magu;
 Iddu rubbau la mia fisionomia;
 Iddu canciau la sua peddi di dragu
 Cu st'agnidduzzu, ch'ora è ccà cu tia,
 Pri ruinari in tia lu miu cuncettu,
 E sfogari lu so lascivu affettu.

Ssi biddizzi, *coteste bellezze*. Stu, *questo*. Si ci jetta, *si getta a di lei*. Fa spirtizzi, *smania*. Virruta, *iraconda*. Cu un cauciu, *con un calcio*. Ci rumpiu, *gli ruppe*. Autru, *altro*. Sù, *sono*. Iddu, *esso*. Canciau, *cambiò*. Peddi, *pelle*. Cu st'agnidduzzu, *con quest'agnelletto*. Ccà, *cu tia, quì con te*. So, *suo*.

La manu intantu ossequiusu afferra,
 In attu di vasarla e la vicchiazza;
 Accisa di la solita sua verra,
 Ci sgranfugnau lu nasu, e li mustazza;
 Iddu si jetta longu longu in terra,
 Gridannu: o cori miu, firisci, ammazza,
 Sfoga lu sdegnu; ma pri miu confortu
 Chiàncimi almenu, quannu sarro mortu.

La vecchia, chi si cridi trizziata,
 Pri la ràggia si stizza, e inviperisci;
 Pari a la cera na cani figghiata,
 Tantu cu l'ira la bruttizza crisci;
 Afferra di la bràcia a l'impinsata
 Un tizzuni 'nfucatu, e lu firisci;
 Lu pigghia in facci, ci l'abbrusca, e tinci,
 E a l'istanti la pàpula ci spinci.

Vasarla, *baciarla*. Verra, *ira*. Ci sgranfugnau, *gli sgraffiò*. Mustazzi, *mostacci*. Iddu si jetta, *egli si getta*. Chiàncimi, *pangimi*. Trizziata, *burlata*. Raggia, *rabbia*. 'Na, *una*. Figghiata, *che ha partorito*. Abbrusca, *abbrustolisce*. Tinci, *tinge*. La pàpula ec. *La pustula gli si alza*.

NONU

87

Vistu lu jocu già vinutu a fetu ,
 Sanciu si nni dispiaci , e s' intromettì ,
 Dicennu : basta , stativi cuetu ,
 Nun scuítati li picciotti schettì ;
 'Aja fattu fin' ora lu discretu ;
 Sugnu a la fini un frati ; e nu' permettì
 Davanti all' occhi mei lu miu decoru ,
 Chi si fazza l' amuri cu mia Soru .

88

Don Chisciotti si susi umiliatu ,
 Dicennu : oimè ! m' offenni , o cavalerì ;
 Lu miu amuri è innocenti , ed illibatu ;
 E li mei miri tutti sù sinceri ;
 Dunca , Sanciu ripigghia , in campu armatu
 Mostra ssi toi premuri , si sù veri ;
 Mustralu cu l' effetti , giacchè vantù
 Tn t' ài datu , di vinciri l' incantu .

Jocu , *gioco* . Fetu ; *puzzo* . Si nni ; *se ne*
 Cuetu ; *quieto* . Scuítati , *inquietate* . Picciot-
 ti schetti ; *donzelle* . 'Aja ; *ho* . Sugnu ; *sono* .
 Frati ; *fratello* . Fazza ; *faccia* . Soru ; *sorel-*
la . Si susi ; *s' alza* . Sù ; *sono* . Dunca ; *dun-*
que . Ripigghia ; *ripiglia* . Ssi ; *cotesti* .

Sì, sì, lu vincirò, tantu' promettu,
 Dissi, e tantu' avviratu truviremu;
 'Nsignami, unni lu magu avi ricettu:
 Di lu Caucasu sia 'ntra un pizzu estremu,
 Sia in funnu a Muncibeddu, o 'ntra lu pettu
 Di Steropi, di Bronti, o Polifemu,
 Chi stu vrazzu l'agghiunci, e lu trafiggi;
 Ma di l'incantu 'nsignami li liggi.

Eccu li spieghirò, Sanciu ripigghia;
 La prima è chidda, ch'una notti intera
 Duvrai durmire supra 'na gradigghia,
 Armatu tuttu di spata, e visera;
 Chiudennu l'occhi, e sirrannu li gigghia,
 Ti sentirai parrari 'na tistera,
 Truvirai Sanciu, allura chi ti sbigghi,
 Lu quali ti darrà boni cunsigghi.

Unni, *dove*. Ntra un pizzu, *in una ci-*
ma, sommità. Stu vrazzu, *questo braccio*.
 L'agghiunci, *l'arriva*. Incantu, *incantesimo*.
 Chidda, *quella*. Gradigghia, *graticola*. 'Na,
una. Sbigghi, *svegli*.

NONU

91

Si tu eseguisci, zoccu Sanciù dici,
 Senz'agghiunciri nenti, nè livirai,
 Tu sarrai certu l'omu chiù felici,
 E la vittoria nun ti pò mancari:
 Mà ristirai chiù nìuru di la pici,
 Si zoccu ti prescrissi, nun voi fari;
 L'imprisa sarrà trista, e sfortunata,
 Tu mortu, e Dulcinia resta 'ncantata.

92

Pigghiannullu fratantu pri la manu
 Lu porta 'ntra la turri sularina;
 E parrannu a l'oricchia d'un viddanu,
 Ci fici sbarazzari l'incantina;
 Preparau 'na gradigghia a manu-a-manu;
 Ma pri quantu girau dda siritina
 'Ntra tuttu lu casali, nun si spera,
 Di ritruvari un pezzu di tistera.

Zoccu, cio che. Pò, può. Nìuru, nero. Voi, vuoi. Porta ntra la, conduce alla. Ci, gli. 'Na gradigghia ec. una graticola prestamente. Dda siritina, quella sera; 'Ntra, in. Tistera, testiera.

Pirchi ntra ddu paisi naturali
 Nun s' usanu pilucchi, nè bunetti,
 Ma caminanu tutti tali quali
 Cu chiddu, chi natura in testa metti;
 Cu' avi capiddi l' usa e si nni vali,
 Cui nun n' avi, nemmenu ci rifletti;
 Mostra in testa la luna, e lu so discu,
 O metti una birritta pri lu friscu.

Nun truvannu tistera, Sanciu torna
 Ad un novu projektu: a nu' asta appizza
 'Na gran testa di crastu cu li corna,
 E a latu ci la situa cu franchizza;
 Doppu dissi a l' Eroi finu ch' agghiorna,
 Tinirai l' occhi chiusi cu esattizza;
 Nè aprirli, pri la menti mai ti passi,
 Ancorchè avissi a sentiri fracassi.

'Ntra ddu, in quel. Cu chiddu, con quello. Cu' avi capiddi, chi ha capelli. Mostra in testa la luna, ideot. comparisce calvo. Friscu, fresco. Appizza, affigge. Crastu, castrato. Agghiorna, aggiorna.

NONU

95

Lu Magu tintirà qualunqui cosa,
 Pri frasturnari a tia sta granni imprisa;
 Ma sta testa, ch' ài 'ncostu, 'un arriposa;
 Cu li corna ti guarda d'ogni offisa;
 La fici Albertu Magnu, e 'na gran dosa
 In chista di giudiziu c' à misa,
 Maggiuri all' autra; chista, ultra chi parra'
 Penza, ed opra, e s'occurri fa 'na sciarra.

96

Cùrcati intantu, e stà senza pinseri,
 Basta sta testa cu li corna torti,
 A stari pronta davanti, e darrerri
 Pri tia contra l'assalti li chiù forti;
 Addiu, gran specchin di li Cavaleri,
 Ch' eu mi ritiru, e mi chiuda li porti;
 Già Sanciusi nni jia; nui chi farremu?
 Jamuninni; e si torna, turniremu.

Fini di lu Cantu Nonu.

Tia, *te*. Ssa, *cotesta*. 'Ncostu, *appresso*.
 'Un, *non*. 'Na...ddosa, *una...dose*. In chista,
in questa, C' à misa, *vi ha messa*. 'Autra,
altra. Parra, *parla*. Sciarra, *lite*, Curcati,
coricati. Sta, *questa*. Darrerri, *di dietro*.
 Pri tia, *per te*. Porti, *porte* Si nni jia,
se ne andò. Jamuninni, *andiamocci*.

CANTU DECIMU



A R G U M E N T U

*Sanciu; da multi genti attorniatu,
 Cunta favuli; e vâ moralizzannu;
 Prima avi omaggi; doppu è invidiatu;
 Torna in creditu; e gran cera ci fannu;
 Trî spiriti bizzarri all' àutru latu
 L' Eroi curcatu a ritruvari vannu;
 Facennu provi accussì strani, e matti,
 Chè DonChisciotti nun stà chiù a li patti.*

*Attorniatu, circondato. Cunta, raccon-
 ta, Autru, altro. Curcatu, coricato.*

1

Nessunu nasci dottu tra stu munnu,
 Nessunu scaltru, nessuno prudenti;
 Ma scola li pazzii, scola ci sunnu
 Li spropositi, o nostri, o d'àutri genti;
 Ch'appocu appocu un ciriveddu tunnu
 Lu ridducinu quattru, e risplendenti;
 E chiddi, chi 'un si quatraanu a sta scola
 Nu li quatra lu ferru, nè la mola.

2

Don Chisciotti è lu primu 'ntra sta classi,
 Chi di la testa sua tra li confini
 A so capricciu un uovu munnu fassi,
 E lascia lu reali a l'Induvini,
 Lu popula d'idei non vili, e bassi,
 Ma tutti gigantichi, e pilligrini;
 E nun cridi a li sensi, si non quannu
 Cu li sistemi soi d'accordu vannu.

'Ntra stu, *in questo*. Sunnu, *sono*. Ciri-
 veddu tunnu, *cervello rotondo, quì ottuso*.
 Chiddi, *coloro*. 'Un, *non*. 'Ntra sta, *in que-*
sta. So, *suo*. Munnu, *mondo*.

Pertantu chiù. ch'osserva, e chiù chi vidi,
 Chiù chi penza, chi studia, e chi rifletti,
 Chiù si trova 'mbrugghiatu; e nun s'avvidi,
 Chi sù ntra la sua menti li difetti;
 Sanciu però a l'oppostu la sua fidi
 Tutta intera a li senzi la summetti;
 Pirchi à imparatu a spisi di stu mattu,
 Chi li sistemi sù varva di gattu,

Cu sti principii soi saggi, e maturi
 Profitta di la propria esperienza;
 E li pazii di l'àutru, e l'avventuri
 Sù lezioni pr'iddu di prudenza;
 Cussì di tempu in tempu a lu favuri
 D'una indefessa, e lunga esperienza
 Sanciu bench'iddu appena si nn'adduna,
 E' nàutru novu Socrati in persuna.

'Mbrugghiatu, *imbrogliato*. Varva ec.
barba di gatto, met. cose vane. Su, sono.
 Pri iddu, *per lui*. Si nn'adduna, *se ne ac-*
corge. 'Nautru, *un altro*.

D E C I M U

5

Era intantu la notti, e paria impressu
 Lu celu in funnu a lu tranquillu mari;
 Vidiasi di la luna lu riflessu
 In lunga striscia luciri, e trimari;
 Pirdiasi di lu lumi ntra l'eccessu
 'Na varcuzza luntana di piscari;
 Ed ogni rinnu pri l'undusi campi
 Fà vortici d'argentu, e manna lampi.

6

Di chiddi ameni prai l'abitaturi,
 Giuvini, e vecchi, e genti d'ogni etati
 Guardanu tutti a Sanciu cu stupuri
 Pri li discursi, e li prodigii oprati:
 Cui l'avi pr'un astrologu, e dutturi;
 Cui dici: ch'è lu re di li sciancati;
 Cui pensa: ch'è un filosofu affamatu;
 Cui lu cridi un profeta sfortunatu,

tom. rz.

'Ntra l' *nell'*. 'Na varcuzza, *una barchetta*. Di chiddi prai, *di quelle spiagge*. Cui l'avi, *chi l'ha*. Sciancati, *zoppi*.

Comu, quannu si vidi ntra l'invernu
 Un galofaru menzu arripuddutu,
 Ma chi fratantu esala da l'internu
 'N'oduri suavissimu, ed acutu,
 Cussì a guardari Sanciu ntra l'esternu
 Sciancatu, senza nasu, sprnvidutu,
 Fà pena, e insiemi meravigghia granni
 L'intrinzica virtù, ch'èsala, e spanni.

Tutti ci fannu rota; ed iddu sedi
 Supra d'un scogghiu, chi la vista appaga;
 A lu quali vagnannucci lu pedi,
 L'unna di sutta si cci rumpi, e fraga;
 Un zefirettu tepidu possedi
 L'imperiu di lu mari; e ci propaga
 Un motu accussì placidu, e lascivu,
 Chi pari un fonti di cristallu vivu.

'Ntra l', *nell'*. 'Arripuddutu, *intiriz-*
zito. 'N', *un*. Spanni, *spande, sparge*. Id-
du, egli. Vagnannucci, *bagnandogli*. Unna,
onda. Si cci, *vi si*. Fraga, *fa fragore*.

DECIMU

9

Sanciu estaticu guarda li biddizzi,
 Lu pateticu fastu. ma s'blimi,
 Li portentì mirabili, e grammizzi,
 Ch'una notti serena in mari esprimi;
 E prova ntra lu cori ddi ducizzi,
 Ch'a spiegarli, 'un ci sù prosì, nè rimi;
 Nun ciata, nè fà nuddu movimentu;
 Pri 'un perdi di ddu gratu sentimentu.

10

Doppu un pezzu si scoti; e interrumpennu
 Lu cursu a li graditi soi pinseri,
 Torna a l'astanti; e cu maturu sennu
 Discurri di l'erranti cavaleri:
 Nun vi scandalizzati, v'è dicennu,
 Di l'inventati chiàcchiari, e chimeri;
 Nè criditi, ch'eu barli un sfortunatu,
 Pirchè avi l'intellettu scuncirtatu.

'Ntra lu, *nel*. Ddi ducizzi, *quelle dol-*
cezze. Sù, *sono*. Ciata, *fiata*. Nuddu, *alcu-*
no. 'Un, *non*. Ddu, *quello*.

Lu foddì intantu cumparisci tali,
 Pirchè nan pensa, ed opra comu nui;
 Ma tra nui stissi pinsaturi eguali
 Criju, chi mancu n'attruvati dai;
 Perciò ogn'omu all'autr'omu pari armali,
 O puru foddì, cui menù, e cu' chiui;
 Ma la quadara, ch'è fattu li sfinci,
 Pò diri a la padedda: tu mi tinci?

Quanti fisionomii, tanti piuseri
 Diversi, o chi s'oppoanu tra certuni;
 Ma chi ogn'unu li soi li cridi veri,
 E a sustinirli trova li ragioni,
 Chi contra di l'opposti arditi, e ferì
 Luttanu a gara, a modu di squatruni;
 Perciò cu li ragioni anchi probabili,
 Si pò essiri foddì a l'incurabili.

Lu foddì, *il folle*. Criju, *credo*. Mancu, *nemmeno*. 'Autru, *altro*. Armali, *sciccoco*. Cu-cu chiui, *chi più*. Puru, *pure*. Quadàra, *caldaja*. Sfinci, *fiattelle*. Pò, *può*. Tinci, *tingi*. Pò, *può*. Foddì a l'incurabili, *matte di catina*.

DECIMU

13

Si sintiti parrari a lu suggettu,
 Ch'all'opri aviti vistu quant'è mattu,
 Criditi un omu di finu intellettu,
 Un Ciceroni, un Seneca ben fattu,
 Di quantu à studiatu, e quantu à lettu,
 Si ni vuliti un argumentu esattu,
 Guardati a mia, chi mai lessi, ne scrissi,
 E sugnu un squarciau di quant'iddu dissi.

14

A tanti lumi, ch'aju avutu d'iddu,
 Nun c'aju agghiuntu da la parti mia,
 Ch'applicarli a li fatti; ed unni chiddu
 Cridi lu munnu comu lu disia,
 Jeu lu criju com'è, criju ch'è friddu
 Lu jazzu; e chi lu focu ardi, e quadia;
 Sicchè li stissi idej cu divers'usu
 Vi fannu un pazzu, ed un giudiziusu.

Parrari, *parlare*. Mia, *me* Sugnu, *sono*. Iddu, *egli*. Aju, *ho*. D'iddu, *da lui*. Unni chiddu, *ove quegli*. Jeu lu criju, *io lo credo*. Jazzu, *giaccio*. Quadia, *riscalda*.

Da sti riflessioni ogn' unu vidi,
 Quantu sennu abbisogna, a cui cumpartì
 Stu titulu di pazzu; e cui decidi
 E sempri, o pri lu ch'ù judici, e parti;
 Jeu po c' agghiunciu: ch' chiù, ch' un si cridì
 Sunnu utili li pazzi, sì cu l'arti
 Ddà stessu, unni li porta la pazzia,
 Ci apriti versu l'utili na via.

Cussì l'industria umana li turrenti
 Benchì rapidi, vasti, e impetuusi,
 Pri via d' ordigni, machini, e strumentì
 Utili renni a li vantaggi, e ull'usi:
 Ora forma fontani; ora cu denti
 Li roti adatta attornu a li soi fusi;
 Ch'ammuttannu àutri roti chiù vicini,
 Movinu massi, e giranu mulini.

A cui, a chi Aggiunciu, aggiungo.
 'Un, non. Sunnu, sono Ddà stissu, colà ap-
 ponto. Unni, dove. 'Na, una. Renni, rende.
 Ammuttannu ec. urtannu altre ruote.

DECIMU

17

E chistu è chiddu, ch'eu disiu di fari,
 Si lu celu mi dona in curtisia
 Sennu, quant'iu ni pozza ad àutru dari,
 E mi nn arresti bona parti a mia;
 Ed a vui tutti pregu d'ajutari
 St'opra, ch'è veramenti un'opra pia;
 Ch'ad un'omu un si fa megghiu serviziu,
 Chi cu faricci mettiri giudiziu.

18

Cussì dissi: e ddi genti l'acclamàru
 Pri l'omu lu chiù saggiu, e chiù perfettu;
 Eccettu alcuni, chi pr' un casu raru
 Sapiannu appena leggiri currettu;
 Chisti, mentri fù Sanciu in statu amaru,
 Mustràru pr' iddu gentilizza, e affettu;
 Ora, chi già lu vidinu in figura,
 Timinu in iddu un chiuppu, chi l'oscura.

Chistu è chiddu, *questo è ciò*. Ni pozza, *ne possa*. A mia, *a me*. St' *questa*. Un... Megghiu, *un... migliore*. Cu faricci, *con far-gli*. Ddi, *quelle*. Chisti, *costoro*. Mustraru pri iddu, *mostrarono per lui*. Chiuppu ec. *pioppo, che loro fa ombra*.

Pertantu lu sdilliggianu ; dicennu ;
 Chi li soi studii 'un eranu profunni ;
 Ch'avia memoria sì, ma 'un avia sennu ;
 Chi li periodi 'un eranu rotunni ;
 E ch'era un saltabancu , chi scurrennu
 Jeva lu munnu pri fini secunni ;
 E chi si divi tra li scecchi ascriviri
 Uno , chi 'un sapi leggiri , nè scriviri..

E chi li gran sentenzi , chi spacciava ,
 Eranu assai prolissi , e pedantischi ;
 E chi lu sulu oturi , chi citava ,
 Era un foddi , e n'avianu provi frischi ;
 Chi 'un avia gravitati ; chi trattava
 Li scienze cu frasi buffunischi ;
 E chi l'essiri zoppu , e senza nasu ,
 'N' eranu signi da nun farni casu .

Sdilligianu , *dileggiano* . Un , *non* . Jeva ,
andava . Scecchi , *asini* . Sapi , *sà* . Oturi ,
autore . Foddi , *folle* . Provi frischi , *prove*
vicine . 'Un , *non* . 'N' , *non* .

DECIMU

21

C'è cui lu metti allatu di Maumettu,
 Nun sulu pirchè è barbaru a la forma,
 Ma pri li vasti ideï chi chiudi in pettu,
 Chi traspiranu un quattru di riforma;
 Ch'è francu, intraprendenti, ed è un perfettu
 Seduttori, chi l'animi trasforma;
 E chi li soi concetti spaciusi
 Chiudianu sensi assai perniciosi.

22

Chisti, e tant'autri critici, e sospetti
 Jianu spargennu tra ddi genti boni
 A signu tali, chi ognunu si metti
 In dubiu di la propria opinioni:
 E tra li dubbii, e fausi concetti,
 Fra cabali, imposturi, e invenzioni
 Sanciu traballa, e pari già vinuta
 L'ura di la fatali sua caduta.

Cu', *chi*. Chisti, *queste*. Autri, *altre*.
 Jianu, *andavano*. Ddi, *quelle*. Fàusi, *falsi*.

Nun giuvanù a salvarlu, e a darci pani,
 Nè lu so garbu, nè la sua mauera,
 Nè li costumi simplici, ed umani,
 Nè la ragioni, chi a li menti impera;
 Anzi, si cu li sci potenti arcani
 Prontu in so ajutu, l' accidenti 'un era,
 Sanciu avirria d' allura conosciuto,
 Chi cu 'à talentu, divi starsi mutu.

Lu salva dnnqui un pregiudiziu vanu,
 Chi cu la sorti av' armi chiù potenti
 Di la virtù, e l'onuri. O fastu umanu,
 Quantu sù vili li toi fundamenti!
 Guarda, cu quali menzi da lu chianu
 T'inalza, e ti sublima l' accidenti!
 Scioccu murtali, e tu t'insuperbisci!
 E a lu meritu to l'attribuisci!

So, *suo*. 'Un, *non*. Cu', *con*. Sù, *sono*
 Chianu, *pianura*. To, *tuo*.

DECIMU

25

A modu d'un misteriu profunnu
 Tra tri testi bizzarri s'aggirava
 Un pregiudiziu senza capu, e funnu,
 Una cridenza vana, chi regnava;
 Cridianu, chi scurrissiru lu munnu
 Dudici gran filosoffi, in cui stava
 Lu segretu, di farsi indestrudibili,
 La cabala, l'archimia, e l'omniscibili.

26

E chi chisti scurriannu stracanciati,
 Disprizzannu lu fastu, e li ricchizzi;
 E chi davianu pri l'antichitati
 Compariri midagghi abbruscatizzi;
 Tali ci parsi Sanciu; e in veritati
 Guardannu lu so corpu, e li fattizzi
 Unu paria, chi s'era fattu forti
 A pugna, e a punta-pedi cu la morti.

*Senza capu, e funnu, senza principio,
 e fine. stravagante Munna. mondo. Chi-
 sti, co'toro. Stracanciati, travestiti, Mid-
 gghi abbruscatizzi, medaglie abbrustolate,
 inarsicciate, di parsi, loro parve. So, suo.
 Punta-pedi, calci.*

Lu guardanu pertantu attentamenti,
 Nutannu l'atti, li paroli, e gesti,
 Lu sennu, la vivizza di la menti,
 E la simplicitati di li vesti;
 Conferiscinu 'ntriddi unitamenti
 In segreta truzzannusi li testi;
 Conchiudinu, chi cui vanu circannu,
 In carni, e in ossa ddà presenti l'annu.

La prima di sti testi scavigghiati
 Era statu un riccu arrennatariu;
 Ch'avia ntra l'arma certa infirmitati
 Chi lu portava e l'extraordinarin;
 Capitan tra li granfi d'un'abati,
 Chi fa garzuni d'un'aromatariu;
 Cussì pigghianu lu gustu a li furneddi,
 A li storti, lammichi, e pignateddi.

'Ntriddi, *tra loro*. Truzzannusi, *ideot.*
parlando a testa a testa. Chi Cui, *colui, che*.
 Ddà, *là*. Scavigghiati, *prop. schivellate quì*
inconcludenti. Arrennatariu *che vive di sue*
entrate. 'Ntra l'arma, *nell'anima*; Ntra li
 granfi, *nelle branche*. Furneddi, *fornelli*. Pi-
 gnateddi, *pentolette*.

DECIMU

29

Leggi, e rileggi li librazza antichi.

E trova scritti a granfa di diàulu,
Junti a signi celesti, cifri, e intrichi,
Chi mancu l'indavina lu ciràulu;
Ccà el trova una panza, e dui viddichi,
Chi poi si spiega l'essenza d'un caulu;
Ddà c'è lu dragu; appressu c'è na Scimia
E tutti sunnu emblemi di l'archimia,

30

Sciùscia mantaci, e scurri unitamenti

Da li storti acqua, e da la vurza l'oru;
Iddu lu vidi, e avanza li strumenti,
Chi già cridi viciu lu ristoru;
Tenta novi maneri; finalmente
Ristau poveru, e pazzu; ma ci foru
Chiddi, ch'indovinaru lu vijòlu,
Mittennucci la vurza a lu gurgiolu.

Diàulu, diavolo. Junti, aggiunti. Man-
cu, neppure. Ccà, quì. Panza ec pancia,
e due umbelichi. Ccaulu, cervo o. Ddà, colà.
Sunnu, sono. Sciùscia, soffia. Vurza, borsa
di denari. Iddu, egli. Ci foru, vi furono.
Chiddi, quelli. Vijòlu, sentiero. Mittennuc-
ci, mettendogli. Gurgiolu, crocciuolo.

31

Pri sfùiri ogni affruntu, ogni rimproveru
 Di li parenti, e di li boni amici,
 Lasciau la patria, e si circau ricoveru
 'Ntra stu casali; e ccà s'assuefici;
 Duvì, pri quantu sia meschinu, e poveru;
 E' riputatu l'omu chiù felici;
 Pirchè ccà si riguarda pri grannizza
 Qualchi miseru avanzu di ricchezza.

32

Lu secunnu era un vecchiu uffiziali,
 Ch'avìa multu sirvutu a la marina;
 Era omu, chi sapia lu beni, e mali,
 E studiava di sera, e mattina,
 Ma ntra 'na cosa sola era minnali,
 Chi crideva a la cabala Rabbina;
 Situannu li numeri a pittini,
 Cridia, chi divintassiru, indovini.

Sfùiri, *sfuggire*. Lasciau, *abbandonò*.
 'Ntra stu, *in questo*. Cca, *qui*. 'Ntra 'na,
in una. Minnali, *babbuasso*.

D E C I M U

33

E ch'ogn'unu pri certa simpatia,
 Chi regna occulta in tutta la natura,
 Lu so graditu numeru attrajia,
 E cuncirtava assemi 'na figura;
 E dda stu matrimoniu ni nascia
 Un terzu, chi attaccava dda scrittura
 Cu la magghia chiù certa, chi strascina
 Di tuttu lu futuru la catina.

34

E pirchè cu pittini, e cu quatрати
 Nisceva fora di lu sminatu,
 Cadendu spissu in qualche asinitati,
 Da lu so reggimentu fu cacciatu;
 E unitu a li dui testi scavigghiati,
 'Ntra stu casali s'era ritiratu;
 Unni cu l'aria di misteriu imponi
 Supra ddi genti simpliciuni, e boni.

So, suo. Stu, questo. Ddà, quella.
 Magghia, maglia. Nisceva ec. traviava.
 Scavigghiati, inconcludenti. 'Ntra stu, in
 questo. Unni, dove. Ddi, quelle.

Lu terzu si cridia fari miraculi

Cu li spirdi chi stannu 'mmenzu all'aria;

Liggia di Salanuni li pentaculi,

E àutri cosi da farni luminaria;

Tineva conservati, comu oraculi,

Di Petru Bajardu li lonaria;

E una vùsciola vecchia, chi cumpratu

Avia da un pellegrinu rinigatu.

Avia accattatu quattru mila pauli

'Na vùsciola, chi 'un jeva tri bajocchi;

Cridia, chi dintra c'eranu diàuli,

E la tineva forti, e cu li crocchi;

E dannu intera fidi a tanti fauli,

Nun l'apri, e nun c'è modù, chi la tocchi;

Pirchi di ddi diavuli sarvati

Trema, pinsannu a li primi scappati.

Spirdi, *spiriti*. Pentaculi, *caratteri*, e *figure contra malie, veleni ec.* Autri. Da farni luminaria, *degne solamente ai gettarle. al fuoco*. Vùsciola, *bu solo*. Accattatu, *comprato*. Na vùsciola, *un bussolo*. Un jeva *non valeva*. Crocchi, *uncini*. Fàuli, *farole*. Sarvati, *chiusi*.

DECIMU

37

Pri tantu si l'ammuccia, e la cunzerva
 Pri li nicissitati li chiù granni;
 Cerca intantu un scunciuru, o 'na preserva,
 Ad evitari l'inzolenzi, e danni;
 A st'oggettù, circannu 'na cert' erva,
 Capitan ntra sti rustici capanni;
 Unni cu li fanatici cullega
 Pri simpatica liggi fici lega.

38

E pirchè facilmenti si dà fidi
 A chiddu, chi si brama, e si disia,
 Ciascunu d'iddi in Sanciu Panza vidi
 La cabala, o l'alchimia, o la magia;
 Ed eccu, d'unni menu si lu cridi,
 Sanciu incontra favuri, e cartisia;
 E l'autri, mossi da l'autoritati,
 A l'antica rispettu sù turnati.

tom. vi.

Ammuccia, custodisce. Scunciuru, esorcismo.. 'Na-erva, una-erba. 'Ntra sti, in questi. Unni, dove. A chiddu, a ciò. D'iddi, di loro. D'unni, da dove. Sù, sono.

Sanciu fratantu 'un cumprinnia capazza
 Di sta timpesta, chi lu circondava;
 Ma s'addunau dipoi 'ntra la bunazza,
 Chi lu creditu so s'augmentava;
 Ogn' unu dava locu, e facia chiazza,
 Appena ch' iddu lu passu avanzava;
 E a tali illusioni eranu junti,
 Chi c'è, cui dici: ch'avì raggi infrunti.

Comu currinu a fudda li fidili
 Ad un' otàru, ch'è miraculusu,
 O pri grazii, o pri scrupol' sottili,
 O pr' affari, o pri casu dabbiusu;
 Cussì incantati di lu bonu stili
 Di Sanciu, chi s'è già fattu famusu,
 Sti genti, o pri cunsigghi, o questioni
 Stannu tutti a la sua decisioni.

*Capazza, assolutamente, niente affatto.
 S'addunau, s'accorse. So, sno Chiazza, piazza.
 Iddu, egli. Junti, arrivati. Cui, chi. A
 fudda, in folla. Otàru, altare.*

DECIMU

41

Tra l'autri alcuni giuvini, allettati
 Di la bella alligria di lu zitaggiu;
 E vista già la summa abilitati,
 Chi Sanciu avia mustratu pri stu 'nguaggiu,
 Lu imploranu per essiri accasati;
 Sanciu, ch'è divinutu accortu, e saggiu,
 Ci leggi in frunti, chi sta fantasia
 Era 'na vanità, 'na bizzarria.

42

E comu chi sapia, chi senza sàusa
 La verità è na piatta, chi disgusta;
 E multu chiù a li giuvini; pri causa,
 Chi 'un ànnu quasi mai la testa giusta;
 Pertantu doppu un' ali-quali pàusa,
 Chi la materia ci disponi, e aggiusta,
 Incomincia: sintiti stu successu,
 Chi fà a lu casu vostru, anzi è l'istessu.

Tra l'autri, *tra gli altri*. Zitaggiu,
 sponzalizio. Pri st' 'nguaggiu, per queste
 nozze. Na, una. Sàusa, salsa. Na, una.
 Pri càusa, per cagione, Ali-quali, certa.

Un certu surciteddu arditu arditu

Pri lu disiju di liccumiari ,

Nisciu da la sua tana ; ed attrivitu

Tutti li 'gnuni misi a firriari .

Ciàura ccà-licca ddà-junci ntra un situ ;

Senti un' oduri , e metti a naschiari ;

Pirchè ad un nasu dicinu) surcignu

Lu furmaggiu è lu ciàuru lu chiù dignu ;

S'accosta ; e vidi tra firrati , e sticchi

Penniri certa cosa bianculidda ;

Eccu ci fa la gula nnicchi-nnicchi :

O beni meu ! n'avissi 'na scardidda !

Dissi : e affilannu li soi fauci licchi ,

S'alliffa tuttu ; e movi la cudidda ;

Ed accumincia a fari passagagghi ,

Circannu un' apertura ntra ddi 'ngagghi .

Surciteddu , *topicello* . Liccumiari , *avidamente assaggiare* . Nisciu , *uscì* . Attrivitu , *audace* . 'Gnuni , *nascondigli* . Firriari , *girare* . Ciàura ccà , *odora qui* . Ddà , *là* . Junti ntra , *arriva in una* . Naschiari , *annasare* *futare* . Surcignu , *di sorcio* . Sticchi , *spranghe* . Ci fa ec gli fa go'io . Scardidda , *dim di scheggia* . Affilannu , *stuzzicando* . Licchi , *goloso* . Alliffa , *liscia* . Passagagghi , *andarivieni* . N'tra ec . *in quelle fessure* .

DECIMU

45

La guarda, e squagghia; la cuntempla; e smiccià;
 E si nni senti jiri duci duci;
 Ogni difficoltà chiù la 'ncapriccia;
 Nè si cueta, si nun s'introduci;
 Trasi a la finì; tasta; si scapriccia;
 Ma ntra lu megghiu, chi la fera luci,
 Senti un scrusciu; si jetta a manu manca,
 E lu stomacu oimè! si ci sbalanca.

46

Curri di ccà, di ddà, cerca scappari;
 E vidi chiusi tutti li spiragghi;
 Torna a vidiri, ritorna a tentari,
 Ma 'un trova menzu comu si la sgagghi;
 'Na negghia all'arma si senti calari,
 Presaggiu infaustu di li soi travagghi;
 Passia; e lu formaggiu disiatu
 Ci sbatti mussu mussu, e 'un è 'nningatu.

Squagghia, met. si liquefa. Smiccia, guarda appassionatamente. Iri ec. andare in deliquio per lo piacere. Trasi, entra. Chiù ec. più l'impegna. Ntra lu ec. nel più bel del piacere. Scrusciu, romore. Di ccà, e di ddà, di quà, e di là. Spiragghi, spiragli. Un, non. Comu ec. come possa uscirne. 'Na negghia ec. una nebbia nell'anima. Passia, passeggia. Ci, gli. Nningatu, considerato.

C'è passata la fami, e lu pitittu;
 Lu furnaggin ci pari cantunera;
 Si mai lu 'mnesti, vota, o tira drittu,
 Senza mancu guardarlù tra la cera;
 Poi sclama: libirtati, e pani schittu,
 Oh chi turnassi ad essiri, com'era!
 Chi mi servi la piatta delicata?
 La vucca di lu stomacu è attuppata.

Miseru, oimè! pr'un pezzu di furnaggin
 'Aju persu la cosa la chiù cara!
 A lu so gustu, appena chi l'assaggiu,
 Quantu e' è di livaricci di tara?
 Si masticassi un carduni sarvaggiu,
 Nun avirria la vucca accussi amara;
 Arrinegu li gusti, e li sapuri;
 Libertà, libertati, e tozza duri.

Mussu, muso. Pitittu *appetito*. Si mai
 lu ec. *se a caso l'urta, ro'ta*. Mancu, *nep-
 pure*. Ntra la, *nella* Schittu, *asciutto*. Piat-
 ta, *pietanza*. Attuppata, *otturata*. 'Aju, *ho*.
 Carduni, *cardo*.

DECIMU

49

Mentri l'affittu penza a li soi guai,
 Tant' àutri surciteddi a lu so rastu
 Sunnu arrivati; e stannu a li talai,
 Innamurati di dda bellu pastu,
 Fannu lu cannarozzu longu assai;
 Pirchè la porta chiusa c'è d'immastu;
 E intantu a lu scuvertu allampatizzi
 Stannu a lu ciàuru, e apparanu li sbrizzi.

50

Unu ci passa, e spassa pri davanti;
 'Nàtru tenta la porta, o la suffitta;
 Cui si cuntenta tucclaru un'istanti
 Cu la cudidda pri 'na 'ngagghia stritta;
 Cui licca li muddichi di li canti;
 Cui s'increpa, e bestemmia la sua sditta;
 C'è cui sospira, c'è, cui spinna, e mori;
 C'è, cui guarda cu l'occhju di lu cori.

'Autri surciteddi, *altri topicelli*. So rastu, *suo vestigio*, orma. Sunnu, *sono*. A li talai, *alla veletta*. Dda, *quello*. Cannarozzu, *gola*. D'immastu, *d'ostacolo*. Allampatizzi, *affamaticci*. Ciàuru, *odore*. Apparanu li sbrizzi, *ideot. resistono a' disagi*. Spassa, *ripassa*. 'Nàtru, *un altro*. Cudidda, *dim. di coda*. 'Ngagghia, *fessura*. Cui licca ec. *chi lecca li braccioli*. Sditta, *disdetta*. Spinna, *viene meno pe' l' desiderio*.

51

Poi vidennu vicinu 'a lu tumazzu

Stari un surciddu cu lu mussu asciuttu.

Talè, dicianu, chi gramagghiunazzu!

Ea badagghi, e lu beni arresta tuttu!

Nautru dicia: s' in locu di stu pazzu

Euss'iu di lu furmeggju accussì 'ncuttu,

O chi bella scialata! ntra stu casu

Mi ni vurria jittari pri lu nasu.

52

Ripigghiava poi nautru a vuci forti:

Diascacci! sti belli cugninturi

Sù pri li babbi, e pri li juga-torti!

Pr'iddi sù fatti li megghiu sapuri!

E a mia nudda di chissi? o sorti! o sorti!

Nun pozzu aviri mai di tia un favuri?

Nun distingui nè meriti, nè ranghi,

Duni viscotta a cui nun avi ganghi!

Surciteddu, *topicello*. Mussu, *muso*. Talè, *guarda*. Gramagghiunazzu, *poltronaccio*. Badagghi, *sbadigli*. S' in locu, *se in vece*. 'Ncuttu, *vicino*. Scialata, *tempone*. Ntra stu, *in questo*. Mi nni ec. *me ne vorrei saziare a ufo*. Diascacci, *per bacco*. Cugninturi, *fortunate occasioni*. Sù pri li ec. *sono per gli scioechi*. Juga-torti, *bricconi*. Pr'iddi, *per essi*. Megghiu, *migliori*. A mia ec. *a me nessuna di coteste*. Pozzu, *posso*. Da tia, *da te*. Viscotta, *biscotti*. Ganghi, *mole*.

DECIMU

53

Nautru diceva : unn' iddu avi li pedî,
 Disiiria d' avirici la facci;
 Nun conosci la gioja . chi possedi
 St' armali , e 'un sa godirni li procacci
 Avi tantu chi fari , ed iddu sedi !
 S' idda nun pò , mi dica almenu , vacci :
 Ch' è tintu ! ch' è sdiserramu ! e mandruui !
 Mancu conosci li boni vuccuni !

54

Ripigghia nautru : va rusica l' ervi ,
 Ca sti boni vuccuna 'an sù pri l' orvi ;
 Cu' avi la cugnintura , e 'un si ni servi ,
 Nun trova cunfissuri chi l' assorvi
 Chi ci aduri tu ora ? chi cunservi ?
 Sparagni pri li cani , o pri li corvi ?
 Giacchi tu nu lu 'nninghi , nè ci dici ,
 Almenu fanni parti pri l' amici ?

Unn' iddu , dove egli . St' armali , questo balercio . Un , non . Ccà , què . Pò , può . Vacci , vè pure tu . Tintu , scemo . Sdiserramu , miserabile . Mandruni , poltrone . Nautru , un altro . Rusica l' ervi , a rosicare l' erbe . Ca ec . chi questi buoni bocconi non sono per gli ciechi . Cunservi , serbi . risparmi . Nu lu 'nninghi ec . non lo consideri , nè lo gusti .

Lu surci, chi si senti dari liti,
 Pri mettiri a chidd' àutri tra l'affanni,
 Ci dici: stu furmaggiu, chi viditi,
 Mi lu sparagnu pri li festi granni;
 Del restu, si vuàtri ni vuliti
 Iti avanti; circati a tutti banni;
 Si viditi casuzzi cu firrati,
 Trasiticci, e sarriti cunsulati.

Li surci n'accattàru di ssa stuppa;
 E 'mpanniddàru filici, e fistanti;
 Vannu 'ntra 'nàutra stanza tutti a truppa
 Unni c'era 'na trappala a li canti;
 Ora vennu a lu pettini li grappa;
 Eccu, chi lu chiù sgerru si fa avanti;
 Già trasi; vidi; tasta; resta prisu;
 E lu destinu so eccu è decisu.

Chidd' àutri *quegli altri*. Ci, loro. Ban-
 ni, luoghi. Casuzzi cc. *casuccie con ferrate*.
 Trasiticci *entrate pure*. N'accattàru ec. *ideot.*
credettero a queste lusinghe. 'Mpanniddaru,
se la batterono. 'Ntra 'nàutra, *in un'altra*.
 Unni, *dove*. 'Na, *una*. Vennu, *vengono*.
 Sgherru, *tronfio*. Trasi, *entra*. So, *suo*.

DECIMU

57

Attentanu a lu scrusciu l'autri attornu;
 E vidennu calari un catarrattu,
 Si mettinnu a gridari: cornu! cornu!
 Di stu furnaggiu 'un ni vulemu affattu;
 Chi s'avi a stari prisu notti, e jornu,
 Senza mancu spiranza di riscattu?
 Furnaggiu, sarrai duci, e bellu assai;
 Ma a stu gran prezzu certunun ci vai.

58

Cussì li surci pensanu; ora vùu
 Si truvati st'idei sciocchi, ed improprii,
 Dicitì: qual'è megghiu di li dui:
 'Mparari a spisi d'autru, o a spisi proprii?
 Nun c'è bisognu ch'eu mi spoghi chiui;
 Ogn'unu si la pensi, e si l'approprii;
 E vija, s'avi flemma, e avi coraggiu,
 Di stari prisu allatu a lu furnaggiu.

Scrusciu, romore. Un, non. Jornu, gior-
 no, Mancu, nemmeno. Duci, dolce. Vai, va-
 li. Megghiu, meglio. D'autru, altrui, Chiù
 più, Vija s'avi, veda, se ha.

Mentri chi Sanciu a li picciotti spiega
 Li soi saggi precetti. e lezioni.
 Lu cabalista, e l'autri dui callega
 Avianu fattu apparti un'unioni;
 Unni sustennu tutti tri di lega:
 Chi li suli scienze veri, e boni
 Sunnu l'occulti; in cui cu bagattelli
 S'opranu li prodigi li chiù belli.

E chi la via, chiù brevi a sti portenti,
 Era la vuci viva di lu mastru;
 Chi sti mastri sù rari, e a summi stenti
 Si cunta un Trimegistu, un Zoroastru,
 Cardànu, e Lullu, ed àutri ottu saccenti,
 Eterni ad onta d'ogni riu disastru;
 Chi un si spieganu mai, ma profittari
 Si pò cun iddi a via d'interpetrari.

*Picciotti, ragazzi. Unni, in cui. Sun-
 nu, sono. A sti, a questi. Mastru, maestro.
 'Autri, altri. Un, non. Pò cun iddi, può con es-
 so loro.*

D E C I M U

61

Conchiudinu : chi Sanciu era di chisti,
 Confirmannu lu so primu sospettu;
 Chi davianu perciò stari a li visti,
 Pri profittari di stu gran soggettu;
 Nutannu l'azioni e boni, e tristi,
 Ch'ogn' una davia essiri un precettu;
 Giacchè li dotti parranu in enima,
 Nè basta pri capirli un Ciccu Bimma.

62

Secunnu sti principii, e sti sistemi
 Nessuna cosa c'era indifferenti;
 Ogn' unu d'iddi interpetra pri emblemì
 L'azioni di Sanciu, e l'andamenti;
 E ripitennu, e confrantannu assemi
 Li cosi di lu jornu precedenti,
 Ogn' unu si li mastica, e sviluppa,
 E vi trova di faricci gran suppa.

Chisti, *costoro*. So, *suo* Parranu, *par-*
lano. Un Ciccu Bimma, *un vomo del volgo*.
 Sti, *questi*. Iddi, *loro*. Jornu, *giorno*. Di
 faricci gran suppa, *da contarci molto*.

La gran testa di crastu supra un' asta
 Ci pari un gran misteriu da notari;
 Un omu tuttu furia, ma chi basta
 Menza cucuzza pri farlu calmari,
 E rendirlu chiù moddu d' una pasta,
 'E cosa chi ci duna da pinsari;
 La stanza, e la gradigghia, in cui s' esponi
 Sù portenti per iddi, e lezioni.

Disposti a profittari di sta scola,
 Ratornanu a li casi a providirsi
 Di libra, e di strumenti cu parola
 Di subito a la turri riunirsi.
 Ognunu parti, ognunu sauta, e vola;
 E pri la gran premura d' istruirsi,
 Provist di li cosi chiù impurtanti
 S' uniscinu di novu in pochi istanti.

*Crastu, castrone Ci loro. Cucuzza, zuc-
 ca. Moddu, pieghevole Gradigghia, grati-
 cola. Sù, sono. D. ssa, di cotesta. Sauta,
 salta. Uniscinu, congregano.*

DECIMA

65

Juverti da lu mantu di la notti
 Li tri visionarii, di concertu
 Vannu a la turri, unu'era Don Chisciotti,
 Di li spiranzi soi ciascunu certu;
 Unu porta laminichi, storti, e gotti;
 Nautru vùscinla, virga, e libru apertu;
 Un terzu à 'na gran carta pri d'vanti,
 Un compassu a li manu, ed un quatranti.

66

Provistu ognunu di li soi strumenti,
 Trasi dintra la stanza di l'Ero',
 Chi lu cridi una cifra chiù evidenti,
 Anzi una chiavi a li scienzi soi;
 Chi lu pretisu saviu accortamenti
 Disposi, e concertau pri fari poi
 Provi, ch'ogn' unu d'iddi si figura,
 Da cumannari l'arti, e la natura.

'Unni, *dove*. Gotti, *bicchieri*. 'Nàntu
 vùscinla, *un altro bussolo*. 'Na, *una*. Trasi,
entra. Cuncirtau, *concertò*. Provi, *prove*.
 Iddi, *essi*.

Lu trovanu cu multa meravigghia,
 Tali quali l'avevanu lassatu;
 Stisu pri longu supra la gradigghia,
 Lu stissu situ, 'ntra lu stissu latu;
 L'occhi avia chiusi, e 'ngrispati li gigghia;
 Un vrazzu 'ntra la testa a gucciddatu;
 Seriu, e immobili, comu nun ci fussi;
 Nun stranuta, nun pipita, ne tussi.

Lu toccanu, e lu muncinu; iddu infantu
 Sempri stà sozzu, comu 'na campana;
 Giacchì pri superarisi l'incantu
 Avia prumisu fari sta carvana.
 Li tri, chi 'un s'interessanu di tantu,
 Cridinu; ch'è 'un enimma in forma umana;
 Pertantu a costu d'iddu francamenti
 Cumincianu li studii, e sperimenti.

Lassatu, *lasciato*. Stisu, *steso*. Gradigghia, *graticela*. Ntra lu, *nello*. 'Ncrispati li gigghia, *increspate le ciglia*. Vrazzu ntra la, *braccio nella*. A gucciddatu, *a ghirlandu*. Pipita, *apre bocca*. Mancinu, *palpeggiano*. Iddu, *egli*. Sozzu, *saldo*. 'Na, *una*. Incantu, *incantesimo*. A costu d'iddu, *e di lui spalle*.

DECIMA

69

E prima si ci mettinnu d'attornu,
 Cu grann' occhiali a contemplarlù fittu;
 Lu Cabalista osserva lu cuntornu
 Di la testa di crastu; e poi fa un scrittu:
 Chi duviasi chiantari in capricornu,
 Pr' appurtari la cabala profittu;
 E ch' in tutti li signi iddu supponi
 Chi 'un c'è chiù ricca costellazionii.

70

Spiega 'na carta poi comu un linzolu;
 Unni sù pinti granci, e schirpiuna,
 Ursi, e sirpenti chi attornu a lu Polu
 Giranu cu li sferi, e cu la Luna;
 Chianta un quatranti supra d'un cannolu;
 Apri un cumpassu, e li misuri aduna;
 Di poi si jetta 'nterra, e s'abbachia
 La parallassi di la ciminia.

tom. vii.

Crastu, *castrone*. Chiantari, *piantare*.
 'Un, *non*. 'Na, *una*. Unni, *dove*. Granci,
granchi. Chianta, *pianta*. Cannòlù, *tubo*.
 Jetta, *getta*. E s'abbachia, *ed osserva mi-*
nutamente. Ciminia, *camino*.

Assumma; e v`a nutannu lu produttu;
 Poi dividi per ichisi, ed attrova,
 Chi lu parti è minuri di lu tuttu,
 Ed è quasi a cavaddu di la prova.
 Lu Chimaicu fratantu s'è riduttu
 'Ntra un' angulu di càmmara; e rinova;
 L' esperienzi soi di varii sorti;
 Cuncerta cufulari, ed arma storti.

Poi cala sana sana ntra un lammicu
 La gran testa di crastu, e 'na stivala,
 Chi Don Chisciotti pri costumi anticu
 Sulia portari, quannu faccia gala;
 Poi lu pedi scuvertu mettì a picu
 Supra quasi una specii di pala
 Con un focu, chi penetra lu civu,
 Pri sculari lu grassu d' omu vivu.

Assumma, *somma*. 'Ntra, *in*. Càmmara,
camera. Cufulari, *focolari*. 'Ntra, *in*. Cra-
 sta, *castrone*. 'Na stivala, *uno stivale*. Civu,
midollo.

DECIMU

73

Iddu a l'impedi cu 'na flemma mùscia,
 Tinennu un muscaloru ntra li manu,
 Ora attizza lu focu, ed ora ciùscia,
 Pr'ottiniri lu grassu ammanu ammanu;
 Avia sutta lu vrazzu 'na gran trùscia,
 Unni c'era 'na costa, e un craniu umanu,
 Cu lu sigillu supra, e cu lu scrittu,
 Chi dicia; vera munia d'Eggittu.

74

Da l'àutru latu la Negromananzia,
 Addubbata a la moda sua gruttisca;
 Attornu d'iddu circuli faccia,
 E recitava formoli all'urvisca;
 Pri coronari poi la magarià,
 Nesci 'na cutiddina assai manisca,
 E' a l'Eroi, manzu chiù d'un picuruni,
 Tagghia un'oricchia ntra lu radicuni,

Iddu. *egli*. Mùscia, *vizza*, *moscia*. Muscaloru, *ventaglio*. 'Ntra li, *nelle*. Ciùscia, *soffia*. Ammanu ammanu, *presto*. Vrazzu, *braccio*. 'Na gran trùscia, *un gran fardello*. Unni, *dove*. 'Autru, *altro*. D'iddu, *di lui*. All'urvisca, *alla cieca*. Magarià, *incantesimo*. Nesci ec. *esce fuori un coltello*. Manisca, *maneggevole*. Manzu, *mansueto*. 'Ntra lu radicuni, *sino alla radice*.

Soffri l'Eroi da invittu; avia juratu
 Pri Dulcinia soffriri ogni tormentu;
 Giacchè l'eccelsu vantù s'avia datu
 Di liberarla da l'incantamentu;
 Ma lu pedi ch'è già menza 'ngranciatu;
 Lu ridduci in un statu vijolentu;
 Signuri mei, nun è cosa di pocu,
 Si tratta di lu pedi ntra lu focu,

Si ci presenta Scevola a la menti
 Cu lu so vrazzu ntra la bracia viva;
 Pirchè di storia 'un mendicava nenti,
 Ed aveva 'na forti retentiva;
 Pertantu soffri, e soffri invittamenti:
 Ma poi lu spasmu a tali signu arriva,
 E a tali signu lu divora e coci,
 Ch'urla comu 'na bestia feroci,

'Ngranciatu, *abbronzito*. 'Ntra lu, *nel*.
 Cu lu so vrazzu, *col suo braccio*. 'Ntra la,
nella. Un, *non*. Retentiva, *memoria*. Coci,
cuoce. 'Na, *una*.

DECIMU

77

Poi dicia: comu ardisciu d' usurpari
 Li tituli d' Eroi, di veru amanti,
 Si nun àju coraggiu a supputari
 Chiddu ch' ànnu suffertu tanti, e tanti?
 Nò sta viltati in mia nun s' avi a dari;
 Suffrirò, murirò, ma da costanti..
 Dicia belli paroli, e cosi boni,
 Ma lu turmentu l' irrita, e scunponi.

78

La custanza a lu fini lu abbanduna;
 La natura era junta, unni putia;
 Jetta un santu, apri l' occhi, e già s' adduna
 Di dda strana, e bizzarra cumpagnia;
 Vidi mostri dipinti, e scurpiuna,
 Storti, e machini ch' iddu 'un conuscia;
 Vidi un omu ch' è 'nterra c' un quatranti;
 Un friddu ciuscia-luci, e un negromanti.

Ardisciu, *hò là temerità*. 'Aju, *hò*. Chid-
 du, *quello*. In mia, *in me*. Junta, *arriva-*
ta. Unni, *dove*. Putia, *potera arrivare*.
 Jetta un santu, *salta*. S' adduna, *s' accorge*.
 Di dda strana, *di quella*. stravagante. Id-
 du 'un, *egli non*. Ciuscia-luci, *soffia fuoco*.

Allucchèru, allucchìu; stupidu ammira
 Lu sollempi apparicchiu, chi l'infesta;
 Ma lu stupuri duna locu all'ira,
 Chi c'adduma a lu cori 'na timpesta;
 Curri, comu 'na furia; ed urta, e tira
 Storti, e lammichi, e ci l'abbija 'ntesta;
 Sfarda, rumpi, scarpisa, etta, strascina,
 Tuttu metti in scumpigghiu, ed in ruina.

Cussì quannu improvvisu trasi un Nigghiu
 'Ntra un palummaru, mentri chi sù intenti
 Li palummi cu marmuru, e bisbigghiu,
 A li nida, a li cuvi, a l'alimenti,
 Chi li metti in disordini e scumpigghiu,
 Spinna, sgranfugna, sfarda crudamenti,
 Cadinu a terra l'ova, e li cuvati;
 Li pinni vanu in aria sprannuzzati.

Allucchèru ec. *sbalordirono, sbalordì.*
 Adduma, *accende.* Comu 'na, *come una.*
 Abbija, *scaglia.* Sfarda, *lacerà.* Scarpisa,
 etta, *calpesta.* getta. Trasi un nigghiu, *entra*
un nibbio. 'Ntra un palummaru, *in un co-*
lambajo. Sù, *sono.* Marmuru, *mormorio.*
 Cuvì, *covate.* Spinna, *spennacchia.* Sgran-
 fugna, *sgraffia.* Sfarda, *straccia.* Pinni,
penne. Sprannuzzati, *sparnicciate.*

DECIMU

81

S'avianu imaginatu sti tri pazzi,
 Chi Don Chisciotti o pr'arti, o per incanti
 S'era riduttu pasta di tunazzi,
 Nè putia jiri 'nnarrerì, o 'nnavanti,
 Poi vistu, chi riggeva a li strapazzi,
 E suffriva lu focu assai custanti,
 Stu caratteri novu, e originali
 Crittiru un'opra supranaturali;

82

Ma quannu poi lu vidinu sotari,
 Comu un gran tauru, a cui tra cuda, e corna
 Sparanu frugareddi, e fà trimari
 Pri l'ira lu sticcatu, e li cuntorna,
 Spavintati si cercanu sarvari;
 Cui curri; cui s'immești; cui ritorna,
 Cui sbatti a muru; cui di pettu afferra
 Gradigghia, o storta, e cadi a facci 'nterra

Sti, *questi*. Iri ec. *andare indietro, o avanti*. Crittiru, *credettero*. Sotari, *saltare*. Tauru, *toro*. Frugareddi, *saltarelli*. Cu' cui, *chi*. Immești, *urta*. Gradigghia, *graticola*.

Comu 'na cumpagnia di marinari,
 Sbarcati ntra 'na spiaggia sconosciuta,
 Alzanu tenni, ed armanu quadari,
 Cucinannu una ghiotta assai guluta,
 Si mientri stannu già pri ministrari,
 Un sirpenti l'assauta, e l'assicuta,
 Sgriddanu tutti comu li balestri,
 Ittannu piatti, quadari, e minestri.

Tali si scuncirtaru ddi saccenti,
 Disbrigannusi prestu da l'impacci,
 Mentri tutti ddi machini, e strumenti
 Volanu in aria pri li facci facci;
 Don Chisciotti era un dragu, era un serpenti,
 Cu l'occhi lustri comu li savacci;
 E jetta fumu, e focu pri li naschi,
 Chi lu pedi abbruscatu ci dà baschi.

Ntra na, in una. Quadàri, caldaje. Ghiotta, vivanda marinaresca, fatta di pesci, cipolle, e pomi d'oro cotti con olio. Guluta, che stuzzica l'appetito. Assauta ec. assalta e insegue. Sgriddanu, fuggono. Jittannu, gettando. Scuncirtàru ddi, sconcertarono que'. Jetta, manda. Naschi, narici. Abbruscatu, abbronzato. Ci dà baschi, gli dà tormento, inquietitudine.

DECIMU

85

Vulau 'ntesta a lu chimicu una storta,
 Chi ci fiddau 'na tempula, e lu gigghiu;
 Lu cabalista 'mnesti cu la porta,
 E 'ntontaru ristau tra sonnu, e vigghiu;
 Lu magnu cauci, e pugna si supporta,
 E nesci da li pedi di lu nigghiu,
 'Tuttu chistu passava ntra ssa stanza,
 Allura chi cumparsi Sancieru Panza.

86

Avia 'ntisu di fora la timpesta
 Sancieru, ma nun sapia, chi si trattava;
 Nè ci pnteva mai jiri pri testa
 'Tuttu chiddu chi dintra si passava;
 Dubbiu, e suspisu pr' un momentu resta,
 Chi lu cori a lu pettu ci trimava;
 Trasi a lu fini, 'e grida: oimè San Paulu!
 Chistu è un squarcu di casa di diavulu.

Fiddau 'na tempula, *tagliò una guancia*. 'Mnesti, *urta*. 'Ntontaru, *stolido*. Tra sonnu, e vigghiu, *come chi non è perfettamente svegliato*. Nesci ec. *ideot.* a grande stento scappa, *ma tutto travisato*. Chistu, *questo*. 'Ntra ssa, *in cotesta*. 'Ntisu di fora, *udito di fuori*. Iri pri ec. *passare per la*. Chiddu, *quello*. Trasi, *entra*. Chistu, *questo*,

Trova aggrissi, disordini, gridati,
 Caucci, ammuttuni, gargi, e pagna rari;
 E vidi quattru furii scatinati
 Da un latu a nautru curriri, e strillari;
 Eranu tantu e tantu sfazzunati,
 Chi 'un si putianu chiù raffigurari;
 Lu sangu ci sculava a la lavina,
 E n'avianu la facci untata, e china.

Sanciu pri lu timuri, e lu spaventu
 Si cusi cu la porta, ed in se stissu
 Va dicennu: a sti cosi 'un ci accunsentu;
 Nu lu fici a st'oggettu tuttu chissu;
 Ci trasiu Balzabuc a tradimentu,
 Pri fari a lu so solitu un aggrissu;
 E vosi dari la risposta a mia,
 Chi ad incanti e magii chiù nun cridia.

Agrissi, *met. zuffe*. Càucci, *calci*. Ammuttuni, *urtate*. Gargi, *colpi dati a mano. aperta nelle fauci*. A 'nautru, *a un altro*. Sfazzunati, *stravisati*. Sangu, *sangue*. A la lavina, *a rivi*. Untata, e china, *unta e piena*. Si cusi cu la, *si stringe forte alla*. Sti cosi 'un, *queste cose non*. Chistu, *cotesto*. Ci trasiu, *v'entrò*. So, *suo*. Aggrissu, *fracasso*. Vosi, *volle*. A mia, *a me*.

DECIMU

89

Li tri fratantu ch'eranu fuddati,
 Vidennu la spiragghia di la porta,
 Scappanu comu tanti dispiràti,
 Senza circari si la strata è torta;
 Lassanu 'nterra rutti, e sprannuzzati
 Carti, vesti, strumenti, mumia, e storta;
 Don Chisciotti si jetta pri sfasciatu;
 Sanciu guarda la mumia spavintatu.

Fini di lu Cantu Decimu.

Fuddati, *pressati*. Spiragghia, *adito*. Las-
 sanu, *lasciano*. Sprannuzzati, *sparnicciate*.
 Si jetta, *si abbandona*. Sfasciatu, *mal me-*
nato, mezzo morto

CANTU UNDECIMU



A R G U M E N T Ù.

*Ntra l'intricu , e lu guaju in cui si troia
 L'Eroi canta vittoria ; un gran spaventu
 Fa chi Sanciu di novu dassi prova
 Di l'antica sciucchizza , e avvilimentu ;
 Ma risurgi chiù forti ; poi 'na nova
 Avvintura prepara un armamentu ;
 Tuttu annunzia 'na guerra pirtinaci ;
 S'ammazza un purci , e già lu munnu è in
 (paci .*

Na , una .

UNDECIMU

1

L'omu è un'enimma: presenta da un latu
 Oggetti granni e digni d'ammirari;
 Da l'antru fa vidiri un apparatu
 Di bestialità sullenni, e rari;
 Ccà si vidi un esercitu scheratu
 In ordinanza vaga, e regolari,
 Chi a un corpu di tammuru à sbudiddati
 Ddi panzi pri tant'anni nutricati.

2

Ddà vidi un picciottu, e 'na picciotta
 Arsi di desideriu e d'amuri;
 Veni lu bonu preti cu la cotta,
 Vi vuliti spusari? Sissignuri;
 A li tri jorna ch'è fatta la ghiotta,
 Sintiti gridi, fracassi, e rumuri;
 E in cànciu di ddi sciammi, e di ddi baschi
 Poi ci truvati ammaccati li naschi.

'Autru, *altro*. Ccà, *quì*. Sbudiddati, *sbudellate*. Ddi panzi, *quelle pance*. Ddà, *colà*. 'Na picciotta, *una giovune*. A li tri, *jorna, dopo tre giorni*. Fatta la ghiotta, *tratto il dado*. In cànciu ec. *in cambio di quelle fiamme*. Baschi, *prop. estuazioni, quì trasporti*. Li naschi, *le narici*.

3

Cui fa grand' azioni pr' un amicu,
 Prontu a spargirni sangu d'ogni vina,
 Poi pri un piliddu è già fieru nimicu,
 E lu sparra, l'insidia, o l'assassina;
 Ccà c'è un zelanti d'aspettu pudicu,
 Chi predica riforma, e disciplina;
 E ntra ddi vizii di cui l'autri strigghia,
 Si sta 'nfangatu sinu ntra li gigghia.

4

Nautru s'affanna pri fari dinari;
 Fa provi di talentu, e di valuri;
 Ni guadagna, n'impiega; e a cumulari
 Metti tutti l'impegni, e li soi curi,
 Fratantu crisci l'oru e va a mancare
 La vita; e quann'èuntu all'ultim'uri,
 S'accorgi essiri statu stu sumeri
 Un simplici esatturi, ed un casceri.

Sangu, *sangue*. Vina, *vena*. Piliddu, *dim. di pelo*. Ddi, *que'*. Autri strigghia, *altri riprende*. Ntra li gigghia, *nelle ciglia*. Nautru, *un altro*. Juntu, *arrivato*. Uri, *ore*. Stu sumeri, *questo somaro*. Casceri, *cassiero*.

5

Nautru chi dottu si riputa, e senti,
 E spaccia gran sentenzi, e sputa tunnu,
 Perdi lu tempu, e pasci la sua menti
 Di cosi ch' 'un ponn'essiri, nè sunnu;
 Forma ipotesi vani, e ntra lu nenti
 C'alza casteddi, ed ordina lu Munnu;
 E affidati a lu so beddu intellettu,
 Ardisci fari a Giovi l'architettu.

6

Li stissi omini saggi, e li sennati,
 Chi ammiramu pri lumi, o pri prudenza,
 Chisti ànnu li soi tasti, in cui tuccati,
 Scappanu cu trasportu, e violenza;
 E sunnu ntra ddi tasti disignati
 Li Do i Chisciotti, o d'arti, o di scienza;
 O di fastu, o d'amuri, o di poetica,
 Di liggi, di morali, e anchi d'ascetica.

'Un ponn', *non possono*. Sunnu, *sono*.
 Ntra lu, *nel*. So beddu, *suo bello*. Chisti, *co-*
storo. Sunnu, *sono*. Ntra ddi, *in quei*.

Pirchè cù troppu si trasporta, o eccedi
 In qualchi passioni o bona, o ria,
 Nesci di sestu, e chiù nun si possedi,
 Nè la raggiuni ci avi chiù valia;
 E d'unu a nautru erruri poi succedi
 La vera stravaganza ' e la pazzia;
 Comu li tri sgggetti di la turri.
 Ognunu di li quali ancora curri.

Ognunu curri di li tri sgggetti;
 Ma lu quartu però ch'è Don Chisciotti
 Cadiu 'nterra abbattutu; ddà si stetti '
 Ch'appujari lu pedi chiù nun potti;
 Sù tutti unciati comu muffuletti;
 Li jidita, e li caddi sù stracotti;
 E l'oricchia tagghiata è un certu sustu,
 Chi nun cedi a l'arduri di l'arrustu.

Nesci, *esce*. Valia, *forza*. 'Nautru, *un altro*. Ddà si stetti, *colà si fermò*. Appujari lu pedi, *star sul piede*. Potti, *potè*. Sù... unciati, *sono gonfiati*. Muffuletti, *pagnotti molli*. Jidita, *dita*. Caddi, *calli*. Sustu, *no-ja*. Arrustu, *arrosto*.

9

Sanciu, cusutu strittu cu la porta,
 Di fari un movimentu nun ardisci;
 Li strani oggetti, e chiù la crozza morta
 L'attrista, lu spaventa, e inorridisci;
 Vola cu li pinseri, e si trasporta,
 Ma nun trova la causa; nè capisci,
 Comu fu, d'unni vinni sta ruina;
 E la testa ci sguazza, e ci scamina.

10

Ddocu la sua memoria c'arranca;
 E ci presenta vivi in fantasia
 Chiddi ideì, chi quann'era carta bianca,
 Lu so patrni sculpiti c'avìa;
 Già lu bon sensu ci vacilla, e manca;
 L'omu granni addiventa fitinsia;
 Già cridi a l'incantisimi; ed è chiddu,
 Chi fù un tempu, quann'era picciriddu.

tom. vii.

Cusutu, *cucito*, avvicinato. Crozza, *cra-*
nio. Causa, *cagione*. Unni, *dove*. Sta, *que-*
sta. Ci sguazza, *gli gira*. E ci scamina, *e*
vaneggia. Ddocu, *quì*. Arranca, *espone*.
 Chiddi, *quelle*. So, *suo*. Fitinsia, *porcheria*.
 Chiddu, *quegli*. Picciriddu, *ragazzo*.

11

Ahi! tantu importa ntra la prima etati,
 Quannu lu ciriveddu è comu pasta,
 Sculpirci idej non veri; poi truvati,
 Chi la ragiuni a contrastarli 'un basta;
 E pri quantu liggitu, e vi fuddati
 Li esperienza, e di duttrina vasta,
 Non ostanti o a lu scuru, o tra tristizza
 S'affaccianu cu l'ultima vivizza.

12

Sanciu dunca cadu ntra lu trabuccu,
 Chi preparatu avia pri Don Chisciotti;
 E critti, chi lu stissu Balzebuccu
 Prufittau di li corna, e di la notti,
 Risulvennu di fari un truccu-aminuccu
 Di la peju manera, ch'iddu potti;
 E chi la turri cu li petri, e tavuli
 Sunnu tatti 'nyasati di diavuli.

'Ntra la, *nella*. Ciriveddu, *cervello*. 'Un,
non. Fuddati, *prop. pressate*, quì *provvede-*
te. Scuru, *bugio*. Dunca cadu, *dunque cad-*
de. 'Ntra lu, *nel*. Critti, *credette*, Di fari
 un truccu-aminuccu, *di pigliare due colom-*
be a una fava. Peju, *peggiore*. Iddu potti,
 egli *potè*, Sunnu, *sono*.

13

Lu scantu, lu terruri, lu spaventu
 Ci liganu li nervi a tali signu,
 Chi nun pò fari nuddu movimentu,
 Comu fussi na statua di lignu;
 Cos'è dici, stu pisu, ch'eu mi sentu?
 Pirchè nun mettu a curriri, e nun sbignu?
 Pirchè lu corpu miu tuttu è ligatu?
 Chi ci vonn' orvi? oimè, sugnu 'ncantatu!

14

Cussì Sanciu dicìa ntra lu so internu,
 Mentri un silenziu mistu cu l'orruri
 Tinianu di dda stanza lu guvernu,
 Ch'era sparsa di sangu, e cifri oscuri;
 Ma l'Eroi, chi suffrìa peni d'infernù,
 Cerca ingannari in parti lu dulari,
 Guardannu ddi ruttami pri trofei,
 E cussì pasci li bizzarri ideì.

Scantu, spavento. Ci, gli. Nuddu, nessuno. Sbignu, fuggo. Vonn' orvi? vogliono ciechi? Sugnu, sono. 'Ntra lu so, nel suo. Dda, quella. Sangu, sangue. Ddi, quelle.

15

Gira intornu lu sguardu pri la stanza,
 E lu ferma a la porta attentu, e fissu;
 Ci pari di vidiri a Sanciu Panza;
 Spatedda l'occhi, e si li strica spissu;
 Spinci la testa, e poi lu còddu avanza;
 Oh fuss iddu; diceva tra se stissu;
 Ma jeu dubitu, oimè! chi zoccu viju,
 Nun sia, chi lu miu propriu disìju.

16

Ed in fatti mi guarda, ma nun parra;
 Pari vivu, ma 'un avi movimentu;
 Chista è lusinga, lu miu senziu sgarrà;
 E' un umbra vana senza sentimentu;
 Benchì sia stralunatu da la sciarra,
 Stù lumi, e stu giudiziu mi lu sentu,
 Cussì l'Eroi rifletti: e ogni tanticchia
 Torna a guardari, e spissi voti acchicchia.

Ci, gli. Spatedda, sbarra. Spinci, alza. Iddu, egli. Zoccu viju, ciò che vedo. Parra, parla. 'Un avi, non ha. Chista, questa. Sgarra, erra. Tanticchia, poco. Voti acchicchia, volte sbircia.

UNDECIMU

17

Sanciu cu la sua menti sbalurdata
 Guarda ad iddu; nè l'occhi parpagghia;
 E fannu tatti dui la scena muta,
 Giacchì nessun di parrari ardìa;
 Quannu a l'Eroi c'è in menti suvvinuta
 La parrata sollempi, chi c'avìa
 Fattu dintra la povira casuzza
 Lu cavaleri di menza-cucuzza.

18

E ch'aveva conchiusu finalmenti,
 Chi l'incantu era forti a superari;
 Ma chi duviasì indispensabilmenti
 Prima di tuttu a Sanciu liberari,
 Ch'era puru incantatu; e sapia a menti
 Tuttu lu restu, chi si duvia fari
 Pri compiri l'imprisa; e chi l'Eroi
 Duvrà nbbidiri a li precetti soi.

Ad iddu, a lui. Nè l'occhi parpagghia
 nè batte palpebra. Casuzza, casetta. Cucuz-
 za, zucca. Puru, pure.

Pertantu allegru d'essirsi avviratu,
 Quantu lu Cavaleri avia predittu,
 Si suspinci, ed appoja supra un latu,
 Gridannu: Sanciu, oh Sanciu binidittu!
 Quantu mi ginva aviriti truvatu!
 Sarrai la guida mia, lu vrazzu drittu;
 Mi sarrai caru, chiù di quantu fusti;
 Ma si sapissi, oimè! quantu mi custi!

Vi custu assai, ripigghia Sanciu, è veru;
 Ma vui, Signuri, mi custati chiui;
 S' eu piccai, lu miu finì fù sinceru,
 E fù, pri-fari ravvidiri avui;
 Si poi lu jocu rinisciu daveru,
 Jeu nun ci curpu, l'avirseriu fui;
 Ma vui pr'imurtalarivi lu nòmu,
 Aviti ruinatu un povir' omu.

Suspinci, alza a metà. Appoja, appoggia. Vrazzu, braccio. Chiui, più. Jocu, giuoco. Rinisciu, riuscì. Jeu nun ci curpu, io non hò colpa. Avirseriu fui, diavolo fù.

UNDECIMU

21

Un povir' omu, a cui Matri Natura
 C'avia fattu li membri interi, e sani;
 Ed ora mancù n'avi chiù figura,
 Comu li statui Grechi, o'Egiziani,
 Truvati dintra 'na cluaca impura,
 O'ntra un pantanu, chinu di giurani;
 Un povir' omu, chi vivia beatu,
 'Ntra 'na 'gnuni di casa arrisittatu.

22

Grida l'Eroi: lu sai pri cui si pati?
 Lu sai ch'è pri la bella Dulcinia?
 Ripigghia Sancia: un vi sfirmiciati;
 Chista è 'na 'mbrogghia inventata da mia
 Jeu misi la gradigghia, ed a li lati
 La testa ci lassai pri cumpagnia;
 Ma chistu (e testimoni sia lu celu)
 Eu pri lu vostru beni, ed era zelu.

Mancu, *nemmeno*. 'Ntra, *in*. Chinu, *pieno*. Giurani, *ranocchie*. 'Ntra 'na 'gnuni, *in un angolo*. Arrisittatu, *accommodato*. Pati, *patisce*. Un vi sfirmiciati, *non vi beccate il cervello*. Chista ec. *questo è un intrigo*. Da mia, *da me*. Gradigghia, *graticola*. Ci lassai, *vi lasciai*.

Nun pozzu concepìri sulamenti ,
 (Ed è la cosa, chi mi fa infuddiri)
 Comu 'ntra st'azioni indifferenti
 Si ec' àppi lu diavulo a ingeriri;
 Paroli niuri 'un ci nni foru nenti;
 Stu bruttu bestia 'un s' àppi a proferiri;
 Non ostanti senz' essiri nningatu,
 'A fattu tuttu chiddu, chi c'è statu.

Senti, dissi l' Eroï, quannu eridivi,
 Ch'eranu tutti toi l'invenzioni,
 Tu allura 'un eri tu; ma intervenivi
 Comu strumentu d'incantazioni;
 Si lu roggiu àvi motu, lu ricivi
 Da cui ci duna corda, e lu componi;
 Cussì ogni to vuliri, e sentimentu
 Fu roggiu allura di l'incantamentu.

Pozzu, posso. 'Nfuddiri, impazzire. Si
 ec' appi, vi si ebbe. Niuri, nere. 'Un, non.
 Foru, furono. Nningatu, chiamato. Chiddu,
 quello. Roggiu avi, orologio ha. To, tuo.

UNDECIMU

25

Cuncirtasti la testa, e la gradigghia,
 Pirchè testa, e gradigghia cunvinia;
 Tu ti cridivi liberu, è sì trigghia;
 La voluntati è in tia senza di tia;
 Eccu spiegata già la meravigghia;
 Ora apprenni, quant' opra la magia;
 Apprenni, o Sanciu, e sacci profittari
 Di tanti luuni, e tanti cosi rari.

26

Sanciu ascuta; e s' ingulfa nautra vota
 Ntra l' idej tutti astratti, e impercettibili,
 Chi ntra la menti formanu una rota,
 Chi gira con un motu indestruttibili;
 Unni ci alterna sempri, e vota, e sbota
 Lu negativu accantu a lu possibili;
 E doppu d'anni, ed anni v' attruvati
 A lu puntu, unni siti incominciati.

Gradigghia, *graticola*. Sì trigghia, *sei animate*. Tia, *te*. Apprenni, *impara*. Sac-
 ci, *sappj*. Ascuta, *ascolta*. Nautra vota, *al-
 tra volta*. Ntra li, *nelle*. Unni ci, *dove vi*.
 Vota, e sbota, *volta, e svolta*.

27

Nun affirma; nun nega; ed è 'ntamatu;
 Li senzi nun ci servinu chiù affattu;
 Lu novu munnu chi si c'è svelatu
 Nun à chi fari cu la vista, e tattù,
 Ma tuttu è di fantasmi cuncirtatu,
 Di li quali ni fannu lu ritrattu;
 Li sonni e l'umbri di l'oscura notti,
 E la gran fantasia di Don Chisciotti.

28

Ntra stu statu era Sanciu allura quannu
 Lu celu, chi l'aveva destinatu;
 A la saggizza, ed a lu disingannu;
 Li pasturi drizzau versu stu latu,
 Chi tra la sua mancanza suspittannu
 L'oggettu pri cui s'era allontanatu,
 Pri truvàrlo partern a passi chini,
 Curiusi di sentirni lu fini.

*'Ntamatu, attonito. Ci, gli. 'Ntra stu;
 in questo. 'Ntra la, nella. Partern, parti-
 rono. Chini, grandi.*

UNDECIMU

29

Avevanu 'ncuntratu pri la via

Li tri sminnittiati sapienti,

Chi pri lu scuru e pri la frattaria

Jianu 'mmistennu cantuneri, e genti;

Li pasturi 'un sapennu quali sia

La causa di sti corsi, e sti spaventi,

Trimavanu pri Sauciu; allurtimata

Junceru, e lu truvaru a 'na grunziata.

30

Trasennu ravvivaru in Sauciu Panza

Lu perdutu coraggiu, e la furtizza;

Si sgasta di dda gnuni; e già s' avanza,

Benchì prima cu multa timidizza;

Ma poi nisciutu fora di la stanza,

E respirannu l'aria s'addrizza;

E sciata largu, e longu; e a li pasturi

Cunta l'occursu, e l'inchì di stupuri

Sminnittiati, *stravisati*. Frattaria, *folla*.
 Jianu 'mmistennu, *urtavano*. Un, *non*. Càu-
 sa, *cagione*. Sti corsi, *queste corse*. Allur-
 timata, *alla fine*. Juncèru, *giunero*. Tru-
 varu ec. *trovarono in un angolo*. Trasennu
 ravvivàru, *entrando ravvivarono*. Sgasta ec.
stacca da quel nascondiglio. Nisciutu ec. *uscito fuori*.
 S'addrizza, *si dirizza*. Sciata, *fuita*.
 Inchì, *empe*.

Poi ci dumanna: si fors' ànnu 'ntisu,
 Si ntra dda turri, o apposta, o pr' accidenti
 Ci fussi statu mai qualch' omu ocisu,
 Ristannunni la testa sulamenti;
 Ci spiya ancora: s' iddi avianu avvisu,
 Chi ci fussiru spirdi, o incantamenti;
 Giacchè iddu avia ragioni, e provi tali,
 Di cridirla la regia infernali.

Chiddi genti assicuranu: chi mai
 Avianu avutu simili sospetti;
 Ma però ch' ànnu indizii granni, e assai
 Chi ni sianu l'oturi tri soggetti,
 Li stissi chi 'ncuntrarù ntra li gai;
 E ch' annu ad occhiu pri li gran ricetti
 Di sti provi bizzarri; e finalmenti
 Riconuscinu in terra li strumenti.

*Ci, loro. 'Annu 'ntisu, è loro venuto
 all' orecchio. Ntra ddà, in quella. Ci spiya,
 chiede loro. Iddu, egli. Spirdi, spiriti. de-
 monj. Chiddi, quelli. Ntra li gai, nelle sie-
 pi. Sti, queste.*

UNDECIMU

33

Esclama Sanciu: ah! si mai chistu è veru,
 Chi ccà nun c'è diavulu 'mmiscatu,
 Pri mia curri periculu da veru,
 D'essiri stu gran bestia annichilatu;
 Jamu dunca a svelari stu mistaru;
 Jeu vogghiu chi stu fattu sia pruvatu;
 Accussì dittu, cu la chiurma tutta
 Torna a li casi; e gira supra, e sutta.

34

Giratu quasi tuttu lu casali,
 Travaru finalmente la casuzza,
 Unni stava lu vecchiu ufficiali;
 Sanciu a la porta scopri 'ngagghi, e appuzza
 Guarda, e lu vidi chi tra acitu, e sali
 La contusa sua testa si sammuzza;
 E medica cu lenzi, e cu sfilazzi
 E gigghiu, e nasu, e tempula, e mustazzi

Chistu, questo. Ccà, quì. 'Mmiscatu
meschiato, framezzato. Pri mia, per me.
 Jamu dunca, andiamo adunque. Stu, questo.
 Jeu vogghiu, io voglio. Unni, dove. 'Ngag-
 ghi, piccole aperture. Appuzza, s'inchina.
 Sammuzza, attuffa. Sfilazzi, taste. Tempu-
 la, guancia.

Passaru unni lu chimicu, e truvàru,
 Ch'avia li naschi comu ficazzana,
 La testa aperta; unn iddu pri riparu
 Stava applicannu l'ogghiu di garana;
 Lu magu c'era a cantu; e avia l'amaru
 Un occhiu unciatu comu milinciana;
 Lu mussu curria sangu a la lavina,
 Ca c' appi sucuzzuni quantu rina.

Sanciu si raccapriccia, e maravigghia,
 Pinsannu a sti stranissimi accidenti;
 E comu di sti danni e sti scumpigghia
 Causa ni sia iddu sulu, e sia innuccenti!
 Chi na testa di crastu, e 'na gradigghia
 'A fattu fracassarri a tanti genti;
 E comu ntra ssa trappala, e subbissu
 Anchi ci sprofunnau l'auturi stissu!

Unni lu, *dal*. Naschi, *narici*. Comu fi-
 cazzana, *ideot. vale, ammaccate*. Unn'iddu,
onde egli. Ogghiu *ec. olio di pomo di Geru-*
salemme; s'usa per le ferite. Amaru, *me-*
schino. Milinciana, *melunzana*. Sangu *ec.*
sangue a rin. Ca *ec. che ebbe sorgozoni in*
quantità. Scumpigghia, *scompigli*. Causa
 ni sia iddu sulu, *cagione ne sia egli sola-*
mente. Crastu, *castrone*. 'Ntra ssa, *in cotesta*.

37.

Poi dici : ora canusciu , amici mei ,
 Chi li cosi pri propria sua natura
 Sunnu innocenti ; ma li nostri idej
 Ci dannu pisu , qualità , e misura ,
 O tristi , o boni , o stravaganti , o rei ,
 Secunnu ognunu giudica , e figura ;
 E chi da li bizzarri opinioni
 Nascinu liti , spirdi . e visioni ,

38

Nè n'avemu a mprinari da l'esternu ,
 Pri conusciri un Omu , o un datturazzu ;
 Tra dicennovi tasti starà in pernu ;
 Lu viggesimu poi sarà di pazzu .
 Cussì riflettia Sancia ; e ntra l'internu
 Si faceva un ritrattu , quasi a sguazzu
 Di l'umana pazzia , ch'era a mitati
 Cuverta di pannigi studiati .

Canusciu , conosco . Sunnu , sono . Spirdi
spiriti . Mprinari , impregnare ; quì vale .
 farci imporre . Datturazzu , dottoraccio ,
 'Ntra l' , nel . A sguazzu , a tempra , a guaz-
 zo .

Ricurdatusi poi di Don Chisciotci,
 Ch'era ristatu dintra di la turri,
 Stisu pri terra cu li pedi cotti,
 Mossu a pietati, in so succursu occurri,
 E pirchè era avanzata assai la notti,
 Và cu ciacculi accisi, e lu succurri;
 E in trasiri lu trova sulu, e schittu,
 Allatu di la munia d'Eggittu.

Bravu, bravu, ci dici, o cavaleri,
 Allegramenti ca l'ài fattu gricia;
 Eccu li toi trofei; li testi interi!
 Iddu ammascatu cu risposta sbricia:
 Bagattelli, ripigghia, però veri,
 Si Sanciu nu li tinci, nè l'impicia
 Cu dubbii vani, e nega l'evidenza;
 Ah chistu no., rispusi, àju cuscenza.

So, suo. Trasiri, entrare. Schittu, asciutto. Ci, gli. Ca, che. Gricia, da invitto. Iddu ammascatu, egli trofeo. Sbricia, corta. Tinci, oscura. Impicia, denigra. Chistu, questo. Aju, ho.

UNDECIMU

41

Chista è testa di mortu , e ni convegno ;
 E c'è 'na costa ancora ; ma lu restu ?
 Lu restu , dissi l' 'antru , lu miu sdegnu
 Sfurzan lu bustu a jirisinni presta ;
 Ripigghia Sanciu : un bustu , ch' avi 'mpegnu
 Campari senza testa , nun fa testu ;
 Chi nni fa di la vita ? E un gran minnali
 Zittu , grida l' Eroi , putenti armali .

42

N'avemu e pri prodigii , e per incanti
 L'esempii 'ntra li libra in Ariostu
 Orrilu truvirai , chi d'Aquilanti ... (*)
 Basta , Sanciu esclaman ; cedu lu postu ,
 Basta , mi dagnu vintu ; 'un jiti avanti ;
 Nun mi mittiti libra pri suppostu ;
 Sacciu ch' 'un passa griddu , di cui lestu
 Nun v' attruvati subitu lu testu .

Com. vi.

Chista , *questa* . 'Na , *una* . Antru , *altro* .
 Sfurzau , *sforzò* . Jirisinni , *fuggirsene* . Cam-
 pari , *vivere* . Minnali , *babbuasso* . Ntra li ,
ne' . Dugna , *dò* . Jiti , *andate* . Sacciu , *sò* .
 Griddu , *grillo* .

(*) St. 65. c. 14.

Sarvàmù a megghiu tempu sti discursi;
 E pinsamu a curarinni; fratantu
 Turnamu a lu casali, unni succursi
 Vui forsi avriti, ed iu prinzi a lu scantu;
 Dissi: e unitu a ddi genti, chi sù occursi;
 Lu fa spinciri in aria, comu un santu;
 E supra dui listuni cuncirtati
 Si lu purtàru cu busi addumati.

Bellu a vidirsi 'mmezzu a un vugghiulizzu,
 Di testi, e luminarii in quantitati
 L'Eroi, chi cu lu pedi abbruscatizzu
 Tenta affittari sfrazzu, e maistati!
 Tali, ora allegru, ed ora sturdutizzu,
 Silènu appressu a la matura estati
 Veni supra di un sceccu triunfanti,
 Circundatu di Satiri, e Baccanti.

Sarvàmù ec. *riserbiamo a miglior*. Sti, *questi*. Unni, *dove*. Prinzi, *sorta di lattovaro confortativo, detto diapliris*. Scantu, *timore*. Ddi, *quelle*. Sù. sono. Spinciri, *alzare*. Listuni, *aste*. Cu busi, *con fiaccole fatte di gambi di ampelodesmi*. Addumati, *accesi*. Vugghiulizzu, *bisbiglio*. Luminarii, *fiaccole*. Abbruscatizzu, *abbronzato*. Sturdutizzu, *mezzo stordito*. Sceccu, *asino*.

UNDECIMU

45

Junci; e Sanciù cu studiu, e diligenza
 S'industria, acciò riposi, e sia curatu;
 E intantu v'è spargennu la simenza
 Di lu pruggettu, chi s'avia formatu;
 Dicennucci: sia dittu in cunfidenza,
 Sin'ora aviti 'minatula manciatu
 Suduri d'àutri; e a farci lu stirliniu,
 Chistu, nun v'offenditi, è latrocinju.

46

Cunveni travagghiari, ed è lu menzu
 Pr'arrivari a la gloria, ed a l'onuri;
 Li sentenzi, l'accordu, e li dispenzu,
 Quannu sù aspersi d'utili suduri;
 'Nzumma sacciati, ch'eu giudicu, e penzu,
 E parru da inspiratu chi in tutt'uri
 Vi conveni zappari, ed anni, ed anni,
 Pri vinciri l'incantu lu chiù granni.

Junci, *arriva*. Dicennucci, *dicendogli*.
 'Minatula, *in vano* D'àutri, *altrui*. Stirli-
 niu, *suggio*, o *analisi*. Chistu, *questo*. Sù,
 sono. 'Nzumma sacciati, *in somma sappiate*.
 Parru, *parlo*. Uri, *ore*.

Ah, ripigghia l'Eroi nun allungari
 Sanciu li peni mei, l'acerbi dogghi;
 Jeu sugnu impazienti d'aspittari;
 Jeu crepu si l'incantu nun si sciogghi:
 Signuri, vi duviti riguardari,
 Risposi, ch'eu di maghi, ed autri 'mbrogghi
 Nun era, nè ni sugnu persuasu,
 Ni parru, oimè! pirchè voli lu casu.

Sacciati dunca: chi ntra la mia vucca
 Nun si ci trova chiù la lingua mia;
 Pri vui la virità cedi, e trabbucca;
 E dicu cosi, oimè! chi nun vurria;
 Basta, esclama, capisciu, e nun sù cucca;
 C'è 'na putenza chi mi parra in tia;
 Ed eu chistu cu tutti li mei guai,
 Si ti rigordi, ti l'indovinai.

Dogghi, doglie. Eu sugnu; io sono.
 Sciogghi, scioglie. 'Autri 'Mbrogghi; altri
 imbrogli. Voli, vuole. Sacciati dunca, sap-
 piate dunque. 'Ntra la, nella. Si cci, visi.
 Sù cucca, sono civetta. Na, una. Parra in
 tia, parla in te. Eu chistu, io questo.

UNDECIMU

49

Appuntu, eccu l'incantu! dici Sanciu,
 Ed à la sedi ntra la vostra testa,
 Ntra la quali ci viju un certu granciu;
 Basta...mi sentu en sulu...e ddocu resta.
 Venéra Don Chisciotti a primu lanciu
 L'oraculu, e l'enimma; e poi protesta,
 Chi menu chi capianu tutti dui,
 'Tantu era granmi lu misteriu chiui.

50

Aveva intantu fattu assai caminu
 La notti; e cuminciavanu a sfilari
 Li genti, suggirennu a lu vicinu,
 Ch'era l'ura di jirisi a curcari;
 Sanciu cuncerta supra un strapuntinu
 Lu patruni; eh' 'un voli abbandunari;
 Ci rividi lu pedi, e ci lu fascia,
 E allatu si jittau supra 'na cascia.

Ci viju, *ci vedo*. Granciu, *granchio*.
 Ddocu resta, *quì si ferma*. Chiui, *più*. Ji-
 risi a curcari, *andarsene a dormire*. Un,
non. Ci rividi, *gli torna a visitare*. Jittau,
gettò, 'Na cascia, *una cassa*.

Lu sonnu fidu amicu a la quieti,
 Duci tregua a li guai, paci gradita
 Di l'animi agitati, ed inquieti,
 Ristoru a li fatighi di la vita,
 Vinni, e cu l'acqua di lu sciumi Leti
 Fa ch'ogni trista idia resti sopita;
 Ed arripara sutta l'ali soi
 Sanciu abbattutu, e l'abbruscatu Eroi.

Poi cu friddi solani e paparini
 Ci aggrava supra l'occhi lu sigillu;
 E cussì s'ingulfaru li mischini
 Ntra un sopuri gratissimu, e tranquillu;
 Ma l'Eroi comi fassi ntra li spini,
 Ogni tantu jittava un forti strillu;
 Giacchè di raru natura componi
 Sonnu, e dulari in placida unioni.

Duci, *dolce*. Sciumi, *fiume*. Abbrusca-
 tu, *inarsciato*. Paparini, *papaveri*. Ci, *loro*.
 'Ntra, *in*. 'Ntra li, *nelle*. Jittava, *gettava*

UNDECIMU

53

Ma mentri chiusi avia l'occhi gravati,
 Eccu senti a l'oricchia un gran fracassu
 Di cursi, sfrattatini, e rimurati,
 Di jusu susu, e di poi d'autu a bassu;
 Parinu ad iddu genti assicutati,
 Ch'immestinu e chi curriu a gran passu;
 E senti li sciatuni, ed è vicina
 A lu capizzu so la carpiatina.

54

Spinci la testa, e l'occhi sbarrachia;
 Strinci la spata, e lu bruccheri impugna;
 L'ardiri, dici, nun è mortu in mia,
 Benchì avissi abbruscati pedi, ed uguna;
 Guarda fratantu la stanza, e talia
 Di supra; e sutta; si sbota; s'incugna;
 Nè scopri arma viventi, eccettu Sanciu,
 Chi dormi rannicchiatu comu un granciu.

Cursi ec. di persone, che corrono, fuggono, e fan rumore. Jusu susu. giù sopra. Autu, alto. Parinu ad iddu, sembrano a lui. Assicutati, inseguiti. Immestinu, urtano. Sciatuni, accr. di fiato. Capizzu ec. capo del suo letto il calpestio. Spinci, alza. Sbarrachia, sbarra. Strinci, impugna. Mia, me. Abbruscati, abbrustoliti. Talia, mira. Sbotà, svolta. Incugna, avvicina. Arma, anima. Granciu, granchio.

Pri l'estremu stupuri , e meravigghia
 Mancu distingui , s' iddu è lampa , o stampa!
 Si stuja l'occhi , sbarrachia li gigghia;
 Oimè! dici , sugn' orvu , o chista è trampa!
 Sentu cursi , ruini , parapigghia;
 Lu focu scrusci , e nun viju la vampa?
 Cussi dittu , si ferma un pezzu mutù ,
 Guardannu intornu attentu , e irresolutu.

Si cueta lu strepitu; e l'Eroi
 Cridennu forsi chi s'avìa sunnatu ,
 Torna di novu a dari all'occhi soi
 Chiddu riposu tantu addisiatu;
 Ma , distinu crudili , tu nun voi!
 Appena s'era un pocu appinnicatu ,
 Ch'arrivola ntra l'aria a lu ramuri
 Di bifari , di trummi , e di tammuri •

Mancu, nemmeno. S' iddu ec. s'egli è
 carne, o pesce. Stuja, putisce. Sbarrachia,
 sbalestra le ciglia. Sugnu orvu, sono cieco.
 Chista è ec. questa è illusione. Scrusci, ro-
 moreggia. Viju, vedo. Sunnatu, sognato.
 Chiddu, quel. Voi, vuoi. Appinnicatu, quasi
 addormentato. Arrivola ntra l', rimbalza
 nell', Bifari, piffere,

UNDECIMU

57

Apri l'occhi, si spinci, isa lu vrazzu;
 La spata 'impugna...Ma nuu vidi nenti;
 Sanciu, o Sanciu, tu dormi, putrunazzu
 St'orribili fracassi nu li senti?
 Chiddu a st'orremmi vuci puvirazzu
 Tra sonnu e sonnu arrivulau talmenti,
 Chi già sbalanza da la cascia in terra,
 E grida 'nzunnacchiatu: guerra guerra.

58

Guerra guerra, l'Eroi replica allura;
 'Tu Sanciu guarda beni lu to postu;
 Susteni l'ala destra cu bravura,
 Giacch'iu da la sinistra nun mi spostu;
 Fa coraggiu, stà forti, allerta, accura...
 Sanciu trema, ma puru fa lu tostu;
 Spinci un sbriguni, chi ad un cantu stava,
 E paria novu Alcidi cu la clava:

Spinci, *alza*. Isa lu vrazzu, *stende il braccio*. Nu', *non*. Chiddu, *colui*. Arrivulau, *rimbalzò*. Sbalanza ec. *precipita dalla cassa*. 'Nzunnacchiatu, *sonnacchioso*. To, *tuo*. Accura, *ti guarda*. Puru, *pure*. Fà lu tostu, *mostra coraggio*. Spinci, *inalza*. Sbriguni, *gramola*.

E dici, 'nzalanutu, alla fannatu:

Eccumi prontu, via, ch'avemu à fari?

L'Eroi ripigghia: chiàntati ordinatu

Cu liggi, e disciplina militari;

Chi la vittoria à sempri sequitatu

Li disposizioni regulari;

Lu postu vantaggiusu, e l'ordinanza

Fannu d'Astria 'nchinari la valanza.

Pensa chi chista è notti a nui campali;

Sullenni, decisiva, eccelsa, e granni;

Chi sarrà celebrata tra l'annali

Cu Rubricuni, Trasimènu, e Canni;

Chi la gloria è l'oggettu principali,

Paga di l'opri insigni, ed ammiranni;

L'unicu beni, pri cui l'omu forti

Supravivi anchi doppu di la morti.

'Nzalanutu, *stordito*. Allafannatu, *sonnacchioso*. Chiàntati, *collocati*. 'Nchinari, *piegare*. Chista, *questa*.

UNDECIMU

61

Cissi parra l' Eroi, e intantu gira
 La spata nuda attornu di lu lettu;
 Sanciu a vista di l' armi si ritira,
 E trema di paura, e di suspettu;
 Si strica l' occhi, sbadagghia, si stira;
 Ma quannu poi s' arrispigghian perfettu,
 Ed appi francu l' usu di ragioni,
 L' oricchi affila, e guarda pri li gnuni.

62

Carri a la porta, e trova ch' è stangata,
 Osserva la finestra, e l' ascia chiusa;
 Cerca sutta lu lettu; allurtimata
 Guarda tutti li gnuni, e li pirtusa;
 Attenta, e 'un senti nudda rimirata;
 L' Eroi cu cera brusca, e timpistusa
 Grida: è un' armata. chi ni cinci intornu;
 E Sanciu mbistialutu; è un cornu, è un cornu.

Strica, *stropiccia*. Sbadagghia, *sbadi-
 glia*. Arrispigghian, *svegliò*. Appi, *ebbe*.
 Pri li gnuni, *per gli nascondigli*. Asela, *tro-
 va*. Allurtimata, *alla fine*. Gnuni, *nascon-
 digli*. Pirtusa, *perlugi, buchi*. Cinci, *cinge*.

Durmiti, e nun sturbati chiù lu munnu ?
 Nun c'è un' ura d' abbacu 'un c'è un momentu!
 Sempri li vostri sensi intenti sunnu
 A nun dariuni mai spaziu d' abbentu !
 L'Eroi ripigghia accisu, e furibunnu :
 Già vicinu a l'oricchia mi lu sentu,
 E tu ti stizzi ? e tu vidi la vista ?
 Sanciu nun chiù chi stulidizza è chista !

Ancora dormi ? ancora sì sturdutu ?
 Rispigghiati, rispigghiati 'na vota ;
 Tu ora mancu senti stu liutu ?
 Nun senti stu mulinu comu rota ?
 Jeu nenti sentu e sugnu 'nsallanutu,
 Ripigghia Sanciu, e la testa mi sbota ;
 Armata cu liutu ; e cu mulinu ?
 Comu accorda la guerra, e lu fistinu ?

Abbàcu, 'un, *quiete*, non. Sunnu, *sonò*.
 A nun dariuni mai ec. *a tenermi sempre oc-
 cupato*. Chista, *questa*. Sì, *sei*. Rispigghia-
 ti, *svegliati*. 'Na vota, *una volta*. Mancu,
nemmeno. Stu, *questo*. Comu rota, *come gira*.
 Sugnu 'nzalanutu, *sono stralunato*. Sbota,
svolta.

UNDECIMU

65

Jeu mi viju 'mbrugghiatu; multu chiui,
 Chi nun sentu nemmenu pipitari;
 E conuscemu poi, cui siti vui,
 Dicu: ch'è fantasia particolari,
 O sonnu ad occhi aperti, o tutti dui;
 Chi lu celu vi pozza pirdunari
 Stu scantu, e l' autri, chi m' aviti datu;
 Si tratta, chi chiuviu ntra lu vagnatu.

66

Ma Sanciu, dici, l' autru, cridi a mia,
 Chi a stu puntu nun dormu, e avvertu a tuttu;
 Sentu fracassi, e nun è fantasia;
 E lu rumuri è ntra l' oricchia 'ucuttu:
 Chiddu alluccutu, e attentu lu talia;
 Pigghia lu lumi, e senza fari muttu,
 Si ce' accosta vicinu; guarda, e acchicchia
 Giustu ntra lu tammuru di l' oricchia;

Ieu mi viju ec. io mi vedo imbrogliato. Pipitari, aprir bocca Sonnu, sogno. Pozza, possa. Stu scantu, questo terrore. 'Autri, altri. Chiuviu ec piovette nel bagnato. 'Autru, altro. 'Ntra l', nella. 'Ncatttu, vicino. Chiddu alluccutu, quegli sbalordito. Lu talia, fisso lo guarda. Si cci, gli si. Acchicchia, sbircia. 'Ntra lu, nel.

E trova un purci dintra 'ncrafucchiatu,
 Comu appuntu ci avissi a cunfidari
 'N'arcanu ad iddu sulu riservatu,
 E chi di nuddu chiù putia fidari;
 Sanciu a sta vista resta stralunatu,
 E si metti pr' un pezzu a tistiari;
 Guarda in celu, poi dici: o Dei clementi,
 Nun mannati sti purci a li potanti.

Cui 'ntisu avissi tutti sti ruini,
 Dittu avirria: ci sù mutivi granni;
 Quantu li toi giudizii sù mischini,
 O menti umana, oimè, comu t'inganni!
 Cussì Sanciu dicennu, detti fini
 A l'avventura, causa di l'affanni;
 Scacciau lu purci e fatta sta prodizza,
 Summersi ntra lu sunnu la sua stizza.

Fini di lu Cantu Undecimu.

'Ncrufucchiatu, *rintanato*. Ci, *gli*. 'N',
un. Iddu, *lui*. Nuddu, *nessuno*. Tistiari,
muovere il capo in atto di compassione. 'Nti-
 su, *udito*. Ci sù, *in sono*. Detti, *diede*. Scac-
 ciau, *schiacciò*. Sta, *questa*. Tra lu, *nel*.

CANTU DUODECIMU



ARGUMENTU.

*Pri magica di chiacchiari potenza
 Don Chiscioti addiventa un pisuruni;
 Soffri in paci di Sanciu la sintenza;
 E aguanta, e suda sutta lu zappuni.
 Mentri lu Munnu d'aggiustari penza,
 Guasta se stissu, e crepa stu Campiuni;
 Sanciu lu chianci; e cu bontà inaudita
 Documenti ci dà pri l'autra vita.*

*Aguanta, regge con pazienza. Chianci,
 piange. Ci, gli. Autra, altra.*

L' Omu soli a lu spissu giudicari
 Da la sula apparenza; e quannu vidi
 Catastrofi di cosi singolari,
 Causi, e motivi granni affirma, e cridi;
 Ma si putissi a funnu scannagghiari
 Li cosi, e avissi sensi acuti, e fidi,
 Truviria ntra li testi a middi a middi
 O purci, o granci, o puramenti griddi.

E purci, e granci, e griddi, chi truvannu
 Circustanzi opportuni, ed adattati,
 Rivotanu li Regni; e ponnu, e fannu
 Così inauditi, grandi, inaspettati;
 Cussì accadi iu meccanica, chi quannu
 Ci sùnnu argani esatti, e ben muntati,
 C' un filu di capiddu iu una manu
 Si spinci in àutu un massu enormi, e stranu

Ntra li, *nelle*. Middi, *mille*. Granci,
granchj. Rivotanu, *rivettano*. Ponnu, *pos-*
sono. Sunnu, *sono*. Capiddu, *capello*. Spin-
 ci, *alza*. 'Autu, *alto*.

DUODECIMU

3

Lu stissu anchi in politica: la sorti
 Scherza cu lu capricciu, e l'accidenti;
 E tra purci, e tra griddi d'ogni sorti
 Opera cosi strani, e sorprendenti;
 Chi all'occhi ancora di li genti accorti
 Parinu aviri vasti appidamenti...
 Jamu a lu nostru ca lu tempu passa,
 Ripigghiamu lu filu a la matassa.

4

L'oceddu chi a lu celu fa la spia,
 E all'operi richiama li murtali,
 Gravi, e sonoru annunciatu avia
 Lu novu jòrnü a tuttu luccasali;
 Lu viandanti già si metti in via:
 Li strumenti di Cereri, e di Pali
 Tratta l'agricolturi; e ntra lu scaru
 Scinni l'armiggi soi lu marinaru.

tom. vi.

Appidamenti, *fondamenti*. Jamu, *andiamo*. Ca, *che*. Oceddu, *uccello*. Jòrnü, *giorno*. 'Ntra lu, *nello*. Scinni, *scende*.

Già s'anima, e risona la marina,
 Cui cu li spaddi la varcuzza vara,
 Cui chianta scarmi, cui rimi strascina;
 E cui li nassi a puppa si prepara;
 Cui lenzi annisca, o cogghi trimulina;
 'Autri in dui filà di cuncertu, e a gara
 Vanna 'nnarrerì, e appizzanu, com' api,
 'Ncruccannu di la sciabbica li capi.

Tutta è in motu, ed in trafficu la genti;
 Li suli Don Chisciotti, e Sanciu Panza
 Stracchi, e abbattuti da li patimenti,
 Dorminu ancora chiusi ntra 'na stanza;
 Ma quannu lu Pianeta risplendenti
 Versu di lu meriggiu s'avanza,
 Ficca di la finestra ntra la 'ngagghia
 L'acuti raggi, e all'occhi ci li scagghia,

Cui cu li spaddi, *chi colle spalle*. Varcuzza, *barchetta*. Chianta, *pianta*. Scarmi, *caviglie*, *dove stano i remi*. Lenzi annisca, *lenze adasca*. Cogghi, *coglie*. Trimulina, *lambri*; *vermi*, *che nascono in terra*, e servono per esca pigliar pesci. 'Autri, *altri*. 'Nnarrerì, *indietro*. Stracchi, *lassi*. 'Ntra na, *in una*. Ntra la ngagghia, *nella piccola fessura*. Ci li scagghia, *ve li scaglia*.

DUODECIMA

7

E li' sforza ad aprirsi, ed a lasciari
 Di la Cimmeria Dia la negghia opaca,
 L' Eroi cu tutti li soi peni amari
 Spija, si Dulcinia forsi si placa;
 Sanciu si stira, e metti a sbadagghiari,
 E rispunni a lu stornu: pappannàca
 Grida l' 'Antru: e mi tratti di stu modu;
 Sù patruni a la fini parra sodu.

8

Rirpunni Sanciu: chista è quèstioni,
 Chi si bisogna discifrari beñi:
 Patruni chi nun paga razioni,
 'E servu di li servi, e di li peni;
 O almenu almenu è contradizioni;
 Senza li patti lu cuntrattu 'un teni;
 Ma pirchè v' àju affettu, dispuniti
 Di mia cu quali titulu vuliti.

Negghia, *nebbia*. Spija, *chiede*. Sbadagghiari, *sbadigliare*. Rispunni a lu stornu, *ideot. risponde fuor di proposito*. Pappannàca, *babbuasso*. 'Antru, *altro*. Stu, *questo*. Sù, *sono*. Parra sodu, *parla giusto*. Chista, *questa*. Razioni, *salario*. 'Un teni, *non regge*. Aju, *ho*. Di mia, *di me*.

Chistu è un pensari bassu , e assai mischiu ,
 Ripigghia Don Chisciotti ; l' almi granni
 Sù nati a cumannari ; e lu distinu
 Di l' autri è di serviri in tutti banni ;
 Sanciu si spinci supra di lu schinu ,
 E dici : l' almi nun sù tili , o panni ,
 Chi si vinninu a palmu ; e unu' attruvati
 Sti misuri , ch' ad iddi sù adattati ?

Lu coraggiu , ripigghia lu valuri ,
 Lu sangu preziusu di li vini
 Sannu li gran compassi , e li misuri
 Di l' almi granni , e di li paladini ;
 Dunca , interrompi Sanciu , a un malfatturi ,
 Ch' à fattu centu milia assassini ,
 Cu la regula vostra misurannu ,
 Ci tocca un veru drittu a lu cumannu !

Chistu , *questo* . Spinci , *alza* . Schinu ,
schiena . Tili , *tele* . Vinninu , *vendono* . Unni ,
dove . Sti , *queste* . Ad iddi ec. *ad esse alme* .
 Lu sang , *il sangue* . Di li vini , *delle vene* .
 Sannu , *sono* . Dunca , *adunqae* . Milia , *mila* .
 Ci , *gli* .

DUODECIMO

21

Di chiù vurria sapiri: chi sintiti
 Pri stu sangu gentili, e preziosu?
 Si mai c'è razza di Preadamiti,
 Jeu vi l'accordu, pìrchì v'è chiù 'nsusu;
 Si poi cu chistu spiegarì vuliti
 La progenii d'un omu virtuosu,
 Jeu trovu in Marcu Aureliu, e Ciciruni
 Dui rari Eroi cu figghi bistiumi.

22

Giacchì nun c'è pri l'armi 'na misura,
 Nè a figghi, nè a niputi si tramanna
 Lu meritu di l'avi, e la bravura,
 Si bisogna cercari a nautra banna
 La ragioni di sta scavigghiatura,
 Chi un omu servi, e nautru cumanna;
 Cui servi o servi a forza, o voluntariu;
 Dunqui è la prepotenza, o lu salariu.

Vurria, vorrei. Chi sintiti, cosa intendete. Stu, questo. Chiù 'nzusu, più alto. Jeu, io. Figghi bistiumi, figli gnorantoni. 'Nautra banna, un'altra parte. Di sta scavigghiatura, in questa irragionevolezza.

La prima fa li schiavi, e li tiranni,
 Lu secunnu li servi, e li patruni;
 Sti cosi l'aju apprisu, e sù mult' anni
 Da vui propria tra voschi, e tra vadduni;
 Pirchè dunqui sti massimi ammiranui,
 Quannu li circostanzi sù opportuni,
 Li posponiti a chiddi strammi, o fatti
 Pri li casi luntani, o meri astratti?

Ma chistu siti vui; forse anchi sunnu
 Simili a vui li dotti, e l'eruditi,
 Pri cui la viritati ntra lu munnu
 Nun è chi simineria di liti;
 E mentri idda si stà ntra un puzzu funnu,
 Scavati pri circarla; ma s'aviti
 Qualchi barlumi, l'occhju vi s'appanna,
 E curriti a scavari a nautra banna.

Aju, ho. Sù, sono. Vui propria, voi medesimo. Voschi, boschi. Chiddi strammi, quelle stravaganti. Chistu, questo. Sunnu, sono. Ntra lu munnu, nel mondo. Idda, essa. Ntra, in. Nautra banna, altro luogo.

DUODECIMO

15

A forza Don Chisciotti avia frinatu
 Sin ora lu so sdegnu, e la sua stizza;
 Finalmente proruppi: ah malunatu!
 Ah servu vili, ed ài tanta arditizza?
 Olà, rispusi, eu parru da ispiratu;
 Mi si divi rispettu, e placidizza,
 Giacchè mi renni a vui superiuri
 'Na gran putenza d'ordini maggiuri.

16

Tali mentri gunciata stà 'na vozza,
 Fattucci un pirtusiddu, s'allaschisci;
 O comu quann' a un tauru s'accozza,
 Chi ci passa la furia, e tramurtisci;
 O puru cu jittarici dui tozza,
 Chi un canazzu feroci s'ammansisci;
 Cussì l'Eroi dall'ira fulminanti
 Passa a la placidizza in un istanti.

So, suo. Eu parru, io parlo. 'Na, una.
 Gunciata, gonfia. 'Na vozza, un gozzo. Fat-
 tucci un pirtusiddu, fattogli un pertugget-
 to. S'allaschisci, si rilassa. Si accozza, di-
 noccola. Jittaricci, gettargli. S'ammansisci,
 si domestica.

17

E dici: oh fati! oh maghi! oh gran potenzi!
 Scusatimi, vi pregu, sta mancanza,
 Giacchè li miserabili mei senzi
 Cridianu di parrari a Sanciu Panza;
 E tu Sanciu pri mia dignu d'incenzi,
 Organu d'un' incognita possanza,
 Guidami a to piaciri; chi addrittura
 Sarrai la stidda mia, la cinosura.

18

Ma si mai fussi licitu, disiu
 Sapiri supra tuttu, chi vidisti,
 Quannu l'enormi incantu s'eseguiu,
 E comu infusa la scienza avisti?
 E dimmi a quali magu, a quali Dia,
 O a quali Fata divi tanti acquisti?
 Cu quali metamorfosi, e strumenti
 S'annu adopratu tutti sti portenti.

Sta, *questa*. Pri mia, per me. To, *tua*.
 Stidda, *stella*. Disiu, *desidero*. Chi, *come*
mai. Incantu, *incantesimo*. Eseguiu, *esegui*.
 Sti, *colesti*.

DUODECIMO

19

Acciò l'auturi ch'annu a tramannari
 A la posterità sta granni storia,
 Nun avissiru nenti a mendicari
 Di sti aneddoti digni di memoria;
 E putissi tu ancora meritari
 Un locu ntra li noti pri tua gloria;
 Acciò di tia pur'anchi si dicissi;
 E ci fa Sanciù, quali fici, e dissi.

20

Benissimu, rispusi, e ntra li tanti
 Sanci, chi ci sù stati, e ci sarrannu,
 Cui m'assicura pri certu, e custanti,
 Chi li posterì a mia distinguirannu?
 Ma, ripigghia l'Eroi, tu sempri avanti
 Metti dubbii pri jiri alluntanannu
 Lu nostru oggettù! di zoccu vidisti?
 Ch'appressu parriremu poi di chisti.

Sta, questa. 'Ntra li noti, nelle annotazioni. Di tia, di te. Fici, e dissi, fece, e dissi; ideot ebbe parte negli affari o nelle avventure. 'Ntra li, ne'. Ci sù, vi sono. Cui, chè. A mia, me. Pri jiri alluntanannu, per allontanare. Zoccu, ciò che. Parriremo, parleremo. Di chistù, di queste cose.

Vitti, rispunni, e viju tuttavia
 Alcuni laberinti assai ntricati;
 Unni triunfa sempri la bugia,
 Ed è chiù accetta di la viritati;
 E provu un gran cuntrastu tra di mia,
 Chi d'una, e l'atra fannu a capiddati;
 Ma l'una passa, e l'atra trova ntoppi,
 Ed eu ncanciu d'aremi jettu coppi.

Mentri si fannu sti discursi, arrivà
 La pastureddu chi s'è fattu zitu;
 E s'introduci cu la cumitiva
 Di li novi parenti ben pulitu;
 E gratu a Sanciu, in cera assai giuliva,
 L'abbrazza, presentannucci l'invitu,
 Di viniri in sua casa, o di cunsari
 La tavula ddà stissu pri manciari.

Vitti, *vedi*. Viju, *vedo*. Ntricati, *im-*
brogliati. Unni, *dove*. Autra, *altra*. Fannu
 a capiddati, *s'accapigliano*. Eu ncanciu, *io*
in cambio. D'aremi ec. *d'oro giuoco coppe*.
 Zitu, *sposo*. Presentannucci, *presentandogli*.
 Cunsari, *apparecchiare*. Ddà stissu, *in quel*
luogo medesimo.

DUODECIMUM

23

Sanciu accetta l'invitu : o Cavaleri,
 Poi dici, stu pasturi ccà davanti,
 Si tu ben ti ricordi, jorna arreri
 Fu di li Mammalucchi lu rignanti;
 Ed avi la rigina so muggheri,
 Ch'è di la razza di li Fioravanti;
 Sù turnati pasturi nautra vota,
 Chiù chi 'un si dici, chi lu munnu è rota.

24

Sanciu, dici l'Eroi, teni a la menti
 Sta massima, e sculpiscila ntra l'arma,
 Un omu generusu veramenti,
 Si vidi un granni chi lu fastu sparma,
 Vota la facci, e nu lu cura nenti;
 Ma videnmulu affabili si carma;
 Si poi l'incontra afflitto, o in bassu statu
 Allora si cci inchina umiliatu.

Stu, questo. Ccà, quì. Jorna arreri, giorni addietro. So muggheri, sua moglie. Sù, sono. Nautra vota, un'altra volta. Un, non. Ca lu munnu, che il mondo. Ntra l'arma, nell'anima. Sparma, spiega. Vota la facci, no 'l guarda in viso. Carma, calma. Si ci, gli si.

A lu pasturi poi si vota, e dici:
 Sovranu nelli perditi anchi invittu,
 Chi di l'avversa sorti, ed infelici
 Susteni curagginsu lu cunflittu,
 Ti juru chi si mai li celi amici
 Mi dannu (com'eu speru, e c'aju un drittu
 Di vinciri l'incantu, e l'autri impegni,
 Juru ristabiliriti a li regni.

E nun dumannu pri mercedi, e paga,
 Chi la grazia sula d'inchinari
 La sovrana, ch'eu criju multu vaga,
 E d'una gran saggizza singolari;
 Stu miu discretu desideriu appaga,
 Chi si in statu fuss'iu di caminari,
 Pri procurarmi sti superbi vanti,
 Jirria finu a lu Caucasu, e l'Atlanti.

*Si vota, si rivolge. Juru, giuro. C'aju
 e' hò. Antri, altri. Eu criju, io credo. Stu
 questo. Jirria, andrei.*

DUODECIMO

27

Appena sti paroli avia finitu,
 Chi si presenta in sforgiu pasturali
 La zita cu cuntegnu assai pulitu,
 E tutta china di scocchi, e di gali;
 Chi sapennu l'idia di so maritu,
 Avia purtatu ddà sinu a lu sali,
 Carricannu dui fimmini, e un garzuni
 Di pani, vinu, carni, e maccarruni,

28

Sanciu ci scaccia l'occhiu, e inginucchiatu
 Ci dici: o serenissima Cassandra,
 Chi ti trovi ridutta in bassu statu,
 E posi a terra comu 'na calandra,
 Mancu d'un guardu ti avirria dignatu
 Si di lu tronu 'un passavi a la mandra
 Ma comu chi di Colloa ndru abbannu,
 Tu chiù t'abbassi, ed eu chiù mi sprofunna.

*Sti, queste. Sforgiu, gala. Zita, sposa.
 China, piena. Scocchi, nastri. Dda, in quel
 luogo. Ci scaccia l'occhiu, gli dà segno co-
 gli occhio. Ci, le. 'Na, una. Mancu, nem-
 meno. Comu, come.*

La pastureda la sua frunti abbassa,
 Tincennusi di purpura lu visu;
 Modestamenti li saluta, e passa,
 Si vota un pocu, e fa la vuca a risu;
 Lu nostru Eroi di contemplarla 'un lassa;
 E resta un pezzu estaticu, e suspisu;
 Ci leggi ntra la frunti epilogati
 Regni, grandizzi, feudi, e citati.

E vidennula insemi bella, e frisca,
 Saggia, modesta, affabili, e galanti,
 Chi porta dui ricolti ntra 'na cisca,
 Ci pari Erminia tra l'umbrusi pianti:
 Ah nuddu mai di sustiniri ardisca,
 Dissi, chi sia chiù bella la sua amanti,
 Ni darà cuntù a mia; giacchi in natura
 Sustegnu chi 'un c'è megghiu criatura.

Vota, volta. Vuca, bocca. 'Un lassa, non lascia, Ci, le. Ntra la, in. Ntra 'na cisca, in un secchio. Ci, gli. Ntra l', negli. Pianti, piante. Nuddu, nessuno. Ardisca, abbia ardire. Mia, me. 'Un c'è, non v'hà. Megghiu, migliore.

DUODECIMU

31

E lu sustegnu cu la spata in manu
 A frunti di l'Orlanni, e Rodomuntì;
 Cu' avi coraggiu vegna ntra lu chianu,
 Ch'eu dari a terra ci farrò la frunti.
 Ni menti pri la gula, o gran viddanu,
 Ripigghia Sanciu; e cu dui manu junti
 Spinci na mazza, e dici: eu provu a tia
 Chi chiù bella nun c'è di Dulcinia.

32

Stunau; scagghiau l'Eroi; na pena immenza
 Senti ngastari supra di l'erruri;
 Si chiamau reu; si accusa; si sentenza;
 Si condanna a un perpetuu duluri;
 Aimè! dici, nun meritu clemenza;
 Sanciu ti l'addimannu pri favuri,
 Danuni ssa mazza in testa; e leva tunnu,
 Leva stu delinquenti da lu munnu.

Cu' avi, *chi hà*. Ntra lu chianu, *nella
 pianura*. Junti, *unite*. Spinci, *alza*. Tia, *te*.
 Stunau, *scagghiau*, *stonò*, *scagliò*. 'Ngasta-
 ri, *incastare*. S'sa, *cotesta*. Leva tunnu, *to-
 gli interamente*. Stu, *questo*. Munnu, *mon-
 do*.

L'ammazzari li rei, Sanciu rip'gghia,
 'E parti di carnifici, e di boja;
 Pr' un omu onestu chista è 'na cavigghia,
 Chi multu lu pregiudica, ed annoja;
 Cui poi cu l'innocenti si la pigghia,
 'E un mostro, pirchè a nui levà 'na gioja;
 Sicchè nun c'è mutivu, nè pretestu,
 Pri cui l'omu può all'omu essiri infestu.

Almenu, l'Eroi dissi, pri pietati
 Prescrivi tu 'na pena competenti
 A la mia summa, e immenza reitati,
 Acciò si purghi in mia lu delinquenti.
 Viju ch'è giustu zoccu dumannati,
 Ripigghia Sanciu, e l'avirrò presenti;
 Ma prima chi la pena sia 'ntinata,
 Manciamu ca la tavula è cunzata.

Chista, questa. 'Na, una. Cavigghia prop. cavigghia, què valé faccenda cattiva. Cui, chi Cu l'innocenti ec. la vuole contro gl'innocenti. In mia, in me. Viju, vedo. Zoccu, ciò che. Ca, che. Cunsata, apparenchiata.

DUODECIMO

35

Cussì manciaru tutti allegramenti;
 Lu sulu Don Chisciotti è adduluratu
 Chiù da l'erruri, chi da li tormenti
 Di lu so pedi offisu, ed abbruscatu;
 Si doli, oimè! si doli amaramenti,
 Chi parrannu di beddi, avia scurdatu
 Pri Dulcinia la cara sua pupidda,
 'Na parentasi apriri apposta pr'idda.

36

Pertantu ntra la tavula l'Eroi
 Pascennu chiù lu cori d'amarizza,
 Chi di sustanza li vudedda soi,
 Stavasi mestu immenzu a l'alligrizza;
 Ma quannu finalmente vidi poi
 Chi di lu vinu 'un ci n'è chiù 'na stizza,
 E lu pranzu è sbrigatu, a tutti prega
 'Na binigna udienza, e poi si spega.

tom. vi.

Manciaru, *mangiarono*. So, *suo*. Abbruscatu, *abbronzato*. Di beddi, *di belle*. Pupidda, *pupilla*. Pr'idda, *per lei*. Ntra la tavula, *nel pranzo*. Vudedda, *budella*. 'Un ci nn'è, *non ve n'ha*. 'Na, *una*.

37

Summu monarca, ed inclita rigina,
 E vni curtisi, e virtuusi genti,
 Testimonii vi vogghiu stamatina
 A lu chiù granni di li giuramenti;
 Tu, Sanciu, la profetica tua vna
 Sciogghi, e prescrivi a mia sollemnemanti
 La pena, ch'eu di tutti a la prisenza
 Giuru stari a la tua saggia sentenza.

38

Dissi, e si misi attentu ad ascutari
 L'oraculu di Sanciu; Sanciu intantu,
 Finutusi lu mussu di stujari,
 Si susi in pedi, e dici; un veru incantu,
 'E chistu, chi mi sforza a turmintari
 Chiddu, ch'eu vogghiu beni, ed amu tantu,
 Ma lu bonu chirurgu a manu franca
 Tagghia lu pedi pri salvaru l'anca.

Vogghiu, *voglio*. Sciogghi, *sciogli*. A
 mia, *a me*. Ascutari, *ascoltare*. Stujari,
asciugare. Si susi, *s'alza*. Chistu, *questo*.
 Chiddu, *colui*. Eu vogghiu, *io voglio*. Tag-
 ghia, *taglia*.

DUODECIMO

39

Pertantu apri l'oricchi, o cavaleri,
 Senti la tua sentenza: non chiù guerra;
 Spoggia l'armi; e per anni, ed anni interi
 Suda a zappari la gran matri terra;
 Statti a criatu cu lu to scuderi;
 Rispetta in iddu un lumi chi nun erra;
 Nun ti pigghiarì 'mpacci; taci, e fida,
 In chiddu chi ti regula, e ti guida.

40

E si teni a vergogna lu zappari,
 Umilia, o superbu, lu to cornu;
 E pensa chi l'armenti a pascolari
 Fu vistu Apollu patri di lu jorna:
 Chi a Cadmu bisugnan, la terra arari,
 E siminari in tuttu ddu cuntornu
 Li denti di un gran serpi; e ni spuntaru
 Omini armati, chi si sbintricarù.

Oricchi, orecchie. Spoggia, spoglia.
 A criatu, a servo. In iddu, in lui. Nun ti
 pigghiarì 'mpacci, non ti pigliare le brighe,
 che non ti toccano. In chiddu, in colui.
 To, tuo. Jorna, giorno. Bisugnan, bisognò.
 Ddu, quel. Sbintricarù, sbudellarono.

E pensa chi lu granni Cincinnatu,
 Or era a frunti di li legioni,
 Sustinennu di Roma lu Senatu
 Contra l'interni rivoluzioni;
 Or era in campu apertu destinatu
 A soggiogari genti, e nazioni;
 Ed ora era vidutu ntra lu chianu
 Simplici, e sulu cu l'aratra in manu.

E penza chi l'aratra, e chi la zappa
 Sunnu l'urti uhiù antica, e la chiù granni;
 Pirchè è la prima chi ni duna pappa,
 E da la terra ogni ricchezza spanni,
 E chi la genti saldatisca, e vappa
 Spopula li citati, e apporta danni;
 Quannu la zappa l'omini susteni,
 Li multiplica, e abbunna d'ogni beni,

Ntra lu chianu, *nella pianura in campo aperto*. Sunnu, sono. Vappa, brava.

DUODECIMO

43

Don Chisciotti a st'eterni viritati
 Stupisci, e quasi estaticu l'ammira;
 E vidi in Sauciu certa deitati,
 Chi ci movi la lingua, e ci la gira;
 A lu fini cu multa gravitati
 'Nchina l'Eroi la frunti; e poi suspira,
 E jietta la curazza, e poi la spata,
 Chi a lu capizzu so stava appizzata.

44

E dumamma la zappa; nè l'offisu
 Pedi chiù cura, e sauta a rumpicoddu;
 Ma Sanciu gravementi l'à riprisu,
 Dicennu: pedi a lettu, e vrazzu 'ncoddu;
 Cussì l'Eroi, chi docili s'è risu,
 Ristau ntra un situ ripusatu, e moddu,
 Sin'a tantu chi l'arti, e la natura
 Ci guareru la gravi scuttatura,

St', queste. Ci, gli. 'Nchina, piega.
 Jetta, getta. Capizzu so, capezzale suo. Appizzata, appesa. Santa, salta. Vrazzu 'ncoddu, braccio al collo. Ntra, in. Moddu, comodo. Guareru, guarirono.

Sanciu fratantu in so' profittu misi

'Na cugnuntura, chi ci vinni a tagghiu;

Cuncirtau sutta manu c' un burgisi

D' iddu, e di Don Chisciotti lu travagghiu;

E a tenuri di l' opri, e li maisi

Esiggirai lu prezzu, cioè a stagghiu;

E cu st' onestu menzu, e stu cuncertu

Si misi di la fami a lu cuvertu.

E approvannu a se' stissu, in se' dicia:

Nun sugnu chiù di pisu a li viventi;

Fazzu a lu munnu la figura mia,

E forsi megghiu assai di li potenti;

Ch' en cu lu fruttu di la mia fatia

Sugnu' utili a me stissu, e ad autri genti;

Giacchè li Re, li Papi, e Imperaturi

Campanu tutti cu lu zappaturi.

So, suo. 'Na, una. Ci, gli. A tagghiu, opportuna. D' iddu, di lui. Maisi, magesi. A stagghiu, a còttimo. Cu st', con questo. A lu cuvertu, al coperto. Sugnu, sono. Fazzu, faccio. A lu munnu, al mondo. Megghiu, meglio. 'Autri; altre.

DUODECIMO

47

Ogni statu consisti d'artigiani,
 Di la genti di foru, e cuddaretti,
 Di baruni, dotturi, e ciarlatani,
 Preti, suldati, monaci, architetti;
 Tutti chisti però vonnu lu pani;
 Lu viddanu è lu solu chi lu metti;
 E si d'un statu fa decima parti,
 Lu so pani cu deci si lu sparti.

48

Chi dirrò poi quann' iddu di lu statu
 Fa millesima parti, e menu ancora?
 Lu so tozzu a suduri travagghiati
 Lu sparti a milli, ed iddu resta fora;
 Cussì pr' autru lu voi porta l'aratu;
 L'apa fa meli, ed autru lu divora,
 La pecura, e la capra, o nigri, o binni
 Porta li lani, ed autru si li tunni.

Cuddaretti, *gente da toga*. Chiddi, *costoro*. Vonnu, *vogliono*. Viddanu, *contadino*. Sparti, *divide*. Iddu, *egli*. So, *suo*. Sparti, *distribuisce*. Resta fora, *ne resta senza*. Pr' autru, *per altro*. Tunni, *tonde*.

49

Ma non ostanti tutti st'angarii,
 Non ostanti la bassa opinioni,
 Ch' ànnu avutu a li rustici fatii
 Li seculi di gran corruzioni,
 Tuttu chistu 'un pò fari chi nun sii
 Gloriosa la mia professioni;
 Chi la gloria, e l'onuri li dispensa
 Non cui vegeta, e mancia, ma cui pensa.

50

Cu sti riflessioni alligiria
 Sanciu li soi lodeveli travagghi;
 Don Chisciotti però pri Dulcinia
 Zappa tantu chi 'un trova cui l'uguagghi;
 La sira ancora doppu la chiara
 S'otteni a stentu chi riposi, o stagghi;
 E turnatu cu Sanciu a lu casali,
 Senti anchi gustu a cibi senza sali.

St', *queste*. Fatii, *fatighe*. Chistu, *questo*. 'Un pò, *non può*. Cui, *chi*. Cu sti, *con queste*. Travagghi, *travagli*. 'Un, *non*. Stagghi, *si freni*.

DUODECIMU

51

E ddà Sanciu rallegra li brigati
 Cu sentenzi, e cu mutti allegri, e dotti,
 Cuntentu, chi li menzi avia trovati
 Di fari stari a frenu a Don Chisciotti;
 Quali s'alzava sempri all'alburati;
 Jeva a lu campu, e ddà finu a la notti
 Travagghiava cu tali speditizza,
 Ch'era pri ddi campagni 'na ricchizza.

52

Ed arriccheva insemi a Sanciu Panza,
 Ch'esiggeva per iddu la jurnata,
 A signu chi ni manciannu; e n'avanza,
 Da tinirni 'na summa cunsirvata;
 Ma la sorti chi vidi sta valanza
 Pri la menti di Sanciu equilibrata,
 Si muzzica pri raggia, e di poi jura
 Contra d'iddi 'na barbara congiura.

Ddà, colà. All'alburati, all'alba. Jeva, andava. Ddi, quelle. Na, una. Iddu, lui. Jurnata, pagamento d'un giorno. Na, una. Sta, questa. Valanza, bilancia. Muzzica, morde. Raggia, rabbia. Jura, giura. D'iddi, di loro.

S'unisci a lu Capricciu, e all' Accidenti,
 E dici: o mia famigghia, o cosi cari,
 Sacciati chi lu zoppu impertinenti
 La mia rota à pretisu d' inchiavari;
 Ed à fissatu cù li soi talenti
 L'omu lu chiù bizzarru, e singulari;
 Dunqui avirremu mai stomacu tali,
 D'agghiuttirni sta pinnula fatali?

Chi si dirrà di nui? cui chiù in appressu
 Timirà l' Accidenti, e la Furtuna?
 A scornu nostru rignirà indefessu
 L'omu dunqui, chi pensa, e chi ragiuna?
 Nò, nò, s'abbatta tuttu, e resti oppressu
 Lu progettu, e l'oturi anchi in persona.
 Tutti applauderu, e fattu lu comblottu
 Addivintaru purvuli di bottu.

Sacciati; *sappiate*. Inchiuvari, *inchiodare*. Agghiuttiri, *inghiottirne*. Sta pinnula, *questa pillola*. Cui chiù, *chi più*. Applaudèru, *applaudirono*. Addivintàru purvuli di bottu, *ideot. sparirono in un tratto*.

DUODECIMU

55

Ora dì, o musa, d' unni incominciàru
 Li sconcerti, li cabali, e li trami?
 Dinni cu quali menzi poi truncàru
 L' utili, e lu pacificu ligami?
 Aimè! chi chiù lu sonu nun è chiaru;
 Nè la trumma rispunni a li mei brami!
 L' estru si nega a tanti idej funesti;
 E 'na gramagghia lu miu cori vesti!

56

C' era 'mmenzu a lu chianu accantu a un ortu
 Un arvulu di zorbù aspru affucusu;
 Chi siccu pri vicchiaja, e quasi mortu,
 Sulu un vrazzu avia viridi, e vigorosu;
 Lu grossu truncu assai curvatu, e tortu
 Stenni a lu muru, di cui l' ortu è chiusu,
 A cui pari ch' occorra, e s' avvicini,
 Quasi per impedirni li ruini.

D' unni, *da dove*. Dinni, *dì a noi*.
 Truncàru, *troncarono*. Trumma, *tromba*.
 'Na gramagghia, *una gramaglia*. Chianu,
pianura. 'Arvulu, *albero*. Zorbù, *sorbo*.
 Affucusu, *lazzo, immaturo*. Vrazzu, *braccio*
ramo.

All' umbra di li pampini, e lu muru,
 Nell' ura chi lu Suli percutia,
 Stancu lu nostru Eroi di lu lavuru,
 A respirari sulu ni vinia;
 L' indefessu travagghiu ed aspru, e duru
 A lu spissu talmenti l' abbattia,
 Chi quasi quasi si sintia mancari,
 Si nun curria ntra st' umbai a ripusari.

Ripusava lu corpu, ma la menti
 Nun trova pausa mai, nun trova paci,
 Pirchè ultra a li pretisi incantamenti,
 Pensa a tant' autri guai certi, e veraci;
 Si rapprisenta tutti ddà presenti
 La società di l' omini rapaci,
 L' ingiustizii, li furti, e prepotenzi,
 L' oppressioni, stupri, e violenzi.

Stancu, abbattuto, lasso. Mancari, re-
 nir meno. Ntra st' umbri, in quest' ombre.
 Autri, altri. Ddà, colà.

DUODECIMA

59

Fremi, chi da li satrapi giuristi
 Multi casi intricati, e ruinusi
 Nun foru da li codici previsti;
 E ch'annu datu locu a tanti abusi,
 Pri cui scappanu spissu li chiù tristi
 A li giusti castighi, e doverusi;
 E chisti pri l'inirichi, e tradimenti
 Sù rivutati supra l'innocenti'

60

Fremi chi ntra li codici legali
 Nun sia prescrittu un premiu pri li boni;
 Giacchì l'omu da se tendi a lu mali,
 E l'innocenza è pura eccezzioni;
 E ch'è chiù seducenti un criminali
 Prosperu a cui la liggi 'un si cc'opponi,
 Chi centu mila giusti, e virtuusi
 Poveri, disprezzati, e bisognusi,

Foru, furono. Ntra li, ne'. Chisti, questi. Sù rivutati, vanno a cadere. Boni; uomini dabbene.

Chisti, e tant' autri terribidi, e sconcerti;
 Si ci fannu presenti in fantasia;
 E ci pari vidiri ad occhi aperti,
 Triunfari la frodi, e la bugia;
 Pensa di riparari, e insemi avverti,
 Chi la memoria è fiammina; e putia
 Falliri, comu spissu a tanti inganna;
 Perciò risolvi farni una notanna.

E mancannu la carta, e li strumenti,
 Pensa imitari Angelica, e Medoru,
 Ed Erminia, chi scrissi li lamenti
 Ntra la quercia, lu platanu, e l'alloru;
 Perciò a lu zorbu, ch'avìa ddà presenti,
 Scorcìa lu truncu; e poi c'un puntaloru,
 O sia, com' autri vonnu, con un chiovu
 Scrissi progetti per un munnu novu.

Chisti, *questi*. 'Autri, *altri*. Si ci, *gli*
si. 'Na notanna, *una nota*. 'Ntra la, *nella*.
 Ddà, *là*. Scorcìa, *scostica*. 'Autri vonnu,
altri cogliono. Chiovu, *chiodo*.

DUODECIMU

63

Annollau di l' intuttu la milizia ,
 Pisu a lu statu , e fonti di disgrazii ;
 E voli chi la liti , e nimicizia
 Si decida da pochi , e in brevi spazii ,
 Cu menu sangu , e forsi chiù giustizia ,
 A modu di l' Orazii , e Curiazii ;
 Cussì pri sua difisa , e bastiuni
 Bastanu ad ogni regnu tri campiuni .

64

Avia pinsatu ancora stabiliri
 Un agustu , e supremu tribunali ,
 Chi duveva in valanza trattiniri
 Li regni ntra una paci universali ;
 E quannu nun putevasi otteniri
 D' una liti l' accordiu totali ,
 Si mittianu da l' una , e l' altra parti
 Li tri campiuni , e decideva Marti .

Annollau , annullò . Voli , vuole Spazii ,
 quì vale tempi Menu sangu , minor sangue .
 Bastiuni , baluardi . Valanza , bilancia . 'Ntra
 in . 'Autra , altra .

E pr'essiri fidili, e chiù pacificu,
 Ogni abitanti voli incardinatu
 A la patria cu feuda onorificu,
 O con un campu d'iddu coltivatu;
 O menu, o chiù secundu lu specificu
 Meritu, o la larghizza di lu statu;
 E di là zappa poi l'uri intermenzi
 Voli appiicati all'arti, e li scienze.

Ntra lu ripartimentu di li beni
 Voli l'inegghianza, ma discreta;
 Pirchè da troppu e nenti poi ni veni
 Troppu crapula, o eccessu di dieta;
 Ddà sposa l'oziu, ccà suduri, e peni
 Accurzanu la vita aspra inquieta;
 'Nzumma voli tra poviri, e potenti
 Certa proporzioni chiù prudenti,

D'iddu; *da lui*. Uri; *ore*. Ntra; *nel*.
 Voli; *vuole*. Ddà; *là*. Ccà; *quà*. Accurzanu;
abbreviano. 'Nzumma; *in somma*.

DUODECIMO

67

Un tribunali ancora avia pinsatu ,
 Ch' àutr' oggettù 'un avissi , ch' indagari ,
 Si tutti l' individui di lu statu
 Avissiru manera di campari ;
 Ed a cui nun n' avissi , sia assignatu
 Un menzu , un' arti , o un modù a travagghiari
 E cui poi si negassi a li fatighi ,
 Fussi sughettu a carceri , e a castighi .

68

Cussì di tempu in tempu cunsignannu
 A lu trunca insensatu li pinseri ,
 Lu jia tuttu di cifri disignannu ,
 E n' avia chini li facciati interi ;
 Stava all' opera intentu allura quannu
 Sanciu ci suprajunci pri darrerri ,
 Non osservatu osserva in tonu seriu ,
 E s' ingegna a capiri lu misteriu .

tom. vi.

Autru , *altro* . 'Un , *non* . Campari , *vi-
 vere* . Cai , *chi* . Jia , *andava* . Chini , *piene* .
 Suprajunci pri darrerri , *sopragiunge per di
 dietro* .

69

Smiccia; stenni lu coddu; sgargiulia;
 Ma nun cunprendi cifri, ne scrittura;
 Si smidudda in se stissu', e sfiirnicia;
 E tanti stravaganzi si figura;
 Finalmenti si scopri; e poi ci spia:
 Si forsi si diletta d'incisura?
 E si mai ddi figuri soi gruttischi
 Fussiru veri littiri, o rabbischi?

70

Senti, (l'Eroi risposi) virrà un jornu,
 Chi vinti già l'ostaculi, e l'incanti,
 Mi truvirò di la mia gloria adornu,
 O Rè in pirsuna, o allatu a li Regnanti
 Allora in terra Astria farà ritornu,
 Occupannu la sedi, ch'avia avanti;
 La Barbarii, l'Accidia, l'Ingannu
 Allora di la terra sbignirannu.

Smiccia, sbircia. Stenni lu coddu, allunga. Sgargiulia, muove in diverse maniere la testa per guardare; gl'Italiani direbbero forse, fa capolino. Smidudda, scervella. Sfiirnicia, becca il cervello. Ci spia, gli chiede. Ddi, quelle. Jornu, giorno. Incanti, incantesimi. Sbignirannu, fuggiranno.

DUODECIMU

71

E la Virtuti, chi a l'età presenti
 Nun è, chi di tri sillabi lu sonu,
 Usatu pr' addurmisciri li genti,
 E dari a li discursi un maggiur tonu,
 Vistennu allura simplici ornamenti,
 Avrà 'mmenzu a li cori lu so tronnu,
 Ciffundendu di dda li chiari lumi
 Supra l'affetti, l'indoli, e costumi.

72

Ma tutti sti riformi, e cangiamenti,
 St'ordini, e st'armunia cussì perfetta
 Nun s'ottennu a miraculi, e a portenti,
 Nè si fannu tra un'atomu, o a l'infretta;
 Supponnu di li lunghi pinsamenti,
 Esperienza, intenzioni retta,
 Industria, ardiri, sofferenza, sennu,
 Iri sempri nutannu, e riflittennu.

Addurmisciri, *addormentare*. So, *suo*.
 Ddà, *colà*. Sti, *queste*. Ottennu, *ottengono*.
 Tra, *in*. Supponnu, *suppongono*. Iri, *andare*.

Cussì supra stu truncu sù nutati
 Li causi principali, pri cui sunnu
 Li seculi corrutti, e scelerati,
 E la virtuti è confinata in funnu;
 Quannu chisti sarrannu alluntanati.
 C' un sciuseciu allura addrizzirò lu munnu;
 Nè pò falliri, chi si ben rifletti,
 Senza li causi mancanu l'effetti.

Ripigghia Sanciu: vui faciti un sbraccu
 Da truncu a munnu, e poi da munnu a truncu;
 Nun capi sta lavornia lu miu saccu;
 Nè mancu pozzu agghiuttiri stu gruncu;
 Criditi ch'è pigghiata di tabaccu,
 O forsi 'ntaviddari un vrazzu ciuncu,
 L'addrizzari lu munnu? e chi jucati?
 Scummettu ca stu truncu 'in l'addrizzati.

Stu, questo. Sù, sono. Càusi, cagioni. Sunnu, sono. A funnu, al fondo. Chisti, queste. C' un ciuseciu, con un soffio. Sbraccu passo grande. Lavòrnia, sproposito. Mancu pozzu agghiuttiri, nemmeno posso inghiottire. Stu gruncu, questo grongo; metaf. 'Ntàviddari, incannucciare; o sia fasciare con assicelle. Vrazzu ciuncu, braccio rotto. Addrizzari, dirizzare. Ca stu 'un, che questo non.

DUODECIMO

75

Stu truncu tortu, chi pri vui cuntenei
 Causi, ed effetti, si figuri un munnu;
 Vi l' accordu pirchè s'adatta beni;
 Addrizzatilu via da capu a funnu?
 Sì, ripigghiau l' Eroi, travagghi, e peni,
 Spassi, e piaciri a lu miu cori sunnu;
 Ti vogghiu dari sta minuta prova,
 Acciò la grossa nun ti juncia nova.

76

Cussì dicennu, subito si slancia
 Supra lu truncu comu un capriolu;
 Lu strinci fortementi, e l'attapancia,
 Comu lu sbirru acciurra un mariolu;
 Poi cu li pedi l' autru ramu aggrancia,
 Ch' inclina versu di l' oppostu polu,
 Ed iddu 'mmenzu a li dui trunchi strammi
 S'ajuta cu li manu, e cu li gammi.

Da capu a funnu, *interamente*. Sunnu
sono. Vogghiu, *voglio*. Sta, *questa*. Juncia,
Giunga. Strinci, *stringe*. Attapancia, *ag-*
gavigna. Acciurra, *afferra*. Autru, *altro*.
 Aggrancia, *aggrappa*. Iddu, *egli*. Stram-
 mi, *strambi*. Gammi, *gambe*.

E tenta a sforzi granni avvicinari
 A li manu li gammi, e chisti a chiddi,
 Pri putirisi insemi carriari
 Li trunchi carcerati immenzu d'iddi;
 Ma nè chistu, nè chiddu abbandunari
 Voli lu propriu situ, ch'a li stiddi
 A' mustratu per anni, ed anni interi,
 Nè voli iri 'nnavanti, nè 'nnarreri.

Replica li soi sforzi, e setti, ed ottu,
 E novi, e deci voti inutilmenti;
 Si fà la facci, comu vinucottu,
 Pri lu situ assai scommodu, e pendenti;
 Tistija Sanciu, e dici: Un omu dottu,
 Chi pinnulia di l'arvulu! Oh portentanti!
 Oh tirrenu biatu, chi produci
 L'omini dotti, comu ficu, e nuci!

Chisti a chiddi, *queste a quelle*. Carriari, *prop. mutar stanza, quì trascinare*. D'iddi, *di loro*. Voli, *vuole*. Stiddi, *stelle*. Iri, *andare*. 'Nnarreri, *in dietro*. Voti, *volte*. Tistia, *muove il capo in atto di ammirazione*. Pinnulia, *pensola*. Arvulu, *albero*.

DUODECIMO

79

Lassàtisi li musculi a la fini,
 Stracchi già da la lunga vijulenza,
 L'Eroi batti lu solu cu li rini,
 E prova di li petri la putenza;
 Ma novu Antèu risurgi da li spini;
 Curri a lu truncu; ed eccu chi accunnenza
 Un novu assaltu; già lu cinci, e afferra,
 Forti li pedi appuntiddannu 'nterra.

80

E appuntidda la testa; e ad ogni costu
 Cu sforzi granni, forti, e poderusi
 Tenta sbutarla ntra lu latu oppostu;
 Ma li sforzi sù vani, e infruttuosi,
 Lu truncu 'un voli cediti lu postu;
 Simili a chiddi fimmini 'mprisusi,
 Chi in attistari, chiù nun li smuntati,
 Quann'anchi in pezzi minimi l'ascati.

Lassatisi, *rilassatisi*. Solu, *terra*. Cinci, *cinge*. Appuntiddannu, *appuntellando*. Sbutarla ntra lu, *svolgerlo nel*. Sù, *sono*. 'Un, *non*. Chiddi, *quelle*. 'Mprisusi, *pertinaci*. Attistari, *intestarsi*. Ascati, *fendete, spaccate*.

L'Eroi dintra se stissu smaniannu
 Di tanta resistenza inaspittata,
 Dunqui, dicia, potti scippari Orlannu
 L'ulmi, e li querci, comu l'insalata?
 Ed eu cu tanta mia virgogna, e dannu
 'Na torta rama nun farrò addrizzata?
 Resisti un vili truncu a tanti impegni?
 Ed eu lu soffru? Ah duvi siti, o sdegni?

Dissi, e assuldannu sutta li banneri
 Di la stizza, e lu sdegnu furibunnu
 Li spiriti, e li forzi tutti interi,
 Sdraricarlu pensau da capu a funnu;
 Duna 'na scossa, e di poi nautra arrieri,
 Cridennu anchi di scotiri lu munnu;
 Ma trova tanta resistenza in chiddu,
 Chi lu sforzu ribatti, e torna in iddu.

Potti scippari, *potè sradicare*. Na . una
 'Nautra arrieri, *un'altra altra volta*. Chid-
 du, *quello*. Ad iddu, *a lui*.

DUODECIMO

83

Và 'nnarrerri lu sforzu, e in vrazza, e in rini
 Sciinni, e l' apri, e la ventri ci scunquassa;
 E fà sotari fora l'intestini,
 Chi nautra ventri formanu chiù bassa,
 Chi penni, e và criscennu senza fini,
 Nè spaziu chiù ntra li dui gamuni lassa;
 Ma l' occupa, e dilata in strani formi,
 Machina ria, voluminusa, enormi.

84

Fama nun chiù, nun chiù la Grecia vanti
 Erculi cu lu globu tra la spada;
 Nè chiù lu grossu Mauritann Atlanti
 Ntra li tarocchi ostenti la sua badda;
 Chi a sti superbi, e gloriosi vanti
 L'Eroi pri certu nun ci cedi gadda;
 Tra tutti tri la differenza è pocu,
 Poicchì nau è chi di lu sulu locu.

'Nnarrerri, *indietro*. Vrazza, *braccia*. Ci,
 gli. Sotari fora, *saltar fuori*. 'Ntra li dui
 ec. *nelle due gambe lascia*. 'Ntra la spad-
 da, *nella spalla*. 'Ntra li, *ne'*. Tarocchi.
carte di giuoco così chiamate. Badda, *palla*.
 Nun ci cedi gadda. *loro non cede affatto*.

Ma di punti acutissimi, e di dardi
 Armati si cci scagghianu improvvisi
 Li duluri chiù acerbi, e chiù gagghiardi,
 Strazzannuci li visceri divisi;
 Pirduti cu li sensi li riguardi,
 Versu di Sanciu li soi vrazza stisi;
 Desisti da l'imprisa; e cadi a terra,
 Pirchè avi dintra una chiù cruda guerra.

Sanciu precipitusamenti occurri
 Cu lu cori scasatu, e palpitanti;
 Chiama ajutu a li genti di la turri,
 Vidennu lu periculu pressanti:
 Ecculi tutti ddà; Cui grida, e curri;
 Cui si metti alluccutu pri davanti;
 Cui si stira lu coddu, e l'àutri ammutta
 Pri guardari la machina costrutta.

Si cci, *gli si* Strazzannucci, *lacerando-*
gli. Vrazza stisi, *braccia stese*. Scasatu, *uscito fuori dal suo sito*. Ddà, *là*. Cui, *chi*. Alluccutu, *sbalordito*. Coddu, *collo*. Autru ammutta, *altri urta*.

DUODECIMU

87

Doppu' varii pariri ditti a coru ,
 Chi di luntanu cumparianu sciarri ,
 Tutti concordi finalmente foru ,
 Di spincirlu tra l'aria pri li garri ;
 L'Eroi dici pateticu : Jeu moru ...
 M'ammutisciu pri sempri ... Fama parri ...
 Oh Munnu ... Oh *Dulci* ... Intantu a pinnulani ,
 Nesci lu *nià* cunfusu 'ntra un gurgiani .

88

Poi 'nautru, 'nautru appressu, e 'nautru doppu,
 Tantu chi l'alma 'ntra li labbri è 'mpinta;
 La lingua di la vucca nesci troppa,
 E la sua facci è già di sangu tinta;
 Videmur chiddi, chi a tutta galoppu
 Vinia la morti cu la fauci spinta,
 Lu posanu di novu, consultannu
 Novi mezzi, ed ajuti; Ahi comu! E quannu!

Sciarri, *zuffe*. Fora, *furono*. Spincir-
 lu tra l'alzarlo *in*. Garri, *garetti*. Jeu mo-
 ru, *io muojo*. Ammutisciu, *ammutisco*. Par-
 ri, *parli*. A pinnulani, *ciondolone*. Nesci,
esce. 'Ntra un gurgiani, *in un getto di vo-*
mito. 'Nautru, *un altro*. 'Ntra li, *nelle*.
 'Mpinta, *appiccata*. Vucca esci, *bocca esce*.
 Sangu, *sangue*. Chiddi, *coloro*. Fauci spinta
falce alzata.

Intantu l'occhi tristi, e 'nvitriati;
 L'estremi friddi, e lu sugghiuzzu spissu;
 Li vomiti frequenti, e replicati
 Aprianu di la morti lu subissu;
 L'assistenti, di già disanimati,
 Stannu a guardarlù con occhiu dimissu;
 Sanciu a la manu la fronti appujata,
 Ripeti sulu: è fatta la frittata.

Cussì passau l'Eroi, l'Eroi famusu,
 Chi sudau pri li palmi, e pri l'allori,
 Finalmenti pr' un zorbu 'ntussicusu
 A la strania miseramenti mori;
 Regna attornu un silenziu dulurusu,
 Mentri Sanciu chiancia di veru cori,
 Pirchè miseria l'amicizii attacca;
 Morti, e prosperitati li distacca.

'Nvitriati, *simile al vetro*. Sugghiuzzu, *singulto*. Appujata, *appoggiata*. Frittata, *enorme corbelleria, o sproposito*. Passau, *passò*. Pri un zorbu 'ntussicusu, *per un sorbo velenoso*. A la strania, *lontana dalla patria, e da' suoi*. Mori, *muore*. Chiancia, *piangerà*.

D U O D E C I M U

91

Dati li primi sfoghi a lu dulari ,
 Sanciu cu l'occhi lagrimusi , e tristi ;
 Anima bona , esclama , tutta sciuri ,
 Chi mai ficu , nè pira producisti ,
 Chi 'mmenzu a li miserii , e li sciaguri
 In te stissa di tia sempri gudisti ,
 Accetta. sii ntra l'aria , o tra li sferi ,
 L'ultimi uffizii di lu to scuderi .

92

Qualunque sia lu locu unni ti trovi ,
 (Ch'eu ti criu a menz'aria certamenti ,
 Pri li fumi , e fatastici toi provi)
 Sti mei sinceri avvisi teni a menti :
 O friddu , o caudu , o sia bon tempu . o chiovi ,
 Tu lassa fari , e 'un ti 'mmiscari a nenti ;
 Li cosi comu sù lassali stari ;
 Nè ti pigghiari gatti a pittinari .

Sciuri . *fio*re . Di tia , *di te* . Ntra l' , *nell'*
 Ntra li , *nelle* . To . *tu*o . Unni , *dove* . Eu ti
 criu , *io ti credo* . Sti , *questi* . Caudu , *caldo* .
 Chiovi , *piove* . Lassa , *lascia* . 'Un ti 'mmi-
 scari , *non t' intromettere* . Sù , *lassali , sono ,*
lasciali .

E si lu munnu ti pari sgarbatu ,
 Chinu di mali , e in tanti erruri immersu ,
 O cridi , l'occhiu to sii limitatu ,
 Chi 'un discerni lu drittu , e lu riversu ;
 O chi , si 'un piaci , a cui l' à fabbricatu ,
 Pinsirà da se stissu , a darci versu ;
 O ci metti a la testa di l'affari ,
 Cu' avi talenti , e menzi d'aggiustari .

Pensa , chi la tua morti fu immatura ,
 Pri aviriti pigghiatu troppu 'mpacci ;
 Morti , chi 'ntra li morti 'nn fa' figura ,
 Pirchè nun c'è n' Eroi , pri quantu eu sacci ,
 Chi fassi mortu cu' na cripatura ,
 Puru spincianu vàusi , e grossi stacci ;
 E nemmenu si leggi tra l'annali
 Paladinu ch'avissi lu vracali .

Chinu , pieno . To , tuo . 'Un , non . Cu'
 chi . Avì , lui . 'Mpacci , impicci . Eu sacci ,
 io sappia . Na , una . Spincianu vausi , alza-
 vano balze . Stacci , grosse spranghe . Vra-
 cali . braghiera .

DUODECIMO

95

Da sta morti vulgari dunqui impara,
 A rispettarì l'usi d'unni vai;
 Pirchè ogni nuvitati custa cara,
 E nenti strinci, quann'abbrazzi assai;
 Pisa primu li forzi, e poi ti vara;
 Pensa la cosa avanti, chi la fai,
 'Nsumma sì tu d'emenda sì capaci,
 Ascuta, vidi, e taci, e resta in paci.

96

Dissi, ed all'àutri uffizii pietusi
 C'agghiunciu certa pompa funerali,
 Ch'era adattata a li costumi, e all'usi,
 E a l'angustia d'un poviru casali;
 La spata, l'elmu, e l'armi rancitusi
 Ci li vistiu di supra tali quali,
 Cun iddi 'ntra lu tumulu l'esposi;
 E sta descrizioni ci disposi.

Unni. *dove*. Strinci, *stringe*. Abbrazzi, *abbracci*. Ti vara, *risolvi*. Sì, *sei*. Ascuta, *ascolta*. Autri, *altri*. C'agghiunciu, *vi ag-
 gianse*. Rancitusi, *ruginosi*. Cun iddi, *con
 esse*. Ntra lu, *nel*. Sta, *questa*.

La cinniri ch'è sutta sta balata

Fu spogghia d'un Eroï di desideriu;

Chi mai sappi cunsari 'na 'nzalata;

Non ostanti pretisi in tonu seriu

Di cunsari lu munnu; allurtimata

La Parca esercitannu lu so imperiu,

Don Chisciotti ristau cripatu, e mortu,

Sanciu zoppu, e lu munnu ancora è tortu.

Dispostu l'epitnfu, stetti incertu

Di lasciarlu accussì lisciu, e sinsigghiu,

Di st'arti conoscevasi inespertu,

E timia di li critici l'artigghiu;

Pensa un pocu, poi dici: àju pri certu,

Ch'è inutili sta pena, ch'eu mi pigghiu;

Qualunqui lima, ch'eu c'avissi a dari,

Cu' è criticu avi sempri a criticari.

Cinniri, *cenere*. Sta balata, *questa lapide*. Spogghia, *spoglia*. Sappi cunsari, *sempre condurre*. Cunsari, *aggiustare*. Allurtimata, *alla fine*. So, *suo*. Ristau, *restò*. Lisciu, *senz'ornamento*. Sinsigghiu, *sparuto*. St', *questa*. Artigghiu, *artiglio*. Àju, *ho*. Eu mi pigghiu, *io mi prendo*. Cui, *chi*. Avi, *ha*.

DUODECIMO

99

Pirchè ànnu menti, ed ànna chisti tali,
 Comu li vucchi di li spitittati;
 Ci parinu li suppi senza sali,
 E li pitaggi malì assassunati;
 Dicinu chi lu sfogghiu, è triviali;
 L'intiguletti nun sù delicati;
 E lu difettu di lu so palatu
 A lu poveru cocu è incaricatu.

100

Poi da genti chi ostentanu scienza,
 Sperari applausi è un desideriu vanu,
 Anzi si mustra poca conoscenza.
 Di l'amur propriu di lu cori umanu;
 Si a una donna spijati anchi in coscienza,
 Si la tali sia bedda, è un casu stranu;
 Chi vi dica di si ben chiaru, e nettu;
 Ma sempri c'avi scopriru un difettu.

Arma chisti, anima cotesti. Comu li vucchi, come le bocche. Spitittati, svogliati. Ci, loro. Assassunati, soffritti. Sfogghiu, sfogliata. Sù, sono. Incaricatu, attribuito. Spijali, chiedete.

Da sti riflessioni fattu arditu

Sanciu, lu so epitafiu lassa intattu;

Chi cu lu tempu poi ci fu sculpiru

Ntra la balata sutta lu ritrattu;

Iddu poi canciau clima, e canciau situ;

Sempri pòviru, e saggiu, e sempri esattu;

Fu sempri ben vulutu, e ricercatu,

Ma da nessunu mai gratificatu.

Fu spissu ricircatu da li Granni,

Ma sulu pri conuscirlu; poi vistu,

Chi la sua fama vola a tutti banni,

Ed iddu è curtu, laidu, e sprovistu,

Dicevanu: sta fama chi si spanni,

O nun è vera, o sedi mali in chistu;

Cussì lu maggiur numeru dicia;

Qualch' unu raru poi lu distingua.

Sti, queste. So, suo. Ntra la balata, nella lapide. Iddu, egli. Canciau, cambiò. Stu, questo. Banni, prop. luoghi, quì vale: ovunque. Chistu, costui.

DUODECIMU

103

Chi in un paisi, eccettuati dui,
 Qattru, cincu, a lu chiù setti persuni,
 Chi pensanu aggiustati, lu dicchiui
 Tuttu è populu, e v'è ntra lu comuni;
 Curri appressu di l'autri, nè c'è cui,
 Saccia far' usu di la sna ragioni;
 Ma natu a fari numeru, nun servi,
 Chi a consumari carni, frutti, ed ervi.

104

Perciò Sanciu nun appi in so retaggiu,
 Chi chiddu, chi malgradu lu livuri,
 Sorti nun pò negari all'omu saggiu,
 Cioè campari cu lu so sudari;
 Soffri l'umili statu cu coraggiu,
 E fatica indefessu di tutt'uri;
 Ma non ostanti chi travagghia, e stenta,
 Appena vusca quantu s'alimenta.

Cincu, *cinque*. Dicchiui, *dippiù*. Ntra lu, *nel*. Autri, *altri*. Cui, *chi*. Saccia, *sappia*. Ervi, *erbe*. Appi, *ebbe*. So, *suo*. Chiddu, *quello*. Campari, *vivere*. Vusca, *guadagna*.

Pirchì sennu , e fortuna sù dui cosi,
 Chi uniri mai si ponnu in un murtali;
 Cussì lu giustu Giovi li disposi,
 Pri equilibrari la valanza eguali;
 L' onestu , e virtuosu avrà 'na dosi
 Di paci , chi ci mitiga li mali;
 Beni , e ricchizzi nun avrà a catasta,
 M' anchi lu pocu all' omu saggiu basta.

Fini di lu Don Chisciotti, e Sancieru Panza.

Sù, sono Ponnu, possono. Valanza, bilancia. Na, una. Ci, gli. A catasta, in quantità.

Si previene il Pubblico che tutte le Vignette dell'Opera sono state inventate, e designate dal Sig. Patania, e incise da mano diversa.

LA VISIONI

I

Dica sonnu cui voli, eu juriria

Chi appi sta notti vivu tra la stanza,

Da facci a facci parrannu cu mia

Lu fu bona-mèmmoria Sanciù Panza.

Chi vai facennu, eu dissi, salvi a tia?

Vegnuj, risposi a fari 'na crianza,

Un ringraziu ben giustu, e doverusu

Azucui mi à risu celebri, e famusu.

2

E di unni veni? Vegnu, riplicau,

Da l'Elisj campagni, chi Minossu

Dignu di stu compensu mi truvau

Pri avirmi in terra rusicatu l'ossu,

Li ricchi mi fuianu pri babbau,

Tocca ora ad iddi stari tra lu fossu;

Sta sorti d'ingiustizj dda 'un ci sunnu,

Ch'una patiscia in chistu, e all'antru munnu.

Sonnu, sogno. Cui voli, *chi vuole*. Eu juriria, *io giurerei*. Chi appi, *che abbi*. Sta notti, *questa notte*. Cu mia, *con me*. Lu fu bona memoria, *il fu di buona ricordanza*. Salvi a tia, *il ciel ti salvi*. Vegnu, *rengo*. E d'unni veni? e d'ondc vieni. Riplicau, *replicò*. Dignu, *degno*. Truvau, *trovò*. Rusicatu l'ossu, *rosicchiato l'osso; importa aver patito*. Mi fuianu pri babbau, *mi fuggivano quasi la befana*. Tocca ora ad iddi, *conviene ora ad essi*. Tra lu fossu, *abbasso*. Ldà 'un ci sunnu, *colà non vi sono*. Patiscia ec, *patisca in questo, e nell'altro mondo*.

LA VISIONI

3

Ddà tuttu si equilibra amicu caru .
 Non rispetti di tituli , e di sangu ,
 Nun c'è riguardi d'impegni , e dinaru
 L'alni dda vennu nudi , e senza rangù .
 Pri scanzari lu fossu autru riparu
 Nun c'è , ch' un vijuleddu largu un spangu ,
 D'unni passanu a stentu , e a la sfuggita
 Virtù , meriti , e affanni di la vita .

4

L' omu , ch'è di una razza d'animali
 Di mistu foru . (e chistu voli diri :
 Ch'è fisicu metà , metà morali ,)
 Divi pri essenza di natura aviri
 L'idia distinta di lu beni , e mali ;
 Chist' ultima si acquista cu patiri ;
 E quannu 'un si à saldatu la partita ,
 L'equilibriu si fa ntra l' altra vita .

Ddà , colà . Autru , *altro* . Vijuleddu ,
viottolo . Razza , *specie* . Chistu , *ciò* . Chista ,
questa . Autra , *altra* .

LA VISIONI

5

Ben veru, chì s'ammetti, e si supporta
 L'omu ch'à avutu onesti godimenti.
 L'istintu di natura ci lu porta
 Nè chistu ci fu datu inutilmenti,
 Ma lu morali so c'apri 'na porta
 Ad aviri un'idia di li tormenti
 In persuna di l'autri, ed a sti provi
 Meritu acquista quannu si commovi.

6

Ma chistu è pocu pr'aviri un cantiddu
 Dintra l'Elisi; si però succurri,
 Ajuta l'infelici, oh beat'iddu!
 Cui c'è tra nui, chi ad abbracciarlu 'un curri?
 Ma lu numern è troppu scarsuliddu
 Di benefici ricchi, e raru occurri
 Di vidirni a ddi campi qualchedunu.
 Lu saturnu nun cridi a lu dijunu.

Supporta, tollera. Di l'autri, degli altri. Un cantiddu, un picciolo angolo di luogo. Dintra, dentro. Beat'iddu, beato lui. Cui c'è, chi v. è. Tra nui, tra di noi. Curri, corre. Scarsuliddu, pocolino. A ddi, a quelli. Lu saturnu, il saturo. Dijunu, digiuno,

Ora conusciu, eu dissi ca sì Sancier,
 Manifestu si fà lu tò parrari,
 Ci àju fattu l'oricchia, e nun ti scancier,
 Li mutti antichi nun li poi scurdari.
 Mi arriminu, ripigghia, com'un grancier,
 Ma nun sù chiddu chiù di tri-dinari;
 Guardami di nautr'occhiu, comu esenti.
 Di carni, e di ossa, ora sù tuttu menti.

E agghiunci: chi sta menti si la spassa
 Cu Virgiliu, cu Oraziu, e Ciciruni;
 Di Socrati, e di Esopu nun si arrassa,
 E spissu sta cu Seneca, e Platuni.
 Nui ddà tra ddi vuschitti, parti a massa,
 Parti a dui, parti a trì supra un vadduni
 Scurremu, comu fussimu incantati
 Tra un mari di delizj, e veritati.

Conusciu, conosco. Eu dissi ca sì, io dissi che sei. Ci àju fattu, vi ho assuefatto. Nun ti scancier, non ti sbaglio. Mutti, assiomi. Mi arriminu, mi dimeno. Grancier, granchio. Sù chiddu chiù, sono quello più. Di tri-dinari, s'insende ridicolo. Di nautru, di un altro. Sù, sono. Cu, con. Ddà, colà. Vuschitti, boschetti. Vadduni, vallone. Fussimu, fossimo.

LA VISIONE

9

Seguita, ci diss'iu, dammi un'idia
 Chiù estisa di l'Elisj godimenti;
 Chi t'aju a diri? rispus'iddu a mia,
 Nun si ponnu adattari a la tua menti;
 Pirchè a lu munnu 'un c'è 'na qualsisia
 Cosa, chi c'assimigghi picca, e nenti,
 Ed in stissu pri farimi capiri
 Divu li mei concetti anchi avvilirì.

10

Li gusti di vuautri viventi
 Cunsistinu, o in parentasi di mali,
 O stannu addossu di li patimenti.
 La rugna, ch'arraspati è un gustu tali;
 E si prima la fami nun si senti
 Lu manciari 'uu è gratu, e sensuali;
 Lu tedin vi fà amari li spettaculi,
 E guditi vincennu intoppi, e ostaculi.

*In, io. Dammi, dà a me. Iuaju, io ho.
 Iddu a mia, esso a me. 'Un c'è 'na, non v'
 è una. Assumigghi, somigli. Picca, puoco.
 Ed eu, ed io. Di vuautri, di voi. Rugna'
 scabbia. 'Un, non,*

II

S' ultra di chisti in vuì c'è qualch' idia
 D' autri piaciri, è chista tutta vana,
 Pirchè appujata è supra la buggia,
 Chì tantu regna tra la razza umaua,
 Ch'alza teatri tra la fantasia,
 Duvi l'illusioni sicc' intana,
 E tra li lampi di sapuni vasti
 Presenta pompi, e ambiziusi fasti.

12

E datu un omu esenti di ogni mali,
 Cridi pri tantu sia felici chissu?
 Si guardi a funnu tra lu so morali
 Ci trovi, ch'è in discordia, cu se stissu;
 Qualunqui beni avissi nun è tali
 Di appagarlu, e di dari un puntu fissu
 A li tanti disii, Idri perfetti,
 Trunchi 'na testa, e nascin' autri setti.

Di chisti, di questi. Appujata, appoggiata. Chissu, costui.

LA VISIONI

13

Ultra di chisti (soffrì ch'eu lu dica,
 Pirchè nui puri spiriti scupremu
 Tra l'internu di l'omu ogni muddica,
 E l'istinti chiù occulti ci liggemu)
 Ora sacci ch' in chisti sicc' intrica
 Un certu istintu dilicatu estremu,
 Ch'è un puntu metamaticu, ma chissu
 Tira tutti li linei a se stissu .

14

E quantu c'è d'attornu in celu, in terra,
 Tra lu mari, tra l'aria, e lu criatu,
 Tuttu lu voli, e quantu pò s'afferra
 Si nun veni rispintu, e rintuzzatu.
 Eccu chi campa tra perpetua guerra
 O cu se stissu, quam'è raffrenatu
 Da ragioni, o impotenza; o chi si vara
 Ed a la propria specj la dichiara.

Muddica, *minuzia*. Ci, *vi*. Sacci, *sappj*. Sicci, *vi si*. Chissu, *questo*. E lu criatu, *ed il creato*. O chi si vara, *o ohe si trasporta*.

LA VISIONI

15

Addunca posta sta mala simenza,
 Chi c'avi l'omu dintra lu so cori,
 O si diporta mali, e ad evidenza
 Campa infelici, e dispiratu mori:
 Si si raffrena soffri vijulenza,
 E si beni raggiuni lu ristori
 Di li soi sforzi, è chistu un linimentu,
 Ma nun si pò chiamari godimentu.

16

Ma in nui di mali mancu ci nn'è idia,
 Li beni sunnu tutti positivi,
 Tutti riali, ma la fantasia
 Di l'omu nun li capi, ne ricivi.
 Figurati la bella Poesia,
 L'immagini chiù allegri, e chiù giulivi,
 La musica chiù grata, e insinuanti
 Chisti pri nui su inezj tutti quanti.

Addunca, adunque. Chi c'avi, che vi
 ha. 'E chistu, è questo. Mancu, nettampoco
 Cinn'è, ve n'è. Sunnu, sono. Chisti, questi
 Pri nui, per noi.

LA VISIONI

17

Ridirai si tu senti unni cunsisti
 Lu godimentu, chi ni fà beati,
 Pirchè scoprirì 'un ponnu li toi visti
 Li gran biddizzi di la viritati,
 Li veri essenzi di li corpi misti,
 Di cui li munni surginù criati,
 Quali forza, e potenza, e quali liggi
 Nelli ordini li regula, e diriggi?

18

L'osservari, e conusciri in se stissa
 La materia, chi forma sulì, ed astri,
 Cos'è la luci, e si ni resta fissa,
 Dintra li corpi, o torna a roti mastri?
 E di sta terra, chi c'è suttamissa,
 E di li soi vicenni, e li disastri
 Li causi conuscirinni, e l'oggettu,
 E lu tuttu vidirinni di nettu?

Unni cunsisti, *dove consiste*. 'Un ponnu
 non possono. Biddizzi, *bellezze*. Viritati, *ve-*
 rità. Mastri, *maestri*! Li causi, *le cagioni*.
 Vidirinni, *vederne*. Di nettu, *nettamente*.

Lu comprendiri eni nell'animali
 Fà la vitalità, fà lu motori:
 Cui fà lu sensu; e chistu pirci è tali
 Chi vi distingui in vucca lu sapuri,
 L'oggetti tra li tubbi visuali,
 Tra l'oricchi li soni, in nasi oduri,
 E tra la peddi, e la periferia
 Si un corpu o duru, o moddu, o lisciu sia.

Lu cumprenniri, e vidiri distintu
 Cui dintra l'omu pensa, ed opra, ed unni?
 E comu in iddu si svigghia l'istintu,
 Cos'è in se stissu, e duvi si nascunni?
 Comu da l'intricatu laberintu
 D'un corpu organizzatu si diffunni
 Lu sensu, e comu in celu tra momenti
 Da lu locu, unni stà scurra la menti?

Cui, *chi*. E chistu, *e questo*. In vucca' *in bocca*. Peddi, *pelle*. Moddu, *molle*. Lisciu, *liscio*. Dintra, *dentro*. Ed unni, *e dove*. Comu, *come*. In iddu, *in lui*. Si svigghia, *si sveglia*.

LA VISIONI

21

Chisti cognizioni chiari, e netti,
 E autri chi lungu sarria dirli a tia,
 Fannu dda verità, chi l'almi eletti
 Tra l'Elisj felicità, e ricria.
 Ci nn'è chiù estisi poi, chi in vistu metti
 A nui lu celu quannu ci carria
 Tra novi munni, chi nun ànnu fini
 Tutti di formi novi, e pilligrini.

22

Chist'è pri nui l'ambrosia dilicata,
 La vivauna celesti, ed immortali,
 Tantu da li poeti celebrata;
 Ma d'iddi stissi conosciuta mali.
 Nun si mancia, nè vivi, ma è gustata
 Da l'almi puri cu trasportu tali,
 Chi tra piaciri ogni piaciri eccedi,
 E lu celu pri grazia la cuncedi.

Autri, *altre*. A tia, a te. Dda, *quella*.
 Ci m'è chiù, *ve ne sono più*. Ci carria, *ci porta*. Mancìa, *mangia*.

Chista c'è data tra la circostanza

Chi l'omini di alcuni di nui fannu

A lu munnu onorata rigurdanza

Pri qualche dittu, o fattu memorannu.

Sta grazia da lu celu mi si accanza

Per opra tua, chi spissu anchi jucannu

Cui leggi la mia storia in poesia

Approva, e cita qualche specia mia,

Sta grazia, chi eu trovu consolanti,

Mi obliga a tia, mi attacca eternamenti...

Basta, diss' iu, gradisciu, pass' avanti,

Comu muristi? Risposi: Eccellenti,

Comu in regni corrutti, ed ignoranti

Mori lu saggiu, e giust' omu saccenti;

V li a diri: finiu la mia tragedia

Tra guai, vudedda fradici, ed inedia.

Chista, *questa*. Jucannu, *giocando*. Cui, *chi*. Specia, *quì vale sentenza, riflessione, motto arguto ec*. Chi jeu, *che io*. A tia, *a te*. Dissi iu gradisciu, *dissi io gradisco*. Comu muristi, *come sei morto*. Saccenti, *sapiente*. Finiu, *finì*. Vudedda fradici, *budelli fracidi*.

LA VISIONI

25

E sta morti eccellenti tu la chiami?

Sì, rispusi, pirchè fu gloriosa,

E da li duri terrestri ligami

Mitigau la ruttura dularusa.

Sicci pò aviri attaccu cu la fami?

Cu li guai; cu la vita turmintusa?

A chisti tali in odiu di la sorti

Morti c'è vita, e c'è la vita morti.

26

Dunca, ripigghiar' eu, la tua sciagura

Mortu lu tò patruni, un ti lassau?

Anzi, mi rispus' iddu, sin d'allura

A mia cu filu duppiu si attaceau,

E sulu ni spartiu la sipultura.

Partennu tra sti sensi mi parrau:

Ora chi fazzu la mia ritirata

Voggh' essiri da tia ringraziata.

tom. vi.

E sta, e questa. Mitigau, mitigò. Sicci, vi si. Cu, con. A chisti, a questi. C'è vita, è per loro vita. Dunca, dunque. Ripigghiar' eu, ripresi io. Nun ti lasciau, non ti laseiò. Iddu, esso. A mia, a me. Attaccàu, attaccò. Ni spartiu, ci divide. Parrau, parlò. Fazzu, fò. Vogghiu, voglio, Da tia, da te.

Jen sù, soggiunsi, accusata da pazza,
 Pirchè cumpartu grazj, e favuri
 A li demeritati mala-razza,
 Chi fannu a la sua specj disonuri;
 E tegnu sempri attaccati li vrazza
 A la genti di meritu, e di onari,
 'E in parti veru, ma lu pazzu è l'omu,
 Chi decidi, nè sà lu chi, nè comu.

Nun ti pozzu dir' autru, e lasciu a tia
 Stu casu da decidiri: si centu
 Figghi avi un patri, e sù tra sta jinia
 Sciocchi, e scaltri, gnuranti, e di talentu;
 Quali tra chisti chiù riguardiria
 Quann' iddu avissi a fari testamentu?
 Lu patri per istintu naturali
 'E sempri patri, ed ama a tutti uguali.

Lu chi, nè lu comu, nè il che, nè il
 come. Pozzu, posso. Autru, altro. A tia, a
 te. Stu, questo. Jinia, genia. Iddu, esso.
 Riguardiria, riguardirebbe.

LA VISIONI

29

Conusci , chi lu scioccu , e l'ignuranti
 Da se nun ponnu farisi fortuna ,
 Perciò a chisti chiù beni , e chiù cuntanti
 S' àvì sennu , e giudiziu ci duna .
 S' iddu però voli purtari avanti
 Pri li niputi li boni vuccuna ,
 Li lascia a un figghiu scaltru chi li guarda
 E l'accrisci liccannusi la sarda .

30

A lu cuntrariu poi ben conuscennu ,
 Chi lu giudiziu è chiù di li dinari ,
 A chiddi figghi di talentu , e sennu
 Li lassa da se stissi industriari :
 O a jiri di saggizza percurrènnu
 Li strati non battuti , e singolari .
 Cussì tu conuseisti quali sunnu
 Li basi , unni s'aggira oggi lu munnu .

Ci duna , gli dona . Li boni vuccuna , s' intende di gustare i piaceri . A un figghiu , ad un figlio . Chi li guarda , che li custodisce . E l'accrisci , e le aumenta . Liccannusi la sarda , s'intende con la parsimonia del vivere . 'E chiù , è più . A chiddi figghi , a quelli figli . Da se stissi , da lor medesimi . A jiri , ad andare . Sunnu , sono . Unni , dove .

Conoscisti pri mia , chi lu potenti
 'E l'omu snaturatu , impiu , e crudili;
 Conoscisti pri mia , chi li talenti
 Pri lu munnu sù l'arti infami, e vili:
 Conoscisti pri mia , chi sù apparenti
 Li beni , in cui fortuna alza li vili:
 Pri mia campasti virtuosu , e saggiu ,
 E a l'immortalità farrai passaggiu .

Ma mi dirrai: Dunca lu vulgu tuttu,
 Tutti li vacabunni , e spirlacchiuni
 'Annu a l'Elisi lu salvu-conduttu
 Passanu dda pri Socrati , e Platuni?
 Mi spiegù: cui a stu statu s'è riduttu
 Pirchè fu vizziusu , o fu mandruni
 Chistu nun trasi tra li pochi , e rari,
 Ch'eu mettu a la cuppella a depurari.

Pri mia , *per me* . Sù , *sono* . Farrai , *farai* . Dunca , *dunque* . Spirlacchinni , *inutili* .
 Passanu ddà , *contano quivi* . Cui a stu statu
 s'è riduttu , *chi a questa condizione si è ri-*
dotto . Mandruni , *peltrone* , *accidioso* . Chi-
 stu nun trasi . *costui non entra* . Ch'eu met-
 tu , *che io metto* .

LA VISIONE

33

Accussì, dittu spiriu la furtuna
 Pirchè a ddi lochi, nun c'avi ingerenza,
 Quannu già l'alma lu corpu abbanduna
 Resta scuverta, e a nudu la cuscenza;
 E l'idei tra la menti ad una ad una
 Leggiri in nni si ponnu di presenza,
 E di la verità li rai lucenti
 Ci tennu tra un'oceanu di cutenti.

34

E dimmi, replicai, lu tò patruni
 Unni fu situatu? Oh mi rispusi,
 Ci foru attacchi tra ddi piluccuni
 Di Giudici tremenni, e rigurusi:
 Ci fa cui pri li soi granci-fudduni,
 Tantu a lu munnu celebri, e famusi,
 Lu voleva pri sempri cunnannari
 Li venti cu na riti a carcerari.

Accussì dittu spiriu, così detto sparì.
 A ddi lochi, in quei luoghi. Nun c'avi, non
 vi ha. Ci tennu, ci tengono. E dimmi, e di
 a me. Unni, dove. Ci foru, vi furono. Ddi
 piluccuni, usano portare i Giudici le per-
 rucche lunghe, e voluminose, che noi di-
 ciamo: Piluccuni; quì le perruconi son no-
 minate per i Giudici. Ci fa cui, vi fu chi.
 Grancifudduni, granci porri; quì vale stra-
 vaganze.

Ma poi riguardu all'animu curtisi,
 A lu bon cori, e retta intenzioni,
 Ni vulevanu menza tra l'Elisi;
 M'a stu tali progettù sicc'opponi,
 Chi l'omini un ponn'essiri divisi;
 Perciò si fici sta decisioni:
 Stia tra l'Elisi la mità di l'annu,
 L'autra vaja li venti assicutannu,

E si la passau liscia pover'omu
 In grazia di la sua menti non sana;
 Pirchè ci stava preparatu un tomm
 Di un processu ch'è misu in quarantana
 Unni veni accusatu lu so nomu
 Pri corrutturi di la specj umana;
 Avennu misu cu sciocchi avventuri
 In cappa-e-spata la virtù, ed onuri.

*Menzu, metà. Sicci, vi si. Un ponnù,
 non possono. Si fici, si fece. L'autra vaja,
 l'altra vada. Assicutannu, perseguitando.
 E si la passau liscia, e ne andò impunito.
 In cappa-e spata, in ridicolo.*

LA VISIONI

37

Chi dall'epoca in poi chi fama sparsi
 D'essiri a stravaganzi accompagnati
 L'onuri, e la virtù; tutti, com'arsi,
 C'annu li spaddi l'omini vutati
 D'allura in poi chiù in terra nun apparsi,
 Nè probità, nè fidi, nè onestati,
 Foru avviliti a via di frizzi, e botti,
 Cu diri a cui li vanta: è un Don Chisciotti.

38

Tu in un seculu a nui posteriuri
 Ni ài vidutu li tristi consequenzi;
 Senza la probità, senza l'onuri
 L'omini a sistemari 'un ci sù menzi.
 Perpetui guerri, ingiusti pretensuri,
 Tradimenti, e ingratissimi compenzi;
 'Nzumma, mancannu sti punti di appoggiu,
 Sfirrau, nè chiù s'accurdirà stu roggiu.

*Chi. che. Com'arsi, come se fossero toc-
 chi dal fuoco. Spaddi, spalle. Vutati, vol-
 tute. Chiù, più. Apparsi, apparve. Foru,
 furono. Botti, molleggi. Cu diri, con dire.
 A cui, a chi. Un ci sù, non vi sono. Sfir-
 rau, si sconcertò. Nè chiù, nè più. Stu rog-
 giu, questo orologio.*

Avogghia a fari liggi boni, e santi,
 Regulamenti saggi. 'E tempu persu,
 Chi, o vennu spirtusati tutti quanti,
 O sunnu interpetrati a lu riversu.
 Senza costumi 'un si pò jiri avanti;
 Comu la navi, chi un pò jiri a versu
 Senza timuni, ancorchè fussi chista,
 Di vili, e sarziami ben provista.

Scervantes, chi pretisi sbarbicari
 Lu pregiudiziu dominanti allura
 Di l'erranti bravuri militari,
 Nun conosciu di l'omu la natura,
 Chi tra lu menzu nun ci sà marciari
 Pigghia sempri un'estremu, chi l'oscura;
 E si da chistu si distacca, e sposta,
 Sauta, e sbatti l'estrema parti opposta.

A vogghia, è inutile. Liggi, leggi. Persu, perduto. Spirtusati, bucati. O sunnu, o sono. Riversu, rovescio. Un si pò jiri avanti, non si può far cammino. Nun pò jiri a versu, non può andar a seconda del giusto cammino. Chista, questa. Di vili, di vele. Nun ci sà, non vi sà. Pigghia, piglia. Da chistu, da questo. Sauta, salta.

LA VISIONI

41.

Ddocu l'interrumpj: sbagghia cui cridi,
 Ch'eu mi prefissi tra l'istoria mia
 Di ripistari li guerri, e disfidi
 Di l'erranti, già fu, cavallaria;
 O seguitari a la ceca li guidi
 Di Scervantes battemu la sua via;
 Ma sulu m'ideai, sul'iu pretisi
 Li toi progressi mettiri in palisi.

42

Fari vidiri comu un ignorantì,
 Ma di bon sensu, ed adeguata menti,
 Quant'avi chista chiù netta, e vacanti,
 Tantu ricivi chiù li documenti,
 Chi ci arrivanu lucidi, e lampanti
 Da guai, da traversj, da patimenti;
 Ma cui d'erruri l'avi china, ddocu
 La verità nun pò truvàri locu.

Ddocu ec. *lì giunto lo interrompi*. Sbagghia ec. *sbaglia chi crede*. Ch'eu, *che io*. Ripistari, *ripestare*. Sul'iu, *solo io*. Mettiri in palisi, *far palesi*. Fari vidiri, *far vedere*. Comu, *come*. Chista, *questa*. Vacanti, *vuota*. Lampanti, *chiari*. Ma cui, *ma chi*. China, *piena*. Ddocu, *costà*.

Cussì si scrivi francu in carta bianca
 Qualunquei saggia, e dotta lezioni;
 Ma lu locu, unni scriviri vi manca
 S'è scritta tutta senza eccezioni.
 Ti misi a dritta esperienza, e a manca
 Un pazzu, chi 'mmiscava a cosi boni
 Li stravaganzi, acciocchè tu putissi
 Esaminari, e scegghiri fra chissi.

Basta, ripigghia Sanciu, non occurri
 Chi ripitissi quante in sensi chiari
 Dintra l'istoria mia spieghi, e discurri
 Tutti sti verità pri dimostrari.
 Ma si c'è cui ligennula la scurri
 Senza avvertiricci supra, e meditari,
 Saccia, chi D' Chisciotti ad iddu lumi
 Puru po darc' intornu a lu costumi.

Unni, *dove*. 'Mmiscava, *mescolava*. Scegghiri, *scegliere*. Fra chisti, *fra cotessi*. Ripigghia, *ripiglia il discorso*. Si c'è cui, *se vi è chi*. La scurri, *la scorre*. Saccia, *sappia*. Ad iddu lumi, *ad esso lume*. Puru po darcì, *pure puo dargli*.

LA VISIONI

45

Non a casu li Dei mi ànnu accurdatu
 Di presentarmi a tia, ed isvelari
 Quantu tra l'autru munnu s'è passatu
 Pri causa di chist'omu singolari,
 E di Scervantes, chi l'à celebratu
 Cu 'na certa ironia, chi fa spiccarì
 Lu ridiculu ancora da li boni
 Tratti d'iddu curtisi, ed azioni.

46

Pirchè 'un c'è statu nuddu sinu ad ora,
 Chi c'à saputu fari li commenti,
 E la moralità cacciarni fora,
 Chi stà chiusa in ridiculi accidenti.
 Dirremu: per esempiu, chi 'un ristora
 Lu bonu vinu, e chi nun vali a nenti,
 Pirchè in locu di un vasu riccu, e adornu
 Posa, o si vivi in ciotula di cornu?

A tia, a te. Ed isvelari, e far palese
 Tra l'autru, nell'altro. Pri causa di chiddu
 per cagion di quello. Cu 'na, con una. D'
 iddu curtisi, di esso cortesi. 'Un c'è statu
 nuddu, non vi è stato alcuno. Chi c'à sa-
 putu, che vi ha saputo. Chi 'un ristori, che
 non ristori.

Dirremu : chi un diomanti 'un à valuri
 Pirchè è statu 'ngastata tra lu chiummu?
 Accussì puru la virtù, e l'onuri
 Cunservanu lu so meritu summu
 O sù tra li miserj, e li sciaguri,
 O sù di li pazzj tra lu ribummu;
 Lu saggiu scegghi lu diomanti allura,
 E lu chiummu lu jetta, e nun lu cura.

Li stravaganzi alludinu a ddi tali
 Pocu saggi, ed assai prosuntunsi,
 Chi cridevanu aviri multu sali
 Pr'aviri lettu romanzi amurusi,
 E chi si reputavanu anchi uguali
 A Licurgu, a Soluni, e autri famusi,
 Prosumennu perciò di sistemari
 Regni, provincj, celu, terra, e mari.

'Ngastatu tra lu chiummu, *incastrato nel
 piombo*. Puru, *pure*. O sù, *o sono*. Ribum-
 mu, *ribombo*. Scegghi, *sceglie*. Lu jetta,
lo getta. A ddi, *a quelli tali*. Autri, *altri*.

49

Chisti sù stati misi in cappa-e-spata
Cu l'avventuri li chiù stravaganti.
Ma nighiremu: ch'è cosa onurata
L'essiri in amicizia custanti?
Lu sodisfari a la parola data?
Cansirvari la fidi a la sua amanti?
L'essiri di l'oppressi difensuri?
E nun macchiari mai lu propiu onuri?

50

Dirremu: chi nun sia santu, ne bonu
Lu disju di riduciri lu munuu
Organizatu tuttu supra un tonu
Da fari onuri a chiddi, chì ci sunnu,
Nè di guerri sintirni chiù lu sonu?...
Minn' incaricu beni, e leva tunnu
Lu diri: chi un progettù accussì vastu
L'omini esiggi fatti d' autru impastu.

Minn', *me ne*. Autru impastu, d' *altro* impasto.

Ma non ostanti, tornu a replicari:
 Chi lu desiderarlu mustra un'alma
 Dispostu per istintu a ben oprari,
 E cori bonu, e passioni in calma,
 Tra chisti Omini pii, e singolari
 L' Abati di San Pier porta la palma,
 L' idea di D. Chisciotti si prefissi.
 Ma spata nun 'mpugnau, raggiuni dissi.

Chistu troppu fidau su la raggiuni,
 Nè calculau l' umani passioni:
 Chiddu troppu fidau sù la spatuni,
 Nè calculau la sua condizioni.
 Però lu funnu, e li miri comuni
 Nun pò negarsi, chi sù stati boni;
 Dunca a chist' inclinati a beni oprari
 Nun sicci pò la gloria negari.

Chisti, *questi*. Chistu, *questo*.
 Chiddu, *quello*. Spatuni, *spadone*. Funnu,
fondo. Miri, *mire*. Dunca, *dunque*. Nun si
 cci, *non vi si*.

LA VISIONI

53

Ci su li pazzi poi perniciosi
 A li societati, e chisti sunnu
 Chiddi chi sempri dintra d'iddi chiusi,
 Fattisi centru di tuttu lu munnu.
 Li linei chiù brillanti; e vantaggiusi
 Tutti a se si li tiranu d'intunnu,
 Cridennu, oh sciocchi! farisi felici
 Cu ruinari prossimi, ed amici.

54

Chisti sunnu li tarli, chi suttili
 Vannu rudennu a varj riprisi
 Di la società li magghi, e fili,
 Pri cui cadi, nè chiù reggi a li pisi.
 Vistu ài pezza di favi tra l'aprili
 Bella, e ciuruta? Si mai d'idda a spisi
 Nasci un spicuni di lupa, e ciurisci
 La gran pezza di favi scarmuscisci.

Ci sù, vi sono. E chisti sunnu, e questi sono. Chiddi, quelli. Dintra d'iddi, entro se stessi. D'intunnu, di attorno. Vistu ài, hai veduto. Pezza, pezzo di terreno seminato di fave. Ciuruta, fiorita. D'idda a spisi, a spese di essa. Nasci un spicuni di lupa, nasce un gambo d'orobanche. Ciurisci, fiorisce. Scarmuscisci, si disicca, vien meno.

LA VISIONI

55

Tali li Società su ruinati

Quannu surginu varj trafichini,
 O prepotenti tutti dedicati
 Ad accrisciri chiù li soi confini,
 O a sodisfari l'intressi privati
 O ad appagari li secunni fini.
 Junti li cosi ccà, battiti l'anca
 La societati è a tagghiu di lavanca.

56

Ma viju, ch'incumincia ad annalbari,

Partu, e lu corpu miu, ch'è d'aria cacciu
 Com'ài campatu ti esortu a campari
 Fora d'intrichi, e d'ogni straniu impacciu.
 Ti esortu puru a non svintuliari
 Li verità, ch'in terra 'un annu spacciu;
 Salvu, chi quannu chiusi tra un baullu
 La minsogna e imprimi la sò bullu.

Fini di la Visioni.

Su ruinati, sono rovinate. Trafichini, intriganti. Chiù, più. Secunni, particolari. Junti, arrivati. Li cosi ccà, le cose a questo stato. 'E a tagghiu di lavanca, è all'orlo del precipizio. Ma viju, ma vedo. Ad annalbari, a comparir l'alba. Cacciu, caccio via. Fora d'intrichi, lungi dagl'intrighi. Straniu, straniero. Impacciu, impiccio. Puru, pure. Svintuliari, sventolare. 'Un annu, non hanno. Salvu, salvo il caso. Baullu, baule, o forziere. La minsogna, la buggia. Bullu, bolto.

